


84

2-66



Ohannes Salamanian
237 L STREET
SO. BOSTON, MASS.

84
7-66

PRINTED IN TURKEY

20 APR 2006
19 NOV 2010

ՀՐԱՏԱՐԱԿՈՒԹԻՒՆ, Մ. ՏԵՐ-ՍԱՀԱԿԵԱՆ,

ՎԻՔՅՈՐ ՀԻԿՈ

ԹՇՈՒԱՌՆԵՐ

ԶՈՐՐՈՐԴ ՏՄԱԳՐՈՒԹԻՒՆ

ՄԱՍՆ ԵՐՐՈՐԳ. — ՄԱՐԻՈՒՍ

ՀԱՏՈՐ Զ. (6)

ԿԵԴՐՈՆԱՏԵՂԻ ՊԱԼԵՆՑ ԳՐԱՏՈՒՆ

ԻՄՔԵՆ ԶԱՐԴԱՐԵԱՆ

ԳՐԱՎԱՃԱՌ - ՀՐԱՏԱՐԱԿՆԷ
Պ. Սոխա, Զուգմազեղյար Թ/մ 39

1922

Տպագր. Մ. ՏԵՐ-ՍԱՀԱԿԵԱՆ

HARRY G. BERBERIAN

337 WASHINGTON ST.
BOSTON MASS.

SO. BOSTON,

237 L STREET

MASS.

Shamma Salamanian

12.06.2013

6405



53289-66



Վ Ե Յ Ե Ր Ո Ր Դ Գ Ի Բ Ք

ԵՐԿՈՒ ԱՍՏՂԵՐՈՒ ՀԱՆԴԻՊՈՒՄ

Գ Լ Ո Ւ Խ Ա .

ՄԱԿԱՆՈՒՆ.— ԸՆՏԱՆԵԿԱՆ ԱՆՈՒՆ ԿԱԶՄԵԼՈՒ ԿԵՐՊ

Այն ատեն Մարիուս գեղեցիկ երիտասարդ մըն էր. հասակը միջին, մազերը թանձր և սևաթոյր, ճակատը բարձր և հանճարեղ, ունդերը բաց և սիրաշունչ, կերպարանքը պարզ և հանդարտ էր, իսկ դէմքին վրայ չգիտեմ ինչպիսի բան մը կար որ սէզ, խոհուն և անմեղ էր: Կիսադէմքը՝ որու ամէն դիժերը բոլորչի ու միանգամայն հաստատուն էին՝ այն գերմանական անուշութիւնը ունէր զոր գաղղիական դէմքը Ալզասէն և Լօրէնէն ընդունեց. իսկ կերպարանքին վրայ բնաւ որ և է անկիւն չէր նշմարուեր. կերպարանի մը վրայ անկիւններու այս անթերի տարակայութիւնը այն դիմական յատկութիւնն է որով Սիզամպրընները Հոռոմայե-

ցիներու մէջ շուտ կը ճանչցուէին և որով առիւծային ցեղը արծուայինէն կը զանազանուի:

Մարիուս կեանքի այն եղանակին մէջն էր ուր խորհող մարդոց միտքը՝ գրեթէ հաւասար համեմատութեամբ կորովութիւն և պարզութիւն ընդունելով կը կազմուի: Եթէ ծանրակշիռ պարագայի մը մէջ զրանուելու ըլլար, Մարիուս ամբողջապէս ունէր ինչ որ պէտք էր ապուշ մը ըլլալու համար. թող բանալին անգամ մը եւս դառնար, և ահա Մարիուս կրնար վրսեմ ըլլալ: Իր վարմունքը զգոյշ, ցուրտ, քաղաքավար և քիչ մը վեհերօտ կերպեր ունէր: Բերանը սիրուն, շուրթները խիստ յարմարագեղ, ահռանքն ալ շատ սպիտակ էին, հետեւաբար իր ժպիտը անոր դէմքին ամէն խստութիւնները կը մեղմէր: Կային ժամեր ուր այս զգաստ ճակատը և նշտաշունչ ժպիտը տարօրինակ հակապատկեր մը կ'ընծայէին: Այլը պղտիկ, այլ նայուածքը մեծ էր:

Յետին թշուառութեան մէջ գտնուած ժամանակ Մարիուս կը դիտէր թէ՛ երբ կ'անցնէր ինք՝ նորատի աղջիկները անդին կը դառնային, հետեւաբար դառն վիշտ մը զգալով խոյս կուտար կամ կը պահուէր: Մարիուս կը կարծէր թէ այն աղջիկները իր հին զգեստներուն կը նայէին և կը խնդային. ճիշդը խօսելու համար կը խոստովանինք թէ անոնք Մարիուսի կը նայէին վասնզի գեղեցիկ էր և վասնզի կ'երազէին անոր այս գեղեցկութեան վրայ:

Մարիուս խրոչող էր այս անբարբառ թիւրքիմացութեան պատճառաւ որ տեղի ունեցած էր իր և այն գեղանի անցորդուհիներուն միջեւ: Անոնց և ոչ մէկը ընտրեց, վասնզի ամենէն ալ կ'զգուշանար: Մարիուս օրերը այսպէս անցնելով անորոշապէս ապրեցաւ, — անանակի մը պէս, կ'ըսէր Գուրֆէյրագ:

Գուրֆէյրագ նաև կ'ըսէր անոր. Գու մի՛ փափաքիր պատկառելի ըլլալ: Բարեկամ, խրատ մը տամ քեզ: Այնքան մի կարգար գիրքերը, և քիչ մը աւելի նայէ՛ բողբոսն: Այս հանած վարած կ'նիկները լաւ բաներ ունին, ո՛ր Մարիուս: Եթէ ատանկ միշտ փախչիս և ամէնաս, օր մըն ալ ապուշ մը պիտի դառնաս:

Երբեմն ալ Գուրֆէյրագ Մարիուսին հանդիպելով, կ'ըսէր.

— Բարի լո՛յս, վարդապետ:

Մարիուս երբ Գուրֆէյրագէն այսպիսի խօսք մը կը լսէր, ութը օր ա՛լ աւելի կը խորշէր թէ նորատի և թէ պառաւ կիներէն, և մանաւանդ աւելի կը խորշէր Գուրֆէյրագէն:

Սակայն անբաւ տիեզերքիս մէջ երկու կին կար որոնցմէ Մարիուս չէր խօշեր, և ոչ կ'զգուշանար բընաւ: Ստուգիւ շատ պիտի զարմանար Մարիուս եթէ ըսուէր իրեն թէ կին են անոնք: Մէկը մօրուսաւոր պառսն էր որ անոր սենեկին հաւքառաքը կ'ընէր և որ անիթ կուտար Գուրֆէյրագին ըսելու. Մարիուս՝ տեսնելով թէ մօրուք ունի իր սպասուհին, ինք չէրբեր իր մօրուքը: Միւսը գրեթէ պղտիկ աղջիկ մըն էր զօր խիստ յաճախ կը տեսնէր և որու չէր նայեր բնաւ:

Մարիուս տարիէ մը ի վեր Լիւքսանպուրի ամայի ծառուղիներէն մէկուն, այսինքն Բէլքինիէրի պարսպին կից ծառուղիին մէջ մարդ մը և խիստ նորատի աղջիկ մը կը տեսնէր որոնք Ուէսթի գոթիին կողմէն ծառուղիին ամէնէն ամայի ծայրը նստարանի մը վրայ կը նստէին գրեթէ միշտ քով քովի:

Դիպուածը որ մտախոհութեամբ համակուող մարդոց պտոյաններուն հետ կը խառնուի, ամէն անգամ որ Մարիուսը այս ծառուղիին մօտ կը բերէր, — գրեթէ ամէն օր էր այս. — Մարիուս հոն կը տեսնէր այն ամուլը:

Մարդը վաթսուսն տարեկանի չափ կ'երեւար. օրր-
տուս և ծանր էր կերպարանքը. իր բոլոր անձր ծա-
ռայութենէ քաշուող մարտիկներու պէս յաղթանդամ
և յոգնած տեսք մը ունէր: Եթէ չքանչան մը ունեցած
ըլլար, Մարիուս պիտի կարծէր թէ վաղեմի սպայ մըն
է ան: Բարի այլ անմաշելի կ'երեւար ան և նայ-
ուածքը ամենեւին չէր ուղղեր ու է անձի մը նայ-
ուածքին: Կապոյտ բանթալոն մը, կապոյտ թիկնոց մը
և լայնեղր գլխարկ մը ունէր որոնք միշտ նոր կ'երե-
ւային, նաև սեւ վզնոց մը և գուէյքըրի յատուկ այ-
սինքն հաստ կտաւէ սպիտակափայլ շապիկ մը: Կրիզէթ
մը երբ անոր քովէն անցաւ օր մը, ահա խիստ մաք-
րասէր այրի մարդ մը, ըսաւ:

Մազերը բոլորովին ճերմակ էին:

Պատանուհին որ այս մարդուն կ'ընկերանար, ա-
ռաջին անգամ երբ հետը եկաւ և նստաւ այն նստարա-
նին վրայ զոր կ'երեւայ թէ մասնաւորապէս ուտրած
էին, տասներեք կամ տասներորս տարեկան, գրեթէ
տղեղ երեւելու չափ նիհար, անչորհ, աննշան աղջը-
կան նման բան մըն էր, այլ սակայն թերեւս խոստա-
նար բաւական աղու աչքեր ունենալ օր մը: Միայն թէ
զանոնք տեսակ մը անախորժ համարձակութեամբ վեր
կ'ընէր միշտ: Աղջկան հագուստը վանքի մէջ աչակեր-
տող աղջկան մը հին ու միանգամայն մանկային հա-
գուստին կը նմանէր, սեւ մէրինուէ րօպա մը ունէր որ
աղէկ ձեւուած չէր: Կրնար կարծուիլ թէ հայր և աղ-
ջիկ էին անոնք:

Մարիուս երկու կամ երեք օր քննեց այս ծեր
մարդը որ տակաւին ծերունի մը չէր, նաև անտիա-
կան աղջիկը որ անձ մը չէր տակաւին, յետոյ ամենե-
ւին ուշադրութիւն չըրաւ անոնց: Անոնք ալ նոյնպէս
կարծես թէ չէին տեսներ զայն: Հանդարտ և անտար-

բեր կերպարանքով կը խօսակցէին: Աղջիկը անընդ-
հատ, նաև զուարթօրէն կը շողակրատէր: Մեր մարդը
քիչ կը խօսէր և մերթ ընդ մերթ՝ հայրութեան ան-
պատում պատգուսով լի աչքերը անոր վրայ կը յառէր:

Մարիուս մեքենայաբար սովորութիւն ըրած էր
այս ծառուղիին մէջ ման գալ: Անփոփոխ հոն կը գրա-
նէր զանոնք:

Ահա ըսենք թէ ինչպէս կը կատարուէր իրողու-
թիւնը:

Մարիուս ամենայն յօժարութեամբ ծառուղիին ա-
նոնց նստարանին դիմացի ծայրէն կուգար, ճամբուն
բոլոր երկայնութեամբը կը քալէր, անոնց առջևէն
կ'անցնէր, ապա ետ կը դառնար և կերթար մինչև այն
ծայրը ուրկէ եկած էր, և նորէն կսկսէր քալել առջի
կերպով: Երջագայութեան ժամանակ հինգ կամ վեց
անգամ կը պտտէր առանց երբէք այն անձերու բարե-
մը տուած կամ անոնց բարեք առած ըլլալու: Այս նը-
շանաւոր անձը և դեռահաս աղջիկը կ'երեւար թէ ու-
րիշներուն նայուածքէն կը խորշէին. թէ՛ այս պատճա-
ռաւ և թէ՛ գուցէ իրօք խորշիլ ուղելով բնականաբար
քիչ մը հետաքրքրութիւն տուած էին հինգ կամ վեց
ուսանողներու որոնք մերթ ընդ մերթ Բէթինիէրի մօտ
կը պաւտէին՝ ուսումնասէրները իրենց դասէն և ոմանք
ալ գնդախաղէն ետք: Գուրֆէյրազ՝ որ վերջիններուն
թիւէն էր՝ ժամանակ մը դիտած էր զանոնք, բայց՝
աղջիկը տղեղ գտնալով՝ շուտով և զգուշութեամբ
խոյս տուած էր անկէ: Իբր պարթև փախած էր՝ նետ
մը արձակելու պէս՝ մականուն մը նետելով անոնց
վրայ: Միայն աղջկան սև րօպան և ծերին ճերմակ
մաղերը Գուրֆէյրազին ուշադրութիւնը գրաւեր էին,
հետեւաբար ուսանող աղջկանը օրիորդ Լանուար (սեւ)
և հօրը պարոն Լրպրան (ճերմակ) անունը տուած էր:

և որովհետև ոչ ոք կր ճանչնար տնոնց թէ՛ Ե՛վ ըլլալը
և թէ՛ ինչպէս անուանուիլը, մահանուէր մնացած էր :
— Ա՛հ, Պ. Պլան իր նստարանին վրան է, կրսէին ու-
սանողները, և ուրիշներուն պէս Մարիուս այ յարմար
գտած էր Պ. Պլան անուանել այն անձանօթ մարդը :

Մենք ալ անոնց պիտի հետեւինք և պատմելու
դիւրութեան համար Պ. Պլան պիտի բռննք :

Մարիուս առջի տարին գրեթէ ամէն օր մի և նոյն
ժամուն հոն տեսաւ զանոնք : Մարդը հաճելի, այլ ազ-
ջիկը բաւական անշնորհ կերևար իրեն :

Գ Լ ՈՒ Ե Բ .

Ե Ի Ե Ղ Ե Ի Լ Ո Յ Ս

Երկրորդ տարին, պատմութեանս ճիշդ այն միջո-
ցին ուր հասաւ ընթերցողը, Մարիուս Լիւքսանպուր
երթալու և պատելու սովորութիւնը ընդհատեց՝ առանց
ինքն ալ քաջ գիտնալու պատճառը, և վեց ամիսի
չափ ոտք չի կոխեց իր ծառուղին : Վերջապէս օր մը
դարձեալ հոն գնաց : Ամառնային պայծառ առաւօտ մըն
էր երբ պայրտելու ելաւ : Մարիուս զուարթ էր այն
զուարթօշ համար զոր կ'զգայ մարդ երբ օղը գեղեցիկ
է : Կը կարծէր թէ սրտին մէջն էին թուզուներուն այն
ամէն դայլայլիկները զոր կը լսէր և երկնից այն ամէն
բեկորները զոր կը տեսնէր ծառերու տերեւներու մէ-
ջէն :

Գնաց ուղղակի շիր ծառուղին, և՛ երբ ծայրը
հասաւ՝ դարձեալ նոյն նստարանին վրայ նշմարեց այն

ձանօթ ամուկերը : Միայն թէ՛ մօտենալով՝ դիտեց որ
մարդը միևնոյնն էր, բայց ազջիկը միևնոյնը չերևցաւ
իրեն : Այն ազջիկը զոր հիմայ կը տեսնէր, մեծահաս
և գեղանի անձ մըն էր և ունէր այն ամէն շատ զմայ-
լելի ձեւերը զոր կին մը կ'ստանայ, երբ կը հասնի այն
վայրկեանը ուր անոնք մանկութեան ամենէն բնական
վայելչութեանց հետ կը միանան : Խափուսիկ և անա-
բատ վայրկեան զոր միայն սա բառերը կրնան մեկնել .
Տասնըհինգ տարեկան : Մազերը սուկեզօծ երակներով
խառն, կաստանագոյն և սքանչելի էին, ճակատը կար-
ծես մարմարաշէն էր, այտերը վարդի տերեւով մը
կազմուած կ'երեւային, աշխարհ կարմրուք մը, ծիփն
սպիտակութիւն մը, բնտիր բերան մը ուրկէ ժպտը
իբր ճառագայթ մը և խօսքը իբր երաժշտութիւն մը
կ'եղնէր, գլուխ մը զոր Ռաֆայէլ Մարիամի արժանի
համարէր թերեւս, և այս գլուխին ներքեւ վիզ մը զոր
գուցէ ժան կուժօն աստղիկին արժանի սեպէր : Եւ
այս չքնաղ պատկերը անթերի ըլլալու համար ունէր
նաեւ քիթ մը որ գեղեցիկ չէր այլ աղւոր, որ ոչ ու-
ղիղ և ոչ կօր, ոչ իտալեան և ոչ յունական, այլ բա-
րիզեան քիթ մըն էր : այսինքն կայտառ, ազնիւ, ան-
կանոն և անարատ բան մը որ պատկերա՛աններուն
յուսահատութիւն իսկ բանահիւսներուն զմայլում կու-
տայ :

Երբ Մարիուս գեղանիին քովէն անցաւ, չկրցաւ
տեսնել անոր աչքերը որոնք միշտ վար կը նայէին :
Միայն անօր երկայն և կասկեգոյն յօնքերը տեսաւ ու-
րոնք ստուերով և ամօթխածութեամբ ողորուած էին :

Բայց և այնպէս կը ժպտէր գեղանի պատանուին,
մտիկ ընելով սպիտակահեր մարդուն որ անօր հետ կը
խօսէր, և ոչինչ կրնար այնքան զմայլելի ըլլալ որքան
էր ակնկօր նայուածքի մը հետ այս նորափթիթ ժպտար :

Մարիուս նախ կարծեց թէ նոյն մարդուն ուրիշ մէկ աղջիկն է, հարկաւ առաջինին մէկ քոյրն էր այն: Բայց պտոյտի անփոփոխելի սովորութեամբը երբ երկրորդ անգամ նստարանին մօտեցաւ, ուշագրութեամբ դիտելով տեսաւ որ միեւնոյն աղջիկն էր: Վեց ամիսի մէջ պատանուէին երիտասարդուէի եղած էր. այս էր անա այլակերպութեան պատճառը: Այս երեւոյթը շատ անգամ կը պատահէ: Կայ վայրկեան մը ուր աղջիկները կը փթթին ակնթարթի մը մէջ և յանկարծ վարդ կ'ըլլան: Երէկ դեռ մանկուհիներ էին, բայց այսօր անհանգարտութիւն կուտան տեսնողին:

Այս աղջիկը ոչ միայն մեծցած այլ նաեւ տեսական գեղեցկութիւն առած էր: Ինչպէս Սպարի ամիսին մէջ երեք օր կը բաւէ տեսակ մը ծառեր ծաղիկներով ծածկուելու համար: նոյնպէս և այս աղջիկը գեղեցկութեամբ դարգարուելու համար վեց ամիս բաւական եղած էր:

Երբեմն կը տեսնուին այնպիսի աղքատ և գձուձ մարդիկ որոնք կարծես կ'արթնան, չքաւորութենէ պերճութեան կ'անցնին, ամէն տեսակ ծախս կ'ընեն, և յանկարծ փառաւոր, զեղխ և շքեղ կ'ըլլան: Ինչո՞ւ. վասնզի երէկ պայմանաժամ մը լրանալով եկամուտ մը գրպանած են: Նորափթիթ աղջիկը իր վեցամսեայ եկամուտը ընդունած էր:

Մանաւանդ թէ ալ թաւ փեղոյր, մերինստէ բոպա և գարոցական մուճակներ հազնօղ աշակերտուէի մը չէր ան, և ոչ ալ կարմիր ձեռքեր ունէր: Գեղեցկութեան հետ ճաշակն ալ եկած էր. տեսակ մը պարզ և ճոխ վայելչութեամբ, նաեւ առանց սեթեւեթի հագուած շքուած անձ մըն էր: Սեւ տամասկէ բոպա մը, նմանագիպակ լօղիկ մը և սպիտակ շղարչէ փեղոյր մը ունէր: Անոր սպիտակ թաթպանները տեսնողը կը հաս-

կընար թէ որքան ազնիւ էր ձեռքը որ չինական փրզակրէ հովանոցի մը կոթին հետ կը խաղար, իսկ մեռաքսեայ կիսակօշիկը անոր օտքին փոքրութիւնը կը ծրագրէր: Եթէ քովէն անցնէիր, իր բոլոր արգուզարգէն զմայելի և ազգու անուշահոտութիւն մը կը բուրէր:

Իսկ մարդը միեւնոյն մարդն էր:

Մարիուս երբ երկրորդ անգամ երիտասարդուէիին մօտեցաւ, նէ արտեւանունքը վեր բրաւ. աչքերուն գոյնը երկնային և խիտ կապոյտ էր. բայց այս սքողուն կապուտակութեան մէջ տակաւին մանկային նայուած մը կար միայն: Անտարբերութեամբ Մարիուսին նայեցաւ՝ մոլաթղենիներուն տակ վագվզող մանկիկին, կամ նստարանին շուք տուող մարմարեայ անօթին նայելու պէս: Մարիուս ալ իր պտոյտը շարունակեց ուրիշ բանի վրայ մտածելով:

Չորս կամ հինգ անգամ եւս անցաւ նստարանին քովէն ուր նստած էր ծաղկահաս աղջիկը, այլ առանց ընաւ անոր դարձնելու իր աչքերը:

Հետեւեալ օրերն ալ՝ սովորականին պէս՝ Լիւքսանպուր եկաւ, սովորականին պէս հօն գտաւ «հայր և աղջիկը», բայց դարձեալ ուշագրութիւն չըրաւ անոնց: Մտքէն չանցուց այս աղջիկը երբ գեղանի եղաւ. ինչպէս անցուցած չէր երբ ազեղ էր ան: Միշտ նստարանին խիտ մօտէն կ'անցնէր՝ ոչ թէ նպատակ մը ունենալուն, այլ որովհետեւ իր սովորութիւնն էր այդ:

Գ Լ Ո Ւ Ե Գ.

Գ Ա Ր Ե Ա Ն Ա Ր Դ Ի Ի Ն Ք Ը

Օր մը օդը բարեխառն, Լիւքսանպուրի պարտէզը չուքերով և տեօեններով օղօղուած, և երկինք այնքան յստակ էր որ կարծես թէ հրեշտակները առտուն լուացած էին դայն. ճնճողուկները կասկենիներու խորերէն պզտիկ ձայներ կը հանէին. Մարիուս իր սիրտը բնութեան բացած էր բոլորովին: Որ և է բանի վրայ չէր մտածեր, կ'ապրէր և կը շնչէր: Երբ անցաւ այն նստարանին մօտէն, անտիական աղջիկը աչքերը վերցրնելով Մարիուսին նայեցաւ, և երկուքին նայուածքները իրարու հանդիպեցան:

Այս անգամ ի'նչ կար արդեօք նորահաս աղջկան նայուածքին մէջ: Մարիուս չէր կրնար ըսել թէ ի'նչ կար: Բան մը չկար և ամէն բան կար: Տարօրինակ փայլակ մը եղաւ այն նայուածքը:

Աղջիկը աօջին նայեցաւ, Մարիուս ալ իր ձամբան շարունակեց:

Մարիուսի տեսածն էր չէ թէ մանկուհիի մը անմեղ և բնական նայուածքը, այլ խորհրդաւոր վիճ մը որ կէս մը բացուած և յանկարծ գոցուած էր դարձեալ:

Կայ օր մը ուր ամէն նորատի աղջիկ այսպէս կը նայի: Վա՛յ անոր որ այս նայուածքին կ'ենթարկուի:

Գեռ ինքզինքը չճանչցող հողի մը այս առաջին նայուածքը երկնից մէջ այգի կը նմանի: Ճտառգայթա-

ւոր և անծանօթ բանի մը զարթնումն է այն: Չկայ բան մը որ կարենայ արտագրել այս անակնկալ նշոյլին վտանգալի հրապոյրը, նշո՛յլ որ յանկարծ ազօտապէս կը լուսաւորէ պաշտելի խաւար մը և որ ներկային բոլոր անմեղութեամբը և ապագային ամէն արիփովը կը բաղկանայ: Տեսակ մը անորօջ գօրով է այն որ պատահարար կը յայտնուի և որ կ'սպասէ: Ծուղակ մըն է զոր անմեղութիւնը յանգէտս կը լարէ և որով սիրտեր կը գրաւէ՝ ահամայ և անգիտութեամբ: Կոյս մըն է այն որ կնոջ մը պէս կը նայի:

Այսպիսի նայուածքէ մը գրեթէ միշտ խորին մըտահողութիւն մը կը ծնի ուր որ կ'ուղղուի այն նայուածքը: Ամէն անարատութիւններն ու ամէն անմեղութիւնները իրարու կը հանդիպին այն երկնային և աղէտաւոր ճառագայթին մէջ որ հպտասէր կիներու ամէնէն սիրագրգիռ նայուածքներէն աւելի հմայական մօգութիւն ունի յանկարծ սրտին մէջ ծլել տալու անուշաբոյր հոտերով ու միանգամայն թոյներով լի այն մթին ծաղիկը որ կ'անուանուի սէր:

Մարիուս իրեկունը սենեակը դառնալով իր զգեստներուն նայեցաւ, և առաջին անգամ գիտեց թէ աղտեղութիւն, անպատեհութիւն և անլուր յիմարութիւն մըն է Լիւքսանպուրի մէջ պտրտիլ իր «ամէն օրուան» զգեստներովը. այսինքն գլխարկով մը որու ժապուէնին քովի կողմը կտրուած է, հաստ մուճակներով ուրոնք սայլորդներու յատուկ էին, սեւ բանթալօնով մը որուն ծունկերը ճերմկած էին, և սեւ թիկնօցով մը որուն արմուկները տփգունած էին:

Ք Լ Ո Ւ Ե Վ .

ՄԵՍ ՀԻՒԱՆԴՈՒԹԵԱՆ ՄԸ ՍԿԻՋՐԸ

Հետեւեալ օրը սովորական ժամուն Մարիուս պահարանէն հանեց իր նոր թիկնոցը, նոր բանթալօնը, նոր գլխարկը և նոր կոշիկները. սպառազինուեցաւ այս ամէն զէնքերով, ձեռնոցները դրաւ, — ծայրայեղ շայտուցիւն, — և Լիւքսէնպուր դնաց պտտելու:

Ճամբուն վրայ Գուրֆէյրա ին հանդիպեցաւ, այլ շտեմնելու զարկաւ: Գուրֆէյրադ երբ իր սենեակը վերադարձաւ, բարեկամներուն ըսաւ.

— Հիմա Մարիուսին նոր գլխարկը և նոր թիկնոցը տեսայ, նաեւ Մարիուսը որ անոնց մէջն էր: Անշուշտ դպրոց կ'երթար քննութիւն մը անցնելու համար: Ապուշ մը դարձած էր բոլորովին:

Մարիուս երբ Լիւքսանպուր հասաւ, աւազանին բոլորափքը դարձաւ և կարծայները դիտեց. յետոյ բաւական ժամանակ արձանի մը առջեւ կեցաւ ակնապիշ նայելով, այս արձանին գլուխը բորբոսէն բոլորովին սեւցած էր և ազդրերէն մէկը կը պակսէր:

Աւազանին մօտ քառասնամեայ և հաստափոր քաղքենի մը կար որ հինգ տարեկան աղու մը ձեռքէն բռնած էր և կ'ըսէր անոր.

— Զգուշացի՛ր ծայրայեղութիւններէ, թէ՛ բռնամուտութենէ և թէ անիշխանութենէ հաւասարապէս հեռու կեցի՛ր, ո՛րդեակ իմ:—

Մարիուս լսեց այս քաղքենիին խօսքերը: Յետոյ

անգամ մը եւս աւազանին շուրջը դարձաւ. վերջապէս ուղղուեցաւ դէպի շիր ծառուղին, յամբարար և կարծես ահամայ քայլերով: Կրնար ըսուիլ թէ բռնադատուած ու միանգամայն արգիւտուած էր հոն երթալու, թէեւ ինք ամենեւին չէր հասկնար իր այս վիճակը և կը կարծէր թէ ամէն օրուան պէս կ'երթար:

Երբ ծառուղին մտաւ, նշմարեց Պ. Լըպլանը և նորասփ աղջիկը որոնք միւս ծայրը նստարանին վրայ էին: Թիկնոցը վերէն վար կսռկեց և մարմնայն վրայ լաւ մը տեղաւորեց որպէսզի ծալք չունենայ, տեսակ մը խնդութեամբ բանթալօնին յղկուն ցլուսները քննեց և դէպի նստարանը արշաւեց: Այս արշաւուածին մէջ յարձակում և անշուշտ աշխարհակալութեան կամէութիւն մը կար: Անոր համար կ'ըսեմ թէ արշաւեց դէպի նստարանը, իբր թէ ըսէի. Աննիպալ դէպի Հոոմ արշաւեց:

Սակայն Մարիուսի ամէն շարժումներն ալ մեքենայական էին և ամենեւին ընդհատած չէր իր մտքին և աշխատութեանց սովորական հնճուքը: Նոյն պահուն կը մտածէր թէ «Մանիւէլ Թիւ Պագալօրտան» անպիտան զիրք մըն է և թէ անշուշտ հազուադուր անմիտներէ շարադրուած է ան, քանի որ մարդկային մաքի իբր հրաշակերտ Ռասինին երեք ողբերգութիւնը, իսկ Մօլիէրի միայն մէկ կատակերգութիւնը վերլուծուած են անոր մէջ: Ահանջը կը զարնէր սուր կերպով: Մինչդեռ նստարանին կը մօտենար, թիկնոցին ծալքերը կը բռնար, իսկ աչքերը անտիական աղջկան վրայ կը լաւէր: Կը կարծէր Մարիուս թէ այն աղջկիկը ծառուղիին ամբողջ ծայրը կապտագոյն և աղօտ նշոյլով մը կ'ողողէր:

Բանի կը մօտենար, իր քայլը հետզհետէ կը թուլնար: Երբ նստարանէն այս ինչ կեռաւորութիւն ունե-

ցող կէտ մը հասաւ, կանդ առաւ՝ թէեւ տակաւին շատ հեռու կը գտնուէր ծառուղիին ծայրէն, և նոյն իսկ ինքն ալ չկրցաւ գիտնայ թէ ինչպէս եղաւ որ ետ դարձաւ: Եւ ոչ իսկ ըսաւ իւրօրի թէ մինչեւ ծայրը չէր երթար: Նորատի աղջիկը հեռուէն հազիւ հազ կրցաւ նշմարել զայն և տեսնել անոր ազուր կերպարանքը զոր կուտային իր նոր զգեստները: Սակայն Մարիուս ենթադրելով թէ ետեւը գտնուողը կրնայ իրեն նայել, խիստ ուղիղ կը կենար լաւ կերպարանք ունեն սլու համար:

Մինչեւ հանդիպակայ ծայրը հասաւ, յետոյ ետ դարձաւ, և այս անգամ քիչ մը աւելի մօտեցաւ նրատարանին: Ծառերու երեք անջրպետ մնալու չափ անգամ մօտեցաւ նստարանին, բայց հոն չգիտեմ ինչու անհնարին թուեցաւ իրեն աւելի հեռու երթալը և դեղեւեցաւ: Տեսնել կարծած էր թէ նորատի աղջկան երեսը դէպ ի իրեն կը հակէր: Սակայն ատնական և բուն ջանադրութիւն մը ըրաւ, զսպեց իր դեգեւումը և շարունակեց յառաջ երթալ: Բանի մը բօպէէն ետք նրատարանին առջեւէն կ'անցնէր, ուղիղ և հաստատ կենալով, մինչեւ տկա՛ղները կարճրելով, առանց աջ կամ ձախ նայիլ համարձակելու, և ձեռքը պետական մարդու պէս թիկնոցին մէջ դրած: Երբ անցաւ — բերդին թնդանօթներուն տակէն — սրտի սոսկալի բաղխոււմ մը զգաց: Աղջիկը առջի օրուան պէս քաւնագրեայ բօպան հազած և շարունակ փեղոյրը դրած էր: Մարիուս անպատում, ձայն մը լսեց որ անշուշտ «անոր ձայնն էր»: Աղջիկը հանդարտօրէն կը խօսակցէր: Ծտտ ազուր էր: Մարիուս կ'զգար քէ ազուր էր նորատի աղջիկը, թէեւ զայն տեսնելու փորձ մը չըրաւ: Այլ սակայն, կ'ըսէր Մարիուս մտապէս, այն իմ վրայ յարգ և համարում պիտի ունենար անշուշտ եթէ գիտնար թէ

ես իսկ յօրինած եմ Մարիուս Օպրէկօն Տը Լա Բօնտայի վրայ այն ձևոր զոր պարտն Յրանսուա Տը Նէօֆյաթօ իր տպած ժիլ Պրաւի սկիզբը գրաւ իբր իր կողմէ հեղինակուած:

Նստարանէն անցաւ, ծառուղիին մինչեւ յետին ծայրը գնաց որ խիստ մօտ էր, յետոյ ետ դարձաւ և դարձեալ գեղանի աղջկան առջեւէն անցաւ: Այս անգամ բուրովին գեղնած էր Մարիուսին գոյնը: Մանաւանդ թէ անախօրժ բաներ կգգար միայն: Հեաացաւ նստարանէն և երիտասարդուհիէն, և կանակը անոր դարձնելով կը կարծէր միանգամայն թէ աղջիկը իրեն կը նայի, և այս պատճառաւ կը դայթէր:

Ա'լ նստարանին մերձենալու փորձ չըրաւ, ծառուղիին գրեթէ կէսին վրայ կանգ առաւ, և բան մը ըրաւ զոր բնաւ չէր ըրած, այսինքն նստաւ, աչքին ծայրովը նայելով և մտքին ամենէն աննշմարելի անգոււնդներուն մէջ մտածելով թէ վերջապէս կարելի չէր որ բուրովիս անզգայ ըլլան իր յղկուն բանթալօնին և նոր թիկնոցին նկատմամբ այն անձերը որոնց սպիտակ փեղոյրին և սևաթոյր բօպային վրայ կսքանչանար ինք:

Բառօրդէ մը ետք ելաւ, իբր թէ նորէն ուղեր քալէր: Սակայն ստքի վրայ և անշարժ կը կենար: Ըսաւ իրօրի, — և տասնը հինգ ամիսէ ի վեր առաջին անգամն էր այսպիսի բան մը ըսելը, — թէ այն պարտնը որ ամէն օր հոն կը նստէր իր աղջկան հետ, անշուշտ դիտած էր զինքը, և հաւանական էր թէ տարօրինակ կը համարէր իր դեգերումները:

Նոյնպէս առաջին անգամ ըլլալով անպատկառութիւն մը զգաց այն անծանօթը՝ հօգ չէ թէ մտքին մէջ գաղտնապէս՝ Պ. Լըպլան (Պ. Սպիտակը) ծիծաղելի մականուանով կոչած ըլլալուն համար:

Թշուառներ

կրտելը դիտելով, և կարծելով զգալ թէ իր վրայ կը խնդային այն թռչունները:

Այսպէս տասնորհինգ օրի չափ անցաւ: Մարիուս Լիւքսէնպուրկ կ'երթար՝ ալ չէ թէ պտըտելու այլ միշտ իր տեղը նստելու համար և առանց գիտնալու թէ ինչո՞ւ կը նստէր: Երբ հոն կուգար, ալ տեղէն չէր շարժեր: Ամէն առաւօտ իր նոր թիկնոցը կը հագնէր, հինովը շտեմնուելու համար, և հետեւեալ օրը նոյնը կը շարունակէր:

Աղջիկը յիշաւ ի հրաշալի գեղեցկութիւն մը ունէր: Միայն մէկ դիտողութիւն կարելի էր ընել իբր քննադատութիւն. այս աղջկան տրտում նայուածքին և ուրախալի թպիտին մէջ հակասութիւն մը կար որով փոքր ինչ մոլորազին կ'երեւար անոր կերպարանքը, հետեւաբար ժամանակ առ ժամանակ տարօրինակ կ'երեւար այս անուշ դէմքը առանց կորսնցնելու իր գեղեցկութիւնը:

Գ Լ Ո Ւ Խ Զ.

ՄԱՐԻՈՒՍ ԿԱԼԱՆԱԻՈՐ

Երկրորդ շաբթուն վերջին օրերէն օր մը Մարիուս՝ սովորութեանը համեմատ՝ իր նստարանին վրայ նստած էր, ձեռքը բաց գիրք կը ունենալով որուն և ոչ իսկ մէկ երեսը դարձուցած էր երկու ժամէ ի վեր: Յանկարծ սարսուռ մը եկաւ վրան: Մտաուղիին ծայրը դէպք մը կ'անցնէր: Պ. Լըպլան և իր աղջիկն ելած էին իրենց նստարանէն, աղջիկը հօրը թեւը մտած էր,

և երկուքն ալ յամբարար կ'ուղղուէին դէպի ծառուղիին մէջտեղեր, ուր նստած էր Մարիուս: Երիտասարդը զիրքը գոցեց, նորէն բացաւ, յետոյ ուզեց կարգաւ Մարիուս լը գողար: Լուսեղէն պատ'կը, գեղանի օրհորդը ուղղակի իրեն կուգար:— Ա՛հ, Աստուած իմ, կը մտածէր, ամենեւին ժամանակ չպիտի ունենամ գիրք մը աննելու: Սակայն սպլտակահեր մարդը և անտիական աղջիկը կը յատաջանային: Կը թուէր Մարիուսի թէ դար մը կը տեւէր անոնց քայլը ու միանգամայն վայրկեան մը կը տեւէր միայն:— Ինչո՞ւ համար դէպի այս կողմը կուգան, կը հարցնէր իւրովի:— Ի՞նչ, հիմա ուրեմն ասկէ՞ պիտի անցնի նէ: Իր ոտքերը այս աւազին վրայ, այս ծառուղիին մէջ, ինձմէ երկու քայլ անդին պիտի քալեն: Մարիուս ստատիկ կը խոսովէր, կ'ուզէր որ խիստ գեղանձն երիտասարդ մը ըլլար, կ'ուզէր որ խազի շքանշանը ունեցած ըլլար: Անոնց քայլերուն մեղմ և չափաւոր ձայնը լսեց: Կ'երեւակայէր թէ Պ. Լըպլան իրեն կը նայէր զայրազին: Արդեօք հետս պիտի խօսի՞ այս պարոնը, կ'ըսէր մտապէս: Մարիուս աչքերը վար ըրաւ, և երբ նորէն վեր ըրաւ, տեսաւ որ բոլորովին մօտեցած էին իրեն: Պատանուհին անցաւ, և անցնելու միջոցին Մարիուսին նայեցաւ: Ուղղակի նայեցաւ և այնպիսի խորհուն անուշութեամբ մը որմէ Մարիուս ոտքէն մինչեւ գլուխը սարսրեցաւ: Մարիուս կարծեց թէ պատանուհին կը յանդիմանէր զինքը այնքան ժամանակ սպասելուն և մինչեւ իր քով չգալուն համար, և թէ կ'ըսէր իրեն. Ահա ես եկայ: Մարիուս շլացաւ՝ տեսնելով նորատի աղջկան ճառագայթներով և անդունդներով լի բերանը:

Կը կարծէր թէ ուղեղին մէջ կրակ մը կը վառէր: Գեղանի աղջիկը մինչեւ իրեն եկած էր, ի՞նչ ուրախութիւն, մանաւանդ թէ ի՞նչպէս նայած էր իրեն: Տակա-

ւին այնքան գեղանի երեւցած չէր Մարիուսին որքան երեւցաւ հիմա . իրօք գեղանի էր կանացի ու միանգամայն հրեշտակայլ՝ գեղեցկութեամբ մը , որուն առջեւ Բեթրաբգ կ'երգէր և Տանթէ ծունր կը դնէր անշուշտ : Մարիուս երեւակայեց թէ երկնքի կապտագեղ տարածութեանց մէջ կը յողայ : Միանգամայն սոսկայի կերպով կը նեղանար , վասնզի կօչիկներուն վրայ փոշի կար :

Մարիուս ապահովապէս գիտնալ կը կարծէր թէ նէ իր կօչիկներուն ալ նայած էր :

Մարիուս անընդհատ աղջկան ետեւէն նայեցաւ մինչեւ աներեւոյթ ըլլալը : Յետոյ սկսաւ Լիւքսանպուրի մէջ յիմարի մը պէս քայել : Հաւանական է թէ երբեմնակի կը խնդար մինակը և բարձր ձայնով կը խօսէր : Մանկանց դայեակներուն մօտ այնքան կը մտախոհէր որ անոնց ամէն մէկը կը կարծէր թէ իրեն սիրահար է ան :

Մարիուս դուրս ելաւ Լիւքսանպուրէն փողոցի մը մէջ պատանուհիին հանդիպելու յոյսով :

Օտէոնի կամօրներուն տակ Գուրֆէյրադին հանդիպեցաւ և ըսաւ . եկո՛ւր , միատեղ ճաշենք :

Ռուսոյի պանդոկը գացին և վեց ֆրանք ծախս ըրին : Ուրիուս սպայի մը պէս կերաւ : Վեց սու պարզեւ տուաւ ծսոռային : Միրգ ուտելու միջոցին Մարիուս Գուրֆէյրադին ըսաւ .

— Կարդացէ՛ր լրագիրը : Ո՛րքան գեղեցիկ է Օտրի Տը Բիւլրալոյի ատենաբանութիւնը :

Մարիուս սաստիկ սիրահար էր :

Ճաշէն ևաք Գուրֆէյրադին ըսաւ . — Թատրոն երթանք . տոմսակր ինձմէն : Բօրթ Սէն Մարթէնի թատրոնը գացին « Լ'Օպերտ տէ զ'Անտրէ » ըսուած թատրերգութեան մէջ ֆրէտէրիկը տեսնելու համար : Մարիուս խիստ շատ զուարճացաւ :

Միեւնոյն ժամանակ կրկնապատկուեցաւ իր անդրքելի զգաստամտութիւնը : Թատրոնէն ելլելու ժամանակ շուգեց նորոյթի գործաւորուհիի մը ծնրակաւին նայիլ , երբ այս վերջինը ուղիտի մը վրայէն կը ցատկէր , և գրեթէ պփզուժ եկաւ իր վրայ երբ Գուրֆէյրադ ըսաւ իրեն . « Սա կինն ալ յօժարեալամ կ'անցնէի արդէն ունեցած կիներուս ցանկին մէջ » :

Գուրֆէյրադ հետեւեալ օրը Վօլթէրի սրճարանը նախաճաշիկի հրաւիրած էր զայն : Մարիուս գնաց սրճարանը և առջի օրուանէն աւելի կերաւ : Բոլորովին խօհուն և խիստ զուարթ էր : Կարծես թէ առիթ չէր փախցնէր քահ քահ խնդալու համար : Գուրգուրանօք ողջագուրեց անձանօթ գաւառացի մը որ իրեն ներկայացուեցաւ : Ուսանողներու խումբ մը սեղանին բոլորտիքը չըջան մը կազմելով կը խօսէին այն զրարանութեանց վրայ որոնք Սօրպօնի բեմին վրայ կ'ըսուին և որոնց համար տէրութիւնը ամսական կուտայ : Յետոյ խօսակցութիւնը դարձաւ գիշերա-բառարաններուն և առզանութեանց սխալներուն և անկատարութեանը վրայ : Մարիուս վիճարանութիւնը բնդմիջելով , պօռաց . Այլ սակայն շատ հաճելի բան է շքանշան մը ունենալը :

— Ահաւասիկ բան մը որ շատ զուարճալի է , ըսաւ կամօց մը Գուրֆէյրադ՝ ժան Բրուվէրին :

— Ո՛չ , պատասխանեց ժան Բրուվէր , շատ լուրջ է :

Արդարեւ լուրջ էր : Մարիուսի համար հասած էր այն առաջին բուռն և սիրուն ժամը ուր մարդս կը սկսի եռանդազին սիրել :

Մարիուսի կրած այս ամէն փոփոխութեան պատճառ եղած էր նայուածք մը միայն :

Ամենեւին պէտք չէ զարմանալ երբ ականը լի է

վառօղով և հողեհը պատրաստ: նայուածք մը կայծ մըն է:

Այլ եղած լմնցած էր: Մարիուս ա՛լ կին մը կը սիրէր: Մարիուսի ճակատագիրը անձանօթ աշխարհները կը մտնէր:

Կիններուն նայուածքը տեսակ մը ատերեւութապէս հանդարտ և սոսկալի ճախարակներու կը նմանի: Ամէն օր այս ճախարակներուն քովէն կ'անցնիս հանդարտօրէն, անպատիժ և անկասկած: Կուգայ վայրկեան մը ուր կը մոռնաս նոյն իսկ թէ հոն է այն բանը:

Կերթաս, կուգաս, կը մտախոհես, կը խօսիս, կը խնդաս: Յանկարծ բռնուիլ կ'զգաս: Այլ ճար չկայ: Ա՛լ ճախարակէն կը բռնուիս, նայուածքէն կը գրաւուիս: Ստուգիւ այն նայուածքը գրաւեց զքեզ չգիտեմ ո՛ւր կէ և ի՛նչպէս, բայց ստոյգ է թէ գրաւեց՝ բռնելով քայքայուն մտքիդ այս կամ այն մասէն. կամ թարթափումէ մը զօր ունեցած է միաքղ: Ա՛լ կորսուեցար: Բոլորովին պիտի բռնուիս: Գաղտնի զօրութեանց շրջթայով մը կը կաշկանդուիս: Պարապ տեղը կը յուզուիս: Ա՛լ հնարին չէ մարդկային ձեռնտուութիւն գրանել: Անիւններու ահոաններուն մէկէն միւսին տակ, վշտէ վիշտ, տանջանքէ տանջանք պիտի իյնաս, թէ՛ դուն և թէ՛ միտքդ, հարստութիւնդ, ապագադ, հոգիդ, և զարհուրելի մեքենայէն ուրիշ կերպով չպիտի ելլես թէ ոչ նախատինքէն տձեւնալով՝ եթէ չարասիրտ արարածի մը իշխանութեան ներքեւն ես, կամ արիփէն այլակերպուելով՝ եթէ ազնիւ օրտի մը իշխանութեան ներքեւ կը գտնուիս:

Գ Լ Ո Ւ Խ Է.

ԱՐԿԱԾՆԵՐԸ Մ ՏԱՌԻՆ ՈՐՈՒ ՎՐԱՅ

ԵՆԹԱԳՐՈՒԹԻՒՆՆԵՐ ԿԸԼԼԱՆ

Առանձնացումը, ամէն բանէ հրաժարումը, մեծամտութիւնը, անկախութիւնը, բնասիրութիւնը, օրական և նիւթական գործունէութեան տարակայութիւնը, կեանքը ըստ ինքեան, սրբակեցութեան թագուն կախները և բոլոր արարածներու առջեւ բարեսիրական հիացումը պատրաստած էին Մարիուսը այն վայելումին որ կ'անուանուի տրիփ: Հօրը վրայ եռանդագին սքանչացումը սակաւ առ սակաւ կրօնք մը կղած, և ամէն կրօնքի պէս՝ իր սրտին խորը քաշուած էր: Բան մը պէտք էր առաջին երեսին վրայ, և ահա սէրը հասաւ:

Ամբողջ ամիս մը անցաւ, և այս ամիսին մէջ Մարիուս ամէն օր Լիւքսանպուր գնաց: Երբ ժամանակը կուգար, ոչինչ կրնար արգելել զայն: — Գործի մէջ է, կ'ըսէր Գուրֆէյրագ: Մարիուս հիացումով համակուած կ'ապրէր: Ստոյգ է թէ նորատի աղջիկը իրեն կը նայէր:

Մարիուս վերջապէս համարձակութիւն առած էր և նստարանին կը մօտենար: Սակայն ա՛լ անոր առջեւէն չէր անցներ՝ հնազանդելով վեհերօտութեան բընաղղումին, միանգամայն սիրահարներու խոհեմութեան բնաղղումին: Օգտակար կը սեպէր շօրը ուշա-

դրութիւնը» չը հրաւիրել իր վրայ: Մտերուն և արձաններուն պատուանդաններուն ետին խորին մաքիւ-վելութեամբ մը կայաններ կը կարգադրէր որպէսզի կարելի եղածին չափ աւելի տեսնուի աղջկան և կարելի եղածին չափ նուազ տեսնուի ծեր մարդուն: Երբեմն ամբողջ կէս ժամ անշարժ կը կենար Լէոնիտասի կամ Սպարտագիւտի անդրի մը շուքին տակ՝ ձեռքը դիրք մը բռնելով որու վրայէն աչքերը կամաց կամաց հեռանալով գեղանի աղջիկը կը փնտռէին, և աղջիկն ալ իր կողմէ սարտամ ժպիտով մը իր սիրուն կիսագէմքը դէպի Մարիուս կը դարձնէր: Պատանուհին ըսպիտակահեր մարդուն հետ ամենաբնական և ամենահանդարտ կերպով խօսակցելովը հանդերձ կուսական և սիրաշունչ նայուածքի մը ամէն մտախոհութիւնները Մարիուսի վրայ կը դնէր: Հինօրեայ և անյիշատակ սատանութիւնը զոր Եւա աշխարհիս առջի օրէն գիտէր և զոր ամէն կին գիտէ կենաց առջի օրէն: Իր բերանը մէկին պատասխան կուտար և նայուածքն ալ միւսին կը պատասխանէր:

Պէտք է կարծել սակայն թէ Պ. Լըպլան վերջապէս բան մը նշմարած էր. վասն զի շատ անգամ՝ երբ Մարիուս կուգար՝ Պ. Պլան կ'ելլէր և կ'սկսէր քալել: Պ. Լըպլան իր սովորական տեղը ձգած էր և ծառուղիին միւս ծայրը կլափաթէօրին մօտ նստարանը ընարած էր կարծես տեսնելու համար թէ արդեօք Մարիուս հոն ալ պիտի գա՞ր իրենց ետեւէն: Մարիուս չի հասկցաւ, և անոնց ետեւէն երթալու յանցանքը դործեց: «Հայրը» սկսաւ ոչ այնքան կանոնաւոր ըլլալ. և ալ՝ ամէն օր հետը չբերաւ շիր աղջիկը»: Երբեմն մինակ կուգար: Այն ատեն Մարիուս չէր կենար. ուրիշ յանցանք մըն ալ այս էր.

Մարիուս չէր զգուշանար այս թագուն նշաններէն:

Վեներտութեան վիճակէն կուրութեան վիճակը անցած էր. բնական և ազնուաւոր յառաջդիմութիւն: Իր սէրը կ'ածէր: Ամէն գիշեր կ'երազէր իր սիրոյն վրայ: Մանաւանդ թէ անյուսալի երանութիւն մը ունեցած էր. կրակին վրայ իւր թափած էր, աչքերը պաշարող խաւարը կրկնապատկուած էր: Իրիկուն մը վերջալոյսի ժամանակ «Պ. Լըպլանի և իր աղջկան» նստարանին վրայէն՝ ուրիշ պահ մը առաջ ելած էին անոնք՝ Մարիուս թաշկինակ մը, բոլորովին պարզ և անզարդ թաշկինակ մը գտած էր որմէ կր կարծէր թէ անպատու մանուշահոտութիւններ կը բուրէին. Մարիուս մեծ ուրախութեամբ առաւ թաշկինակը որու վրայ Ս. Բ. նշանատուները կային: Մարիուս այն գեղանի պատանուհիին վրայօք բան մը չէր գիտեր, անոր ոչ ընտանիքը, ոչ անունը և ոչ բնակարանը ծանօթ էին իրեն. այս պատանուհիին վերաբերող իրերուն առաջին բանն էր այն տառնչը զոր կը բռնէր, պաշտելի՛ սկզբնատուներ որոնց վրայ շուտ մը սկսաւ կարծիքներ դիզել: Ս (Իւ) անշուշտ անունն էր. Իւրսիւ՛լ էր, ըսաւ մտովին. ի՛նչ զարմանալի անուն: Համբուրեց թաշկինակը, հօտտեց, ցերեկը սրտին վրայ, մարմինին վրայ, գիշերն ալ շուրթերուն վրայ դրաւ քնանալու համար:

— Կ'զգամ թէ այս թաշկինակին մէջն է իր բոլոր հոգին, կ'աղաղակէր Մարիուս:

Սակայն ծեր մարդունն էր այն թաշկինակը որ պարզապէս անոր գրպանէն ինկած էր: Թաշկինակը գտած օրէն ետք Մարիուս ալ ամէն անգամ որ Լիւքսէնպուրկ կ'երթար, կը համբուրէր և սրտին վրայ կը դնէր զայն: Գեղանի պատանուհին չէր հասկնար ամենեւին թէ Մարիուս ինչու կը համբուրէր և կուրծքին վրայ կը դնէր զայն:

Իր բան մը չհասկնալն ալ անշմարեւի նշաններով կ'իմացնէր :

— Ո՛ համեստութիւն : կ'ըսէր Մարիուս :

Գ Լ Ո Ւ Ե Ը .

ՇՆՐՈՒՆԻ ԶԻՆՈՒՈՐՆԵՐՆ ԻՍԿ ԿՐՆԱՆ ԵՐԶԱՆԻԿ ԸԼԼԱԼ

Քանի որ արտասանեցինք համեստութիւն բառը . և քանի որ բան մը չենք ծածկեր . կը պարտաւորինք բանի թէ անգամ մը Մարիուս հրացուցներով համակուած միջոցին խիստ ծանր զրկանք մը կրեց շիր Իւրսիւլէն :

Սովորութեանը համեմատ որ մը աղջիկը համազեց Պ . Լրպլանը նստարանէն ելլելու և ծառուղիին մէջ պարտելու : Մայիսի բանաշունչ հով մը ելած էր որ սօսիներուն կատարները կը շարժէր : Հայր և աղջիկ թեւ թեւի տալով . եկան Մարիուսի նստարանին առջեւէն անցան : Երբ անոնք անցան . Մարիուս սաքի ելլելով սկսաւ անոնց ետեւէն նայիլ անընդհատ :

Յանկարծ հովին շունչերէն մէկը որ միւսներէն աւելի զուարթ էր և թերեւս դարունին գործերը կարգադրելու պաշտօնը ունէր . ծառաստանէն ելաւ . ծառուղիին վրայ յարձակեցաւ . Վիրժիլի յաւերժահարսերուն և Թէօգրիթի դաշտային դիցուհիներուն արժանի դմաջելի սարսուռով մը համակեց անտիական օրիորդը և անոր րօպան մինչև ծնրակապին բարձրութիւնը վերցուց : Սրունք մը երեւաց սրուն ձեւը ընտիր էր : Մարիուս տեսաւ սրունքը . սաստիկ զայրացաւ և կատաղեցաւ :

Դեռարոյս աղջիկը երկնային խրաչումով լի շարժուով մը անմիջապէս վար տասն էր րօպան . այլ Մարիուս ոչ նուազ սրտմտած էր այս իրողութեան վրայ : Ստոյգ է թէ միայն ինք կար ծառուղիին մէջ . բայց կրնար ուրիշ մարդ ալ գտնուած ըլլալ : Եւ եթէ ուրիշ մըն ալ ըլլար հոն . Միթէ ասանկ բան մը լրսուած կամ եղած է երբէք : Սուկայի բան մըն էր աղջկան այն րբածը : Աւա՛ղ . խեղճ պատանուհին բան մը ըրած չէր . հովն էր յանցաւորը :

Երբ շիր Իւրսիւլը ծառուղիին մինչև ծայրը երթալէն ետք Պ . Լրպլանին հետ ետ դարձաւ և անցան այն նստարանին առջեւէն որու վրայ Մարիուս նստած էր . Մարիուս բարկալի և գազաօգոյի նայուածքով մը անոր նայեցաւ անգամ մը : Նորատի աղջիկը այս նայուածքը նշմարելով գէպի ետեւը ուղղեցաւ քիչ մը և միանգամայն արտեւանուէրը վեր վերցուց . ըսել ուզելով . — Բայց ի՞նչ կայ . ի՞նչ ունի :

Այս եղաւ անոնց առաջին վէճը :

Մարիուս աչքերովը հազիւ թէ այս ամարդի յարձակումը ըրած էր պատանուհիին վրայ . և անա մէկը անցաւ ծառուղիէն : Բոլորովին կորած . խորշոմած և սպիտակահեր ծերունի զինուոր մըն էր . Լուի ԺԵ.Ի ձեւով կարուած համազգեստ մը ունէր . նաև կարմիր չուխայէ և խաչածեւ սուրերով հակթածեւ պզտիկ շքանշան մը . զինուորի խաչ մը որ Սէն Լուիի խաչն էր . թիկնոցի թեւոց մը ներսէն անոնց թեւի . արծաթեայ կզակ և փայտէ սրունք մը : Մարիուս կարծեց նշմարել թէ այս անձը շատ գոհունակ կ'երեւար : Կարծեց նաև թէ ծերունի լիբբը իր քովէն կաղնիկաղ անցած միջոցին խիստ եղբայրական և խիստ ուրախալի կերպով մը աչքը թարթած էր իրեն՝ իբր թէ դիպուածով մը արդէն բարեկամութիւն հաստատուած ըլ-

լար իրենց մէջ և թէ անակնկալ շահ մը վայելած ըլ-
լային միասին: Ի՞նչ ունէր Աբէսի այս բեկորը որ այն-
քան զո՞ն կ'երեւար: Ի՞նչ անցած էր անոր փայտէ սը-
րունքին և միւսին մէջ: Մարիուսի նախանձը յետին
աստիճան զրգուեցաւ:— Գուցէ հոն էր ան, թերեւս
տեսաւ, ըսաւ իւրովի: Եւ փափաքեցաւ ջախջախել ծե-
րունի գինուորը:

Ժամանակին օգնելովը ամէն սլաք կը բթանալ:
Մարիուսին «Իւրսիլի» զէմ ունեցած այս բարկութիւնը
սրքան ալ արդարացի և օրինաւոր սեպուէր, անցաւ:
Մարիուս ներեց վերջապէս, բայց ճիգ թափեց ներել
կարենալու համար, երեք օր ծուռ զէմքով նայեցաւ
նորաստի աղջկան:

Սակայն այս ամէն իրերու հետ և այս ամէն իրե-
րուն պատճառաւ իր սէրը կ'աճէր և մուկերն կիրք մը
կը դառնար:

Գ Լ Ո Ւ Ե Թ .

Խ Ա Ի Ա Ր Ո Ւ Ս

Ընթերցողը քիչ մը առանջ տեսաւ թէ Մարիուս
ի՞նչպէս իմացած կամ իմանալ կարծած էր թէ Իւրսիլ
էր աղջկան անունը:

Մարիուս ուզեց գիտնալ նաև թէ ուր կը բնակի ան:
Մարիուս երկու պահասութիւն ըրած էր արդէն,
մին Կլատիաթէօրի նստարանին դարանը իյնալը, երկ-
րորդը Լիւքսէնպուրկ չկենալ երբ Պ. Լըպլան մինակ

կուգար հոն. հիմա երրորդ մըն ալ, մեծ սխալ մըն ալ
ըրաւ «Իւրսիլին» ետեւէն երթալով:

Իւրսիլ Ուէսթի փողոցը եռայարկ նոր տան մը մէջ
կը բնակէր. դուրսէն անշուք կ'երեւար այս տունը և
փողոցին ամէնէն առանձնական կողմն էր: Մարիուս
մինչեւ տունը ետեւէն գնաց:

Մարիուսի անօթութիւնը կ'աւելնար: Այժմ ուզեց
գիտնալ թէ ով էր ան:

Գիշեր մը մինչեւ տունը անոնց ետեւէն գնաց և
երբ մեծ դրան տակէն աներեւոյթ եղան երկուքն ալ,
Մարիուս եւս ներս մտաւ անոնց ետեւէն և արիարար
ըսաւ դո՞նապանին.

— Այս եկող մարդը առաջին յարկը բնակող պա-
րոնը չէ՞:

— Ոչ, պատասխանեց դո՞նապանը, երրորդ յարկը
բնակող պարոնն է այն:

Մարիուս բան մը ևս իմացած եղաւ, և այս յաջո-
ղութենէն համար ձակութիւն առնելով, հարցուց:

— Մի՞թէ առջևի կողմը կը բնակի:

— Չարմանալի հարցում, ըսաւ դո՞նապանը, աու-
նը միայն փողոցին վրայ շինուած է:

— Եւ ի՞նչ է այս մարդուն արհեստը:

— Հասառու մըն է, պարոն: Խիստ բարի մարդ
մըն է, և բարիք կ'ընէ դժբաղդներու, թէև ինք հա-
րուստ չէ:

— Անունը ի՞նչ է, կրկնեց Մարիուս:

Դո՞նապանը գլուխը վերցուց, և ըսաւ.

— Մի՞թէ պարոնը ոստիկանութեան լրտե՞ս մըն է:
Մարիուս՝ ամօթահար՝ մեկնեցաւ. բայց շատ ու-
րախ էր, վասն զի կը յառաջանար.

— Լա՛ւ, ըսաւ միտքէն: Գիտեմ որ անունը Իւր-
սիլ է. գիտեմ թէ հասառուի մը աղջիկն է, և թէ
Ուէսթի փողոցը առնի մը երրորդ յարկը կը բնակի:

Հետևեալ օրը Գ. Լըպլան և իր աղջիկը Լիւքսէն-
պուրկ եկան, քիչ մը կեցան. դեռ բուրբո՞վին ցորեկ էր
երբ ձգեցին գացին: Մարիուս անոնց ետեէն դնաց
մինչև Ուէտթի փողոցը, ինչպէս որ սովորութիւնը
բաժ էր: Երբ մեծ դուռը հասան, Գ. Լըպլան առաջ
աղջիկը մտցուց, յետոյ սեմէն անցնելէն առաջ կանգ
առաւ, ետեւը դարձաւ և ուղղակի Մարիուսին նայե-
ցաւ:

Հետևեալ օրը Գ. Լըպլան և իր աղջիկը Լիւքսէն-
պուրկ չեկան Մարիուս ընդունայն անոնց սպասեց
մինչև գիշեր:

Երբ գիշերուան մութը տիրեց, Մարիուս Ուէտթի
փողոցը գնաց, և երկրորդ յարկին պատուհաններէն
լոյս տեսաւ: Լոյսին մինչև մարիլը այս պատուհաննե-
րուն տակ պտըտեցաւ:

Հետևեալ օրը նոյնպէս անոնցմէ ոչ ոք Լիւքսէն-
պուրկ եկաւ: Մարիուս ցերեկը սպասեց, յետոյ երբ
գիշեր եղաւ, գնաց պատուհաններուն տակ պահնոր-
գութիւնը ընելու՝ նախորդ գիշերուան պէս: Այս կեր-
պով ժամը մինչև տասը կը կենար: Իր ընթրիքը կ'ը-
լար ինչ որ կրնար ըլլաւ: Հիւանդը ջերմով և սիրա-
հարը սէրով կը սնի:

Այսպէս ութը օր անցաւ: Գ. Լըպլան և աղջիկը
ա՛յլ Լիւքսէնպուրկ չէին գար: Մարիուս տրամալի են-
թադրութիւններ կ'ընէր. համարձակութիւն չունէր ցո-
րեկով երթալ և մեծ դուռը դիտել: Գիշերը Ուէտթի
փողոցը երթալով և պատուհաններուն կարծրիկի լոյսը
նկատելով գոհ կ'ըլլար: Մերթ ընդ մերթ ստուերնե-
րու անցնելը կը տեսնէր, և սիրտը կը բազրէր:

Ութերորդ օրը երբ պատուհաններուն ներքե և
կաւ, լոյս չի կար: Զարմա՛նք, ըսաւ, ճրագը գեռ
վառուած չէ, սակայն արդէն գիշեր է: Դու՛րս եկան

արդեօք: Ժամը մինչև տասը, մինչև կէս գիշեր, մին-
չև առաւօտեան ժամը մէկ սպասեց: Երրորդ յարկին
մէջ ամենեւին ճրագ մը չվառուեցաւ, և ոչ ալ տունը
դարձող և ներս մտնող մը եղաւ: Մարիուս անհնարին
ախրութեամբ մը համակոտելով փողոցէն մեկնեցաւ:

Հետևեալ օրը, — վասն զի հետևեալ օրէ հետև-
եալ օր կ'ապրէր միայն, և կրնայ ըսուիլ թէ ա՛յլ այսօր
կար անոր համար, — հետևեալ օրը, կ'ըսենք, ոչ զոք
տեսաւ Լիւքսէնպուրկի մէջ արդէն ինքն ալ կը յու-
սար թէ չպիտի տեսնէր. երեկոյեան ժամանակ տունը
գնաց: Պատուհաններէն ամենեւին լոյս մը չէր երեւար.
Վարագոյրները գոց էին. երրորդ յարկը բուրբո՞վին խա-
ւարամած էր:

Մարիուս մեծ դուռը զարկաւ, մտաւ և դռնապա-
նին հարցուց.

- Երրորդ յարկի պարունը ի՞նչ եղաւ:
- Այս տունէն ելաւ պատասխանեց դռնապանը:
- Մարիուս երերաց, և ակար ձայնով մը ըսաւ:
- Ե՛րբ:
- Երէկ:
- Ո՛ւր կը բնակի հիմա:
- Չեմ գիտեր:
- Նոր հասցէ մը չթողո՞ւց բնաւ:
- Ոչ:

Եւ դռնապանը քիթը վերցունելով ճանչցաւ Մա-
րիուսը:

— Ի՞նչ. դո՞ւք էք դարձեալ, անտարակոյս ոստի-
կանութեան լրտես մըն էք, ըսաւ:



Ե Օ Ր Ե Ր Ո Ր Գ Գ Ի Բ Գ

Բ Ա Թ Ր Օ Ն - Մ Ի Ն Է Թ



Գ Լ Ո Ւ Ե Ա .

Ա Կ Ա Ն Ն Ե Ր Ն Ե Ի Ա Կ Ա Ն Ա Հ Ա Տ Ն Ե Ր Ը



Մարդկային ընկերութեանց ամէնքն ալ ունին ինչ որ թատրոններու մէջ երող ստորայարկ մը կ'անուանուի: Ընկերային հողը ամենուրեք ականուած է մերթ քորութեան և մերթ չարութեան համար: Այս ականները վրայ վրայի բացուած են: Վերին ականնեղ, նաև ստորին ականներ կան: Վեր մը և վար մը ունի այս մթին ստորերկրը որ երբեմն քաղաքակրթութեան ներքև կը կքի և զոր ոտքի տակ կ'առնեն մեր անտարբերութիւնն ու անհողութիւնը: Վերջին դարու մէջ Հանրագիտարանը գրեթէ վրան բաց ական մըն էր: Սաւարը, այն որու ներքև պահուելով կը պատրաս-

տուէր նախկին քրիստոնէութիւնը, առիթի մը կ'սպասէր կեսարներու իշխանութեան ժամանակ պայթելու և մարդկային սեռը լոյսով ողողելու համար. վասն զի նուիրական խաւարին մէջ թագուն լոյս կայ: Հրահաները լի են մթութեամբ մը որ կարող է փաղատակելու: Ամէն հրափրփուէր նախ երբ կը կազմուի խաւարին ձեւը կ'առնէ: Ստորերկրեայ գերեզմանները՝ ուր առաջին պատարագը մատուցուեցաւ, ոչ միայն Հոսմի նկուղը այլ նաև աշխարհիս սանդարամեան էին:

Ընկերային շէնքին, խարխուլ տունի մը հետ խառնուած այս հրաշալիքին ներքև ամէն տեսակ խոռոչներ կան: Կրօնական խոռոչ, քաղաքական խոռոչ, փիլիսոփայական խոռոչ, անտեսագիտական խոռոչ, յեղափոխական խոռոչ: Մէկը գաղափարով կը պեղէ, միւսը թիւով կը պեղէ, այսինչն ալ բարկութեամբ: Ականահատները մէկ ականէ միւս ականը կը ձայնեն և կը պատասխանեն: Իւթօփիներն երկրիս ներքև խողովակներու մէջ կը քալեն. հոն ամէն կողմէ ճիւղեր կ'որձակեն. երբեմն իրարու կը հանդիպին և բարեկամ կ'ըլլան: Ժան-Ժագ-Ռուսօ իր կանգունը փոխ կուտայ Դիոգինէսին որ փոխադարձաբար իր լապաերը անոր փոխ կուտայ: Իւթօփիները երբեմն ալ իրարու դէմ կը կռուին հոն: Փալվէն Սուէնի մագերը կը բռնէ: Բայց ոչինչ կրնայ դադրեցնել, ոչ ալ ընդհատել այն ձգտումը որով այս զօրութիւնները գէպի իրենց նպատակը կը մղուին, և այն միասնական ընդարձակ դործունէութիւնը որ այս մթութեանց մէջ կ'երթեւեկէ, կ'ելնէ, կ'իջնէ, դարձեալ կ'ելնէ, և որ վրան տակով և դուրսը ներսով կ'ալաձեւէ յամբարար. անժամօ'թ և անբա'ւ վըխտում: Մարդկային ընկերութիւնը հազիւ հազ կը գայ այս պեղումը որ անոր մակերեւոյթը իրեն կը թողու և ընդերքը կը փոխէ: Ո՛րքան ստորերկրեայ յար-

կեր, նոյնքան զանազան աշխատութիւններ կան, և նոյնքան զանազան իրեր կը հանուին: Ի՞նչ կ'ելլէ այս ամէն խորունկ նկուղներէն.— Ապագան:

Քանի որ կ'ընկղմիս, ա'լ աւելի խորհրդաւոր գործաւորներ կը տեսնես: Գործը օգտակար է մինչև աստիճան մը, զոր ընկերային իմաստաւէրը կրնայ որոշել. բայց այս աստիճանէն անդին կասկածելի և խառն է գործը. եթէ աւելի վար իջնես, սոսկալի կը դառնայ այն: Կայ որոշ խորութիւն մը ուր տեղի խոռոչներուն մէջ չկրնար թափանցել քաղաքակրթութեան ազին, այս խորութիւնը անցած է այն սահմանէն ուր մարդս կրնայ շնչել. հրէշներու սկզբնաւորութիւն մը հնարին է հոն:

Տարօրինակ է գէպի վար տանող սանգուղը, և ասոր ամէն մէկ աստիճանը կը յարաբերի յարկի մը ուր փիլիսոփայութիւնը կրնայ անմիջապէս կենալ և ուր կրնանք հանդիպիլ այն բանւորներէն մէկուն որոնցմէ ոմանք երկնային են, ոմանք ալ տձեւ:

Ստոյգ է թէ երկնային աներեւոյթ շղթայով մը իրարու հետ յանգէտս կապուած են այս ամէն ստորերկրեայ ռահվիրաները որոնք գրեթէ միշտ՝ առանձին ըլլալ կը կարծեն և որոնք մինակ չեն, այլ սակայն անոնց աշխատութիւնները զանազան աշխատութիւններ են, և ոմանց լոյսը հակապատկեր կ'ընծայէ ուրիշներու փայլատակումին հետ: Ոմանք դառնալիս են ոմանք ալ ողբերգային: Սակայն ինչ որ ալ ըլլայ իրենց հակապատկերը, այս ամէն բանւորները, ամէնէն վերինէն մինչև ամէնէն գիշերայինը, ամէնէն իմաստունէն մինչև ամէնէն յիմարը նոյնութիւն մը ունին, որ է անշահախնդրութիւն: Մարդ իր սքնձը կը մտնայ Յիսուսին պէս: Ամէնքն ալ մէկուսի կը թողուն իրենց անձը, կը մոռնան զայն, իրենց վրայ չեն մտածեր բնաւ: Ուրիշ

բան կը տեսնեն և ոչ թէ իրենց անձը: Նայուածք մը ունին, և այս նայուածքը բացարձակը կը փնտռէ: Առաջինին աչքերուն մէջը կայ ամբողջ երկինքը. վերջինինը, որքան ալ կնճասլի ըլլայ, յոնքերուն տակ անսահմանութեան անգոյն ճառագայթը ունի: Մեծաբանաց արժանի է այն որու բիրը ասաղ է. ինչ կ'ուզէ թող ընէ այս նշանը ունեցողը, մեծարէ՛ զինքը:

Միւս նշանն է խաւարին բիրը:

Այս նշանէն կ'սկսի չարութիւնը: Մտածէ՛ և վախցի՛ր այն մարդուն տոջև որու նայուածքը մութ է: Ընկերային կարգաւորութիւնը գեշերադէմ սկանահատներ ալ ունի:

Կէտ մը կայ ուր խոռոչը գերեզման է, և ուր լոյսը կը մարի:

Այս ամէն ականներուն տակը զոր քիչ մը առաջ ցուցուցինք, այս ամէն գետնափոր ճամբաներուն տակ յառաջդիմութեան և իւթօփիի այս երակաւոր և ստորերկեայ անբաւ ամբողջութեան ներքև, երկրիս խիստ խորունկ տեղը, Մարայէն աւելի վար, Պապէօֆէն աւելի վար, աւելի վար, շատ աւելի վար, ուրիշ և յետին խրամ մըն ալ կայ որ ամենեւին յարաբերութիւն չունի վերնագոյն յարկերուն հետ: Զարհուրելի է այս յետին խրամը, այս է ահա այն զոր երրորդ ստորայարկ անուանեցինք: Արաւարին փոսն է այն: Կոյրերու խոռոչն է այն: Դժոխքն է:

Այդ յետին խրամը դէպ անգունդները կը ասնի

Գ Լ Ո Ւ Ե Բ .

Ս Տ Ո Ր Ա Յ Ա Տ Ա Կ Ը

Հոն կ'անհետի անշահախնդրութիւնը : Հոն սատանան աղօտապէս կը ծրագրուի . ամէն ոք իրեն համար կ'ապրի : Կոյր ետութիւնը կ'ոռնայ , կը փնտռէ . կը խաբխափէ և կը կրծէ :

Այս փոսին մէջ թափառող վայրենաբարոյ և մթին կերպարանքները , որոնք գրեթէ դազաններ , գրեթէ ուրուականներ են , տիեզերական յառաջդիմութեան չեն պարապիր . չգիտեն յառաջդիմութեան գաղափարը և խօսքը . իրենց միակ հոգն է անհատական յագեցումը : Գրեթէ գիաակցութիւն չունին , և իրենց ներքը բան մը կը ջնջուի զարհուրելի կերպով : Երկու մայր ունին , նրկուքն ալ մօրու , այսինքն ազիտութիւն և թշուառութիւն : Առաջնորդ մը ունին որ է պիտոյքը . իսկ վայելումի ամէն եղանակները կ'ամփոփուին միայն կերպի մը մէջ որ է ստամոքսը : Անասնապէս որ կորուստ են , այսինքն անգութ . անգութ չէ թէ բոնաւորին այլ վագրին պէս : Այս ճիւղները տառապանքէն դէպ ի ոճիր կ'անցնին . աղէտալի՛ բղխում , անարկո՛ւ ծնունդ , տրամաբանութիւն մթութեան : Ընկերային երրորդ ստորայտակին մէջ սողացողը ա՛լ ոչ թէ բացարձակին ծածկուած պահանջումը՝ այլ նիւթին բողբոջն է : Մարդս վիշապ կը դառնայ հոն : Սկզբնուկէտն է անօթի ըլլալ , ծարաւի ըլլալ . վերջակէտն է դեւ ըլլալ :

Ասկէ առաջ՝ չորրորդ գրքին մէջ՝ տեսանք վերին

ականին , քաղաքական , յեղաշրջական և փիլիսոփայական ընդարձակ խրամին խորչերէն : Այս խորչին մէջ՝ ինչպէս ըսինք արդէն՝ ամէն բան ազնիւ , անարատ , արժանաւոր և պատուաւոր է : Հոն ստոյգ է թէ մարդս կրնայ մոլորիլ , և կը մոլորի իսկ , բայց այն տեղի մոլութիւնը այնքան գիւցազնութիւն կ'ենթադրէ որ մեղադրելի է : Հոն կատարուած գործերուն ամբողջութիւնը անուն մը ունի , որ է Յառաջդիմութիւն :

Ուրիշ խորութիւններ , սոսկալի խորութիւններ ալ ընդնշմարելու ժամը հասաւ :

Կը կրկնեմ թէ մարդկային ընկերութեան ներքեւ շարութեան մեծ նկուղը կայ , նկուղ մը որու էութիւնը պիտի շարունակուի մինչեւ որ ազիտութիւնը փարատի :

Այս նկուղը ամէն նկուղներուն տակն է և ամէնուն ալ թշնամին : Ատելութեան նկուղն է այն որ բացառութիւն չի գետեր : Այս նկուղը փիլիսոփայ չճանչնար . իր գաշոյնը գրիչ կտրած չէ բնաւ : Իր սեւութիւնը ամենեւին նմանութիւն մը չունի կաղամարին վեհ սեւութեան հետ : Տգիտութեան մատերը՝ որոնք այս շնչարգել ձեղունին ներքեւ կը գալարուին՝ բնաւ ոչ գիրք թղթաած , ոչ ալ լրագիր բացած են :

Այս նկուղին նպատակն է ամէն բանի կքումը :

Ամէն բանի : Նաև վերագոյն խրամներուն զօր կը քամահրէ : Իր սոսկալի վխտումովը ական կը բանայ ոչ միայն արդի ընկերային կարգաւորութեան , այլ նաև փիլիսոփայութեան , այլ նաև գիտութեան , այլ նաև իրաւունքին , այլ նաև մարդկային մտքին , այլ նաև քաղաքակրթութեան , այլ նաև յեղափոխութեան , այլ նաև յառաջդիմութեան ներքեւ : Պարզապէս իր անունն է գողութիւն , բողբոջութիւն և մարդասպանութիւն : Խաւար է այն , և քառսը կ'ուզէ : Իր գմբէթը

կազմող տարերքներուն մտողջութիւնն է ազիտութիւն :

Վերին նկուղներուն ամէնքն ալ նպատակ մը ունին միայն որ է բառնալ այս շարութեան նկուղը : Փիլիսոփայութիւնն աւ յառաջդիմութիւնը իրենց ամէն միջոցներովը միահամուռ ահա այս նպատակին կը դիմեն : Թէ՛ իրականը բարեօքելով և թէ՛ բացարձակը նկատելով : Ձեռքէ՛ Տգիտութեան նկուղը , և ահա ջնջած կ'ըլլաս Ոճիր խլուրդը :

Քանի մը խօսքով ամփոփենք մեր այս դրամներուն մասը : Ընկերային միակ վտանգն է Մթութիւնը :

Մարդկութիւնը նոյնութիւնն է : Ամէն մարդիկ միևնոյն կաւով կազմուած են : Նախասահմանութեան մասին՝ գէթ այս աշխարհիս մէջ՝ տարբերութիւն մը չկայ : Միեւնոյն խաւար՝ ծնելէ առաջ , միեւնոյն մարմին՝ կենդանութեան ժամանակ , միեւնոյն աճիւն՝ մահուընէ ետք : Բայց ազիտութիւնը՝ երբ կը խառնուի մարդկային խմորին հետ՝ կը սեւցնէ զայն : Այս անբուժելի սեւութիւնը մարդուս ներսը կը ծաւալի և կ'ըլլայ Չարութիւն :

ԳԼՈՒԽ Գ.

ՊԵՊԷ, ԿԵՕԼՄԷՐ, ԳԼԱԳՍՈՒ ԵՒ ՄՕՆԲԱՐՆԱՍ

Աւագակներու քառեակ մը, այսինքն Գլաղասու, Կէօլմէր, Պապէ և Մօնրարնաս, 1830էն մինչև 1835 Բարիզի երրորդ ստորայարկը կը կառավարէին :

Կէօլմէր դաստահերքիւլ մըն էր : Իր այրն էր Արշ

Մարիօնի կայուղին : Վեց սաք բարձրութեամբ հասակ մը , մարմարեայ լանջ մը , արայրէ երկճղի ջիղեր , խոսչային շնչառութիւն մը վիթխարի իրան մը , թոչունի դանկ մը ունէր : Կը հագնէր կանեփեայ կտուէ բանթալօն և բամբակեայ թաւշէ բաճկոնակ մը կէօլմէր՝ արձանակա՞ն կազմութեամբը՝ կրնար վայրենի գաղա՞ները զօպել . բայց աւելի յարմար գառած էր ինքն ալ անոնց մէկը ըլլալը : Տած ճակատ լայն քունքեր , գրեթէ քառասնամեայ հասակ և սազի թաթեր ունէր . մաղը կործր և կորճ , այսը խողանակի նման և մօրուքը վարագային էր . արդէն կը տեսնուի անոր ի՛նչպիսի մարդ ըլլալը : Իր ջիղերն աշխատիլ կ'ուղէին , բայց իբր ապշութիւնը չէր ուզեր : Ահագին ծւլլ զօրութիւն մըն էր այն : Կէօլմէր մարդ կ'սպաննէր անհոգութեամբ : Կը կարծուէր թէ խառնածին մըն էր այն :

Պապէի թափանցկութիւնը ներհակ պատկեր մը կ'ընծայէր կէօլմէրի մարմինին հետ : Պապէ նիհար էր և դիտուն : Թափանցիկ էր , այլ անթափանցելի : Իր սեփաներուն մէջէն լոյս , այլ բիրին մէջ ոչինչ կը տեսնուէր : Իինքզինքը քիմիագէտի տեղ կը դնէր . թատրօնի մէջ նուագաւոր զաւեշտի դերասանութիւն ըրած էր : Դիտաւորութիւններ ունեցող և լաւ խօսող մարդ մըն էր . իր ժպիտները կ'ստորագծէր և շարժումները կը չափերտէր : Արհեստ էր փողոցները բռաշէն կիսարձաններ և «Տէրութեան Պետին» պատկերներ ծախել : Նաև աղուայ կը քաշէր : Գին . մէկ աղուայ , մէկ ֆրանք յիտուն . երկու աղուայ , երկու ֆրանք . երեք աղուայ , երկու ֆրանք յիտուն : Ատիթը մի՛ փախցնէք :— (Այս առիթը մի՛ փախցնէքը կը նշանակէր . կարելի եղածին չափ աղուայ քաշել տուէք) : Ժամանակաւ կարգուած և զաւեհներ ունեցած էր : Չգիտեր թէ ի՛նչ եղած էին իր կի՞նն աւ զաւեհները : Կորսնցուցած էր զանոնք

Թաշկինակ մը կորսնցնելու պէս: Պապէ իր խաւարա-
սէր ընկերներուն մէջ մեծ բազառութիւն ըլլալով, լը-
բազիրները կը կարդար: Օր մը երբ ընտանիքը տակա-
ւին իր հետն էր իր թաւալուն խրճիթին մէջ: «Մէտա-
ժէ» լրագիրը կարդալով իմացած էր թէ կին մը բաւա-
կան ապրելի տղայ մը բերած է որ կովի կնճիթ ունի,
և աղաղակած էր. «Ահա հարստութիւնն մը, ինչո՞ւ իմ
կինս ալ ինձի ասանկ դաւակ մը ծնելու խելքը չունե-
նար:

Գլաղսու ի՞նչ էր: Խաւարն էր: Տեսնուելու համար
կ'սպասէր որ երկինք սեւնայ: Գիշերը ծակէ մը կ'ելլէր
և լուսնալու մօտ դարձեալ հոն կը մտնէր: Ո՛ր էր
այս ծակը: Ոչ ոք գիտէր: Ամենէն թանձր մօլթին մէջ
անդամ միշտ կոնակը դարձնելով կը խօսէր իր մեղսա-
կիցներուն հետ: Գլաղսու էր անունը. ոչ: Անունս Ա-
մենեւին է, կ'ըսէր: Եթէ ճրագ մը բերուէր յանկարծ,
զիմակ մը կ'առնէր ան, որովայնախօս էր: Գլաղսու
անյայտ, թափառական և սոսկալի էր. ոչ ոք ստուգա-
պէս գիտէր թէ ձայն մը ունի, վասն զի որովայնը ա-
ւելի ստէպ կը խօսէր քան թէ բերանը. ոչնչոք ստու-
գապէս գիտեր թէ երես մը ունի ան, վասն զի ամէն
մարդ անոր միայն զիմակը կը տեսնէր, կաներեւութա-
նար անհետումի մը պէս. երբ կ'երեւար, կարծես թէ
երկնից տակէն կ'ելլէր:

Սոսկալի անձ մըն ալ Մօնրարնասն էր: Մօնրար-
նաս պատանի մըն էր. քսան տարեկան չկար. աղուոր
երես մը, կերասանման շուրթներ, սեւաթոյր և զմայ-
լելի մօզեր, և աչքերուն մէջ դարնանային պայծա-
ռութիւն ունէր. ամէն մուլութիւն կար իր վրայ, և
ամէն ոճիր գործելու կը փափաքէր: Մօնրարնաս չարը
մարտելովը յոռեղոյնի նկատմամբ ախորժակը կ'աւել-
նար: Նախ ստամբակ մըն էր, յետոյ թափառաչրջիկ
սրիկայ, ետքն ալ մարդասպան եղաւ:

Գլխարկին եզրը ձախ կողմէն դէպի վեր կը նայէր՝
մօզերուն փունջը ցուցնելու համար, բռնապէս գողու-
թիւն ընելով կ'ապրէր: Թիկնոցը լաւագոյն ձեւով կը-
տրուած, բայց խիստ մաշուած էր: Այս չափահասին
ամէն եղեանագործութեանց պատճառն էր հագուած
չքուած ըլլալու փափաքը: Մօնրարնաս աղուոր ըլլա-
լուն համար ուզած էր վայելչասէր ըլլալ. այդ վայել-
չասիրութեանց առաջինն է պարապորդութիւնը. աղ-
քատի մը պարապորդութեան հետեւանքն է ոճրագոր-
ծութիւն: Թափառաչրջիկներու մէջ քիչերը Մօնրար-
նասին պէս անարկու էին: Արդէն բազմաթիւ դիակներ
ունէր իր ետեւը: Մօնրարնասի մօզերը գանգրաձև և
անուշահոտ իւղերով ձեփուած. մէջքը բարակ և աղ-
քերը կնային էին. կէս մէջքէն վերը բրուսիացի պաշ-
տօնատարի մը կը նմանէր. պուլվարին աղջիկները իր
վրայ կը փոփոսային. փողկապը վարպետութեամբ կը
կապէր, գրպանին մէջ մահակ մը և կոճկարանին վրայ
ալ ծաղիկ մը կը կրէր. այսպէս էր ահա այս գերեզ-
մանին պճնամուլ երիտասարդը:

Գ Լ Ո Ւ Խ Դ .

Խ Ո Ւ Մ Բ Ի Ն Կ Ա Ջ Մ Ո Ւ Թ Ի Ի Ն Ը

Այս չորս մարդերը չորս մարդ չէին. ալ տեսակ
մը քառագլխի և թագուն գող մը. և Բարիդի մէջ մեծ
գողութեանց կը ձեռնարկէին. չարութեան հրէշատիպ
բազմոտեանն էին անոնք և ընկերութեան գետնափորին
մէջ կը բնակէին:

Իրենց ճիւղերուն, նաև յարարութեանց ստա-
րերկեայ ցանկին շնորհիւ Գէօլմէր, Գլագու, Պապէ և
Մօնրարնաս Սէն գաւառին դաւաճանութեանց ընդհա-
նուր ձեռնարկութեան վարիչներն էին: Անոնք անցոր-
դը ստորերկեայ պետական հարուածով կը տապալէին:
Այս տեսակ գաղափարներ գտնողները, գիշերային ե-
րեւակայութիւն ունեցող մարդերը անոնց կը դիմէին
իրենց գաղափարին գործադրութեան համար: Մրազիբը
հայթայթուելով այն չորս չարագործներուն կը յանձնը-
ուէր, անոնք ալ տեսարանը հանելու պաշտօնը կը կա-
տարէին: Տեսարանին վրայ կը գործէին: Միշտ պատ-
րաստ էին պէտք եղածին չափ և յարմար անձեր տալ
այն ամէն եղեռնական ձեռնարկութեանց որոնք բաւա-
կան շահարեր էին և անմիջական ձեռնարկութեան մը
կարօտ: Ոճիր մը երբ բազուկ կը փնտռէր, անոնք մեղ-
սակիցներ կուտային անոր: Այս չորս աւագակները
գիշերադէմ, դերասաններու խումբ մը ունէին՝ խոռօչ-
ներու ամէն սղբերգութեանց ներկայացումը տալու
պատրաստ:

Սովորաբար Սալբէթրիէրի մօտակայ տափաստան-
ները կը հաւաքուէին գիշերուան մութը տիրելու ժա-
մանակ որ անոնց դարթումին ժամանակն էր: Հոն կը
խորհրդակցէին: Մինչև առաոտ տասներկու գիշերային
ժամեր ունէին որոնց գործածութիւնը կը կարգադրուէր
այն աւագակներու ժողովին մէջ:

Ստորերկեայ շրջաբերութեան մէջ «Բաթրօն-Մինէթ
կ'անուանուէր» այս չորս մարդերուն ընկերակցութիւ-
նը: Այս Բաթրօն-Մինէթ անունը հաւանօրէն յառաջ ե-
կած էր այն ժամէն ուր կը վերջանար խումբին գործա-
դութիւնը, ըստ որում արշալոյսը ուրուականներու
անհետացումին և աւագակներու բաժանումին միջոցն
է: Չորս աւագակները այս անունով հանչուած էին:

Եզեանական ատեանին նախագահը երբ բանալը գնաց
Հասընէր աւագակագետը տեսնելու, հարցումներ ըրաւ
անոր իրազութեան մը նկատմամբ զոր կ'ուրանար Լա-
սընէր:— Ո՛վ ըրաւ այս բանը, հարցուց նախագահը:—
Հասընէր յետագայ պատասխանը տուաւ որ գատաւա-
րին համար անիմանալի այլ ոստիկանութեան համար
գիւրիմանալի էր:— Գուցէ Բաթրօն-Մինէթը: Այս
խումբը շատ մը ընկերներ ունէր:

Այս անձերը որոնք ոչ այնքան կը ցուցնէին իրենց
երեսը, չէին այն անձերու կարգէն որոնք փողոցները
կ'երթեւեկեն: Տաժանելի գիշերնեզ անցուցած և յոգ-
նած ըլլալով՝ ցորեկը կ'երթային կը քնէին մերթ բը-
ռահնոցներու, մերթ քարահատներու, երբեմն ալ կո-
յուղներու մէջ: Երկրի տակ կը պահուէին:

Ի՞նչ եղան այս մարդերը. կ'ապրին միշտ. ապրած
են միշտ: Քանի որ մարդկային ընկերութիւնը իր ար-
դի էութիւնը պիտի շարունակէ, անոնք ալ իրենց է-
ութիւնը պիտի ունենան: Իրենց նկուղին միջին ձե-
ղունին տակ անընգհատ կը ծնին ընկերային ծորումէ:
Կը վերադառնան այս ճիւղները, միշտ մի և նոյն
յատկութիւններով, միայն թէ ա՛լ ոչ միևնոյն անուն-
ները և ոչ ալ միևնոյն մարմինները կը կրեն:


Անհատները հետաջինջ կ'ըլլան, այլ ասմը միշտ
կայ:

Միշտ միևնոյն կարողութիւնները ունին: Ճեղը՝
մուրացկանէն թափառողին կ'անցնի անարատ: Ասոնք
դրպանին մէջ դրուած ստակը կը գուշակեն, ժամա-
ցոյցին հօտը կ'առնեն: Ոսկին և ստակը հօտ մը ունի
անոնց համար: Կան այնպիսի միամիտ քաղքենիներ ո-
րոնց համար կարելի ըսել թէ գողանալի երեւոյթ մը
ունին: Այս մարդերը համբերութեամբ այն քաղքենի-
ներուն ետեւէն կ'երթան: Երբ օտարական մը կամ գա-

ւառաքնակ մը կ'անցնի, սարդի պէս ցնցում մը կ'ըզ-
դան անոնք:

Երբ կէս գիշերի միջոցին ամայի պուլվարի մը վրայ
հանդիպելու ըլլաս այս մարդերուն կամ ընդնշմարեա
զանոնք, կը զարհուրես, վասնզի սոսկալի են: Այն
միջոցին մարդերու չեն նմանիր, այլ կենդանի մշուշով
մը կազմուած կերպարանքներու: Կրնայ ըսուիլ թէ
սովորաբար խաւարէն չեն զանազանուիր, թէ իրենց
հոգին խաւարն է միայն, և թէ առ ժամանակեայ կեր-
պով և հրէշային կեանքով մը քանի մը վայրկեան
ապրելու համար զատուած են խաւարէն:

Ի՞նչ պէտք է այս ճիւղերը ընաջինջ ընելու հա-
մար.— Լո՛յս. հեղեղանման լոյս: Զիղջերուն և ոչ
մէկը կը դիմադրէ արշալոյսին: Լուսաւորէ ստորերկ-
եային ընկերութիւնը:



ՈՒՐԵՐՈՐԳ ԳԻՐԳ

ՅՈՌԻ ԱՂՔԱՏԸ

Գ Լ Ո Ւ Ե Ա.

ՄԱՐԻՈՒՍ ՓԵՂՈՒՐԱՒՈՐ ԱՂՋԻԿ ՄԸ
ՓՆՏՈՒԵԼՈՎ ԳԼԽԱՐԿԱՒՈՐ ՄԱՐԴՈՒ
ՄԸ ԿԸ ՀԱՆԴԻՊԻ

Ամառը անցաւ, աշունն ալ անցաւ, և ձմեռը ե-
կաւ: Ոչ Գ. Լըպլան, ոչ ալ անտիական օրիորդը Լիւք-
սէնպուրկ եկած չէին ընաւ: Մարիուսի մինակ մտա-
ձուռնն էր նորէն տեսնել այն քաղցր և պաշտելի գէմ-
քը: Միշտ կը փնտռէր, ամենուրեք կը փնտռէր, այլ
բան մը չէր գտներ: Մարիուս առաջուան պէս ա՛լ ոչ
եռանդուն մտախոհ մը, ոչ համարձակ, վառ ու բոր-
բոք և անյողդողդ մարդ մը ոչ ճակատագրին յանդուգն

գրգռիչը, ոչ ապագան ապագայի վրայ կազմող ուղեղը, և ոչ ալ յատակագծերով, նպատակներով, մեծամաս-
թիւններով, գաղափարներով և կամքով ի նորակազմ
միտքն էր, այլ կորսուած շուն մը: Սև տրամու-
թեամբ մը համակուեցաւ: Ա՛լ գործը լմնցած էր: Աշ-
խատութիւնը կ'ատէր, շրջագայութեան ժամանակ կը
յօգնէր, առանձնութեան մէջ կը ձանձրանար. հիմայ
բոլորովին դատարկ կ'երեւար իրեն հանրածաւալ բնու-
թիւնը որ առաջները կերպարանքներով, պայծառու-
թիւններով, ձայներով, խորհուրդներով, հետաետեի-
ներով, հորիզոններով և օւսումներով լի կը թուէր:
Այր կարծէր թէ ամէն բան աներեւոյթ եղած է:

Մարիուս կը մտածէր միշտ, վասն զի մտածուած է ի
զատ բան մը չէր կրնար ընել, բայց իր մտածումները
առաջուան պէս հաճութիւն չեն տար: Այս մտածում-
ները ինչ որ իրեն կ'առաջարկէին լռելեայն և անդուլ,
Մարիուս կը մերժէր և մութին մէջ կը պատասխանէր.
Ինչի կը ծառայէ:

Բիւր յանդիմանութիւններ կ'ընէր ինքնիրեն: Ին-
չ՞ու ետեւէն գացի: Ո՛րքան երջանիկ էի միայն տես-
նելով զինքը: Ինծի կը նայէր նէ. մի՛թէ անբաւ բա-
րիք մը չէր այսքանը. նաև կ'երեւար թէ կը սիրէր
զիս. մի՛թէ այս չէ. ամէնը: Ուրիշ ինչ տեսնել ուզեցի.
սիրուելէն ետք ա՛լ ուրիշ բան չկայ: Այլանդակ վար-
մունք ունեցայ: Յանցանքը իմս է... Էայլն...: Գուր-
ֆէյրագ որու Մարիուս բան մը յայտնած չէր՝ իր բնա-
ւորութեանը համեմատ և որ սակայն քիչ մը կը դու-
շակէր ամէն բան, վասն զի դուշակելն ալ Գուրֆէյ-
րագի բնավորութիւնն էր, նախ Մարիուսը՝ սիրահար
ըլլալուն համար՝ շնորհաւորած և միանգամայն հիացած
էր անոր սիրահարութեան վրայ. յետոյ տեսնելով թէ
Մարիուս այսպիսի թախծութեամբ մը կը համակուի.

բոսած էր անոր. — Կը տեսնեմ որ պարզապէս աւանակ
մըն ես եղեր: այն՝ ի՛նչ կ'ըսեմ, եկո՛ւր Շօմիէր եր-
թանք:

Սնպտեմբերի արեւափայլ օրերէն օր մը Մարիուս՝
Գուրֆէյրագի, Պօսիւէի և Կրանթէրի թօխանձանաց
զիջանելով Սօի պարահանդէսը գացած էր, յուսալով
թէ, ո՛հ, ի՛նչ երազ, թերեւս հոն պիտի գտնէր իր սի-
րուհին: Փութանք ըսելու թէ Մարիուս չգտաւ այն
աղջիկը զոր կը փնտաէր. — Սակայն հոս կը գտնուին
ամէն կորսուած կիները. կը մրճաբ Կրանթէր մեկու-
սի: Մարիուս պարահանդէսը թողուց իր բարեկամները,
և ետ դարձաւ հետի, մինակ և տենդահար: Գիշերա-
յին մթութեան մէջ իր աչքերը կը պղտորուէին և կը
առտմէին. իսկ այն զուարթ կառքերը որոնց մէջ խըռ-
նող և երգող անձերը պարահանդէսէն կը դառնային և
անոր քովէն կ'անցնէին, իրենց աղմուկովն ու փոշիովը
կը շփոթէին զայն: Մարիուս անառայնապէս իր սենեա-
կը դարձաւ, վհատելով և՛ գլուխը զովացնելու համար
ճամբուն վրայի ընկուզենիներուն կծու հոտը շնչելով:

Սկսաւ հետզհետէ աւելի առանձնութեամբ, մօլո-
րումով, վհատութեամբ ապրիլ, բոլորովին իր ներքին
վիշտովը համակուելով, որոգայթը ինկող գայլի մը
պէս իր վշտին մէջ երթեւեկելով. ամենուրեք տարակայ
օրիորդին հետքը որոնելով և սիրովը ապուշ մը դառ
նալով:

Անգամ մը բան մը պատահեցաւ Մարիուսի և տա-
բօրինակ տպաւորութիւն մը ըրաւ իր վրայ: Տէգ. Էն-
վալիտէ պուլվարներուն մօտակայ գահններուն մէջ Մա-
րիուսի դէմ մարդ մը ելած էր. այս մարդը բանւորի մը
պէս հագուած էր և երկայն պահանակով գլխանոց մը
ունէր որու տակէն խիտ սպիտակ մազերու փունջեր
կ'երեւային: Մարիուս զարմացաւ այս սպիտակ մազե-

բուն գեղեցկութիւնը տեսնելով և մարդուն նայեցաւ որ յամբաստան կը քալէր և կարծես թէ ցաւագին մտախոհութեան մը մէջ ընկղմած էր: Մարիուս կարծեց թէ Պ. Լըպլանն էր ան. ի՞նչ զարմանալի բան: Մարիուս նոյն մազերը, նոյն կիթաղէմքը կը տեսնէր որքան որ զլիսանոցին տակէն կ'երեւար ան, նաև միւսնոյն ընթացքը. միայն թէ աւելի տրտում էր մարդը: Բայց ինչո՞ւ բանուորի զգեստներ հագած էր այն. ի՞նչ ըսել կ'ուզէր այս. ի՞նչ կը նշանակէր այս ծպտումը, Մարիուս շատ զարմացաւ: Երբ ուշաբերեցաւ, իր առաջին շարժումն եղաւ այս մարդուն ետեւէն երթալ. ո՛վ գիտէ, թերեւս գտած էր վերջապէս այն հետքը զոր կը փնտռէր: Ի՞նչ կ'ուզէ թող ըլլայ, պէտք է, կ'ըսէր, ի մտուստ նորէն տեսնել մարդը և կնճիւղը քակել: Բայց շատ ուշ ծնաւ այս զաղափարը իր մտքին մէջ, վասն զի մարդը ա՛յ հեռացած և աներեւոյթ եղած էր. կողմնական պղտիկ փողոցներէն մէկը մտած էր, հետեւաբար Մարիուս չկրցաւ գտնել զայն: Այս հանդիպումը քանի մը օր անոր միտքը զրաւեց, յետոյ մոռցուեցաւ. — Մանաւանդ թէ, ըսաւ իւրովի, հաւանորէն ոչ այլ ինչ էր այն եթէ ոչ նմանութիւն մը:

ԳԼՈՒԵ Բ.

Գ Ի Ի Տ Մ Ը

Մարիուս Կորպոյի խաբխուլ տունը կը բնակէր միշտ, ուր և ոչ մէկուն ուշադրութիւն կ'ընէր:

Ստուգիւ այն միջոցներուն Կորպոյի տան մէջ իրմէ և ժօնտրէք անուն ընտանիքէն ի գառ ոչ ոք կը բնակէր: Մարիուս անգամ մը այս ժօնտրէթներուն վարձքը ինք վճարած, սակայն ոչ չօրր, ոչ մօրը, ոչ ալ աղջիկներուն հետ խօսած էր: Միւս վարձարնակները տունէն ելած կամ մեռած և կամ՝ վարձքը վճարել չկարենալով արտաքսուած էին:

Նոյն ձմեռը օր մը փետրուարի երկուքին, արեւը քիչ մը երեւցած էր կէսօրէն ետք:

Մարիուս իր խոռոչէն պահ մը առաջ ելած էր: Գիշերուան մութը կը տիրէր: Ընթրելու ժամանակն էր այս: Վասն զի, աւա՛ղ պէտք էր ընթրել սկսիլ դարձեալ. ո՛ր տկարութիւն տեսլական սիրոյ:

Մարիուս դուրս ելած էր իր դռան սեմէն զօր նոյն միջոցին Պուկօն խաթունը կ'աւելէր յետագայ երեւելի մենախօսութիւնը արտասանելով.

— Հիմայ ի՞նչ կայ աժան. ամէն բան սուղ է: Միայն աշխարհիս վիշտը աժան է. ոչինչ գինով կ'ըստացուի աշխարհիս վիշտը:

Մարիուս կամաց կամաց քայելով պուլվարէն վեր կ'ելլէր և դէպի քաղաքադուռը կ'ուղղուէր Սէն Ժագի գոհեր երթալու համար: Գլուխը կախած և խոհուն կերպարանքով կը քալէր:

Յանկարծ արմուկէ մը դրդուել զգաց մշուշին մէջ ետեւը դարձաւ և ցնցոտիներ հագած երկու մեծ աղջիկ տեսաւ, որոնց մէկը երկայն և նրբաձե հասակ ունէր, իսկ միւսը քիչ մը պղտիկ էր և որոնք արագապէս, շնչասպառ և անարեկ կ'անցնէին և կարծես թէ կը փախչէին. այս աղջիկները Մարիուսի գէմը ելած, եւ՛ ջովէն անցնելու միջոցին՝ չտեսնելով դրդած էին զայն: Մարիուս վերջալուսին մէջ անոնց տփռոյն կերպարանքը, բաց և հերարձակ գլուխը, սոսկալի գտակները,

հինուգուա միջազգեստները և բոսիկ սուքերը կը նըշ-
մարէր: Կը վագէին ու միանգամայն կը խօսէին աղ-
ջիկները: Ամենէն մեծը ցած ձայնով կ'ըսէր:

Փայտուորները եկան: Գիշ մնաց զիս պիտի բռնէին
Կէս շրջանին մէջ:

Միւսը կը պատասխանէր. — Ես ալ տեսայ զա-
նոնք: Փախայ, բոլոր ուժովս փախայ: Մարիուս ի-
մացաւ և աղջիկներուն ստիկանութեան մարդերէն
դժուարաւ աղափելով խոյս տուած ըլլալը հասկցաւ:

Աղջիկները Մարիուսին ետեւի կողմէն պուլվարին
ծառերուն տակ սուզուեցան, և հոն մութին քանի մը
վայրկեան տեսակ մ'անորոշելի սպիտակութիւն կազ-
մեցին որ շուտ մը անհետ եղաւ:

Մարիուս պահ մը կանգ առաւ:

Ճամբան շարունակել ուզած միջոցին գետինը սո-
քերուն քով պզտիկ և գորշագոյն ծրար մը նշմարեց:
Մտեցաւ և առաւ ծրարը, տեսակ մը պահարան էր այն
և կ'երեւար թէ թուղթեր կը պարունակէր:

— Լա՛ւ, ըսաւ, կարծեմ թէ այն խշուտուհիները
ձգած պիտի ըլլան այս ծրարը:

Ետ դարձաւ, կանչեց, բայց չգտաւ զանոնք, մտա-
ծելով թէ արդէն հեռացած էին աղջիկները, ծրարը
գրպանը դրաւ և ընթրելու գնաց:

Ճամբան քալելու ժամանակ Մուֆթարի փողոցին
մօտ ծառուղիին մէջ մանուկի դադաղ մը տեսաւ որ
սև սաւանով մը ծածկուած և երեք աթոռի վրայ դըր-
ուած էր և զոր ճրագ մը կը լուսաւորէր: Մշուշին մէջ
նշմարած երկու աղջիկները միտքը եկան:

— Ին՛դ՞ մայրեր ըսաւ մտովի, բան մը կայ որ
իր զաւկին մեռնելը տեսնելէն աւելի տրամալի է, այ-
սինքն տեսնել անոնց գէշ ապրելը:

Յետոյ ելան մտքէն այս ստուերները որոնք զա-

նազանութիւն կուտային անոր տրամութեան, և նորէն
պաշարուեցաւ իր սովորական մտահոգութիւններէն:
Սկսաւ մտածել իր վեցամսեայ սիրոյն և երանութեան
վրայ:

— Չանի օ՛ն տիրեցաւ կեանքս, կ'ըսէր իրովի:
Նորատի աղջիկներ միշտ կ'երեւան ինձ, միայն թէ ա-
ռաջները հրեշտակներ, իսկ հիմա դիակեր ճիւղներ
էին անոնք:

Գ Լ Ո Ւ Ե Գ.

Զ Ո Ր Ս Ն Ա Մ Ա Կ

Գիշերը՝ Մարիուս պակելու հալար՝ երբ վրայի
զգեստները կը հանէր, ձեռքովը գրպանը խառնած մի-
ջոցին հանդիպեցաւ այն ծրարին զոր պուլվարին վրայ
գետնէն գտած էր: Մարիուս մտոցած էր զայն: Մտա-
ծեց թէ անօգուտ չպիտի ըլլար բանալ ծրարը. թէ ե-
րիտասարգուհիներուն հասցէն թերեւս անոր մէջ նշա-
նակուած է, եթէ իրօք անոնց կը վերաբերէր այն, և
թէ գէթ պիտի ստանար հարկ եղած տեղեկութիւնները
որպէս զի հասկնայ ծրարին որու վերաբերիլը և յանձ-
նէ զայն տիրոջը:

Բացաւ պահարանը որ կնքուած չէր և որու մէջ
չորս նամակ կար նոյնպէս անկնիք:

Այս նամակներուն հասցէները գրուած էին:

Չորսն ալ ձխախտի սոսկալի հոտ մը կուտային:
Առաջին նամակին հասցէն էր, Առ. Տիկիև, Տիկիև

մարտիկոսի Տր Կրիշչրեյ, երեսփոխանաց ժողովաւեղիին հրապարակը, քիւ... Մարիուս ըսաւ իրովի թէ հաւանորէն պիտի ստանար իր փնտուած տեղեկութիւնները, և մասուանդ թէ նամակը գոց չըլլալով ստոյգ էր թէ կրնար կարգացուիլ տոանց անպատեհութեան:

Ահաւասիկ այս նամակին պատճէնը.

«Տիկին մարքիզուհի,

«Ընկերական միութեան աննէն սերա կապն է գիտութեան և բարեպաշտութեան առաքինութիւնը: Պարտցուցէ՛ք ձեր քրիստոնէական զգացումը և կարեկցարար նայեցէ՛ք անգամ մը աննըսե՛ն Սպանիացիին որ Պուրպոնեանցի գեղին նուիրական դատին յարած և հաւատարիմ մնացած ըլլալուն համար նահատակուեցաւ. որ նոյն դատը պաշտպանելու համար իր արիւնք թափեց, հարստութիւնը, վերջապէս ամէն բան զոհեց, և որ այսօր յետին թշուառութեան մէջ կը գտնուի: Ապահով եմ թէ ձեր պատուարժան անձը օգնութիւն մը պիտի չնորհէ ինձ՝ պահպանելու համար կեանք մը որ վերջով ի կիրթ և պատուակիր գիւնորականի մը շատ անտանելի եղած է. կը վստահիմ ձեր սրտին մարդասիրութեան և այն համակրութեան, զոր դուք, տիկին մարքիզուհի, ունիք աչսպիս դժբաղդ ազգի մը վրայ: Մեր աղօջանքը ապարդիւն չպիտի մնայ և մեր երախտագիտութիւնը պիտի պահէ ձեր սիրուն յիշատակը:

«Ընդունեցէ՛ք իմ յարգական զգացումներուս հաւատիքը:

«Մնամ... և այլն.

«ՏՕՆ ԱԼՎԱՐԷՉ Սպանիացի գնդապետ հեծելազօրաց,

և արքայական, որ իր հայրենիքը երթալու համար ուղեւորելով Ֆրանսա հասած և ապաւինած է, և որ իր ճամբորդութիւնը չկրնար շարունակել ստակ չունենալուն համար:»

Այս ստորագրութեան քով հասցէ մը չկար ամենեւին: Մարիուս յուսաց թէ հասցէն միւս նամակին մէջ պիտի գտնէ, որուն վրայ գրուած էր. Առ Տիկին, տիկին Տր Մօնվերէկ կոմսուհի, Գասէք փողոյ. քիւ 9: Մարիուս յետագայ տողերը կարդաց.

«Տիկին կոմսուհի,

«Դժբաղդ մայր մըն եմ ես և վեց զաւակ ունիմ որոնց վերջինը ութ ամսուան է: Վերջին ծննդաբերութենէս ի վեր հիւանդ եմ, հինգ ամիսէ ի վեր էրիկս թողած է զիս, սոսկալի չքաւորութեան մէջ կը տառապիմ՝ աշխարհիս մէջ ամենեւին ձեռնտու մը չունենալով:

«Տիկին կոմսուհի, յոյսս ձեր վրայ դնելով, Մնամ խորին յարգանքօք
«Կին ՊԱԼԻՉԱՐ»

Մարիուս երրորդ նամակն ալ կարդաց որ նախորդներուն պէս աղերսագիր մըն էր:

«Պ. Բապուրժօ, րնտրող, մեծ վաճառական խոյրարար, Սէն-Տընի փողոց, ()-Ֆէր փողոցին անկիւնը.

«Կը համարձակիմ այս նամակը ուղղելու ձեզ և աղաչելու որ ձեր համակրութեանց անգին շնորհը չիւ

զլանաք ինձ և պաշտպանէք զրապէտ մը որ մօտ օրերս թատրերգութիւն մը զրկած է թէ՛ թրք-Ֆրանսէ թատրոնը: Չորս տեղ երգի տուներ կան: Այս թատրերգութեան մէջ ծիծաղաշարժ, անկատակ և անակրնկալ դէպքերը կը խառնուին բնաւորութեանց զանազանութեան և վիպականութեան գոյնի մը հետ:

«Գլխաւոր նպատակս է յագեցնել այն փափաքը որով հետզհետէ կը վառի մեր դարուն մարդը, այսինքըն մօտան, այն անհեղեղ և այլանդակ հողմացոյցը որ ամէն նոր հովին փոփոխութիւն կ'առնէ:

«Թէև թատրերգութիւնս այս կատարելութիւնները ունի, բայց և այնպէս կը վախնամ որ առանձնաշնորհեալ հեղինակներուն նախանձոտութիւնը, ինքնամօլութիւնը թերևս պիտի կրնայ զիս արտաքսել տալ թատրոնէն, վասն զի գիտեմ այն ամէն զառնութիւնները զոր կը ճաշակեն նորեկները:

«Պ. Բապուրժօ, դուք զրագէտներու յուսաւոր պաշտպանը ըլլալու իրաւացի համբաւը ունիք. ահա այս համբաւէն խրախուսելով կը զրկեմ ձեզ աղջիկա որ մեր չքաւոր վիճակը պիտի նկարագրէ ձեզ և պիտի ըսէ թէ ինչպէս առանց հացի և կրակի մնացած ենք այս ձմեռնային եղանակին մէջ: Կը փափաքիմ ձեր անունին նուիրել թէ՛ այն թատրերգութիւնս և թէ՛ այսուհետեւ գրելիքներս աղաչելով որ հաճիք ընդունիլ իմ այս անհաճական նուէրս. ստիկա կ'ապացուցանէ թէ՛ ո՛րքան կուզեմ ձեր վահանին ներքև ապաւինելու և հեղինակութիւններս ձեր անունին պաշտպանութեան ներքև դնելու պատիւով փառաւորիլ: Եթէ կը հաճիք պզտիկ նուէրով մը պատուել զիս, անմիջապէս պիտի սկսիմ տաղաչափական երգ մը յօրինելու պարապիլ՝ երախտագիտութեանս հաւաստիքը ձեզ նուիրելու համար: Այս երգը զոր կըրցածիս չափ պիտի աշխատիմ

անթերի կերպով հեղինակելու, թատրերգութեան ըսկիզբը տպուելէ և տեսարանին վրայ կարգացուելէ առաջ ձեզ պիտի զրկուի:

«Կը համարձակիմ յարգանացս հաւաստիքը նուիրելու

«Առ Պարոն

և Տիկին Բապուրժօ.

«ԺԱՆՅԼՕ» զրագէտ.

«Յ. Գ. Գէթ երկու ֆրանք ըլլայ, շնորհք ըրէք: «Ներեցէ՛ք անձամբ չի գալուս և աղջիկս զրկելուս համար, վասն զի, աւաղ, հագուստի տրամալի պատճառներ զիս կարգիլեն դուրս ելնելու...»:

Մարիուս վերջապէս չորրորդ նամակն ալ բացաւ: Հասցէն էր, Առ պարոն քարերաւ Սեն-Ժագ սիւ Հօ. Բակկիէցոյ:

Նամակը յետագայ տողերը կը պարունակէր:

« Բարերար մարդ,

«Եթէ կը զիջանիք աղջկանս հետ գալ, թշուառողէտք մը պիտի տեսնէք, և վկայագրերներս պիտի ցուցունեմ ձեզ:

«Երբ պիտի տեսնէք այս վկայագրերները, ձեր առատարուղիս սիրտը զգալի բարեսիրութեան զգացումով մը թունդ պիտի ելլէ, վասնզի ճշմարիտ փիլիսոփաները միշտ բուն կերպով կը յուզուին:

«Հաւանեցէ՛ք, կարեկից մարդ, թէ պէտք է անագորոյն հարկ մը զգալ, և թէ միտթարութիւն մը զբռնելու համար շատ ցաւալի բան է ապացոյցով հաստատել այս հարկը, իբր թէ ազատ չըլլայինք վշաբեկ տառապելու և անսնունդ մնալով մեռնելու՝ սպասելով որ սփոփում մը գտնէ մեր թշուառութիւնը: Ծակատագրերը ոմանց համար շատ աղէտաբեր և ոմանց համար շատ առատաձեռն կամ պաշտպան են:

«Ձեր ներկայութիւնը կամ նուէրը կ'սպասեմ, եթէ կը հաճիք նուէր մը ընելու, և կ'աղաչեմ որ ընդունիք իմ յարգանաց հաւաստիքը, սոսկ

«Մնամ, ո' ստուգիւ մեծանձն մարդ, ամենախոնարհ և հնազանդ ծառայ ձեր
«Բ. ՖԱՊԱՆԹՈՒ, գերասանապետ»

Մարիուս այս չորս նամակները կարդալէն ետք ասջի գիտցածէն աւելի բան մը չիմացաւ:

Նախ ստորագրողներուն և ոչ մէկը իր հասցէն նշանակած էր ստորագրութեանը քով:

Երկրորդ կ'երեւար թէ այս նամակները չորս զանազան անձերու, այսինքն Տօն Ալվարէզի, կին Պալիզար կնոջ, Ժանֆլյօ գրագէտին և Ճապանթու գերասանապետին կողմէ գրուած էին, բայց զարմանալի է որ այս նամակներուն չորսն ալ միեւնոյն գրող գրուած էին:

Ասկէ կը կարծուէր թէ չորսն ալ միեւնոյն անձին կողմէ գրկուած էր. ուրիշ ի՞նչ հետեւութիւն կարելի էր հանել:

Այս կարծիքը աւելի հաւանական կ'երեւար ուրիշ պատճառով մըն ալ. չորս նամակին թուղթն ալ միեւնոյնն էր, այսինքն ստորին և դեղին. չորսն ալ միեւնոյն ծիւղախոտի նոտր ունէր. և՛ թէեւ յայտնապէս կ'երեւար թէ ոճը փոփոխելու ջանք մը եղած է, սակայն միեւնոյն ուղղագրական սխալները չորսին մէջն ալ խորին հանգարտութեամբ մը կ'արտադրուէին:

Մնօգուտ աշխատանք էր այս պզտիկ հանելուկը լուծելու նկրտիլը: Եթէ գետնէն գտնուած չըլլային նամակները, կրնար կարծուիլ թէ միամիտներու քիթէն բռնելու համար գրուած էին անոնք: Մարիուս շատ արտոււմ ըլլալով չէր կրնար աղէկ միտքով առնուլ նաև գիպուածին մէկ կատակը և ներել այն խաղը զոր կ'ե-

րեւայ թէ փողոցին քարայտակը կ'ուզէր խաղալ իրեն: Մարիուս կը կարծէր թէ ինք աչք կապուկ մըն էր չորս նամակներուն մէջ որոնք զինքը կը ծագրէին:

Մանաւանդ թէ ամենեւին նշան մը չկար հաստատելու համար թէ անոնք կը վերաբերէին այն նորատի ազջիկներուն որոնց հանդիպած էր Մարիուս պւլվարին վրայ, վերջապէս յայտնապէս կ'երեւար թէ կարեւորութիւն չունեցող թուղթեր էին այն նամակները:

Մարիուս նորէն պահարանին մէջ դրու գտնոնք, մէկդի նետեց և պակեցցաւ:

Առաւել ժամը եօթին ելնելէն և նախաճաշիկը ընելէն ետք երբ աշխատելու կը պատրաստուէր, կամաց մը իր սենեակին դուռը զարնուեցաւ:

Մարիուս բան մը չունենալուն համար բանային դուռին վրայէն հանած չէր. երբեմն և խիստ քիչ անգամ կը հանէր, և այն՝ երբ ստիպողական գործի մը պարապելու ըլլար: Մանաւանդ թէ դուրս ելած ժամանակները անգամ բանային կղպանքին վրայ կը թողուր: — Բան պիտի գողցնես, կ'ըսէր Պուկօն խաթունը: — Ինչո՞ւ պիտի գողցնեմ, կ'ըսէր Մարիուս: Սակայն ստոյգ է թէ որ մը Մարիուսին զուգ մը հին կօշիկը գողցուած էր: Սենեակին դուռը անգամ մըն ալ զարնուեցաւ առաջուան պէս խիստ կամաց մը:

— Մտի՛ր, բաւ Մարիուս:

Ի՞նչը բացուեցաւ:

— Ի՞նչ կ'ուզես, Պուկօն խաթուն, հարցուց Մարիուս աչքը առանց վերցնելու իր գիրքերուն և ձեռագիրներուն վրայէն:

— Ներեցէ՛ք պարոն... պատասխանեց ձայն մը որ Պուկօն խաթունին ձայնը չէր:

Այս ձայնը սուր, տկար, քաշուած և թուլցած ձայն մըն էր, օղի խմած ծեր մարդու մը կերկերուն ձայնին նման ձայն մըն էր:

Մարիուս խկոյն ետեւը դարձաւ և նորատի աղջիկ մը տեսաւ:

Գ Լ Ո Ւ Խ Կ Գ .

ԹՇՈՒԱՌՈՒԹԵԱՆ ՄԷՋ ՎԱՐԴ ՄԸ

Կիսաբաց դրան սեմին վրայ նորահաս աղջիկ մը կեցած էր: Վերնայարկի երդը ուր լոյս կ'երևար, ճիշդ դրան դէմն էր և տժգոյն լոյսով մը կը լուսաւորէր այս կերպարանքը: Տժգոյն, վախ և ոսկրուտ անձ մըն էր ան, և մարմինին վրայ, որուն մերկութիւնը կը սարսռէր և կը սառէր, շապիկէ և միջազգեստէ մը զատ ոչինչ կար: Գօտիի տեղ չուան մը, զգալի տեղ նոյնպէս չուան մը, սրածայր ուտեր որոնք շապիկէն դուրս կ'ելլէին, խարտեղանման և աւշային տժգունութիւն մը, հողագոյն անրակներ, կարմիր ձեռքեր, կիսաբաց և աւերուն բերան մը, ախտաներու պակասութիւն, աչքը մթին, յանդուզն և ստորին, ազգուսն երիտասարդուհի մը ձեւերը և ամպարիչտ պառաւի մը նայուածքը, յիանաձեայ հասակի հետ խառնուած տասներհինգամեայ հասակ մը, այն արարածներէն մէկը որոնք տկար ու միանգամայն սոսկայի են և որոնք սարսուռ կուտան տեսնողին եթէ չկրնան լացնել պայնանա այս էր Մարիուսի դրան չէմին վրայ սպասող աղջկան նկարագիրը:

Մարիուս տեսակ մը չուարումով այս աղջկան կը նայէր որ երազներու մէջէն անցնող ստուերին ձեւերուն գրեթէ համատիպն էր:

Տեսնողը կակիծ մը կ'զգար մանաւանդ զիտելով թէ այս նորատի աղջիկը ազեղ ըլլալու համար եկած չէր այլաբար: Իր առաջին մանկութեան մէջ կ'երեւայ թէ

աղուորութիւն անգամ ունեցած էր: Նորահասութեան զեղեցկութիւնը տակաւին կը կուէր շուայտութեան և աղքատութեան կանխանաս և սոսկայի ծերութեան դէմ: Այս տասնըվեցամեայ դէմքին վրայ զեղեցկութեան մնացորդ մը կը մեռնէր այն տժգոյն արեւուն նման որ ձմեռնային օրուան մը արշալոյսին ժամանակ սոսկալի ամպերու ներքեւ կը մարի:

Այս դէմքը բոլորովին անձանօթ չէր Մարիուսի:

Կը կարծէր Մարիուս թէ տեղ մը տեսած է զայն:

— Ի՞նչ կ'ուզէք, օր-օրդ, հարցուց:

Նորատի աղջիկը արբշխ թի սպարտի մը ձայնով պատասխանեց.

— Ձեզ նամակ մը բերի, պարոն Մարիուս:

Երիտասարդուհին Մարիուսին անունը տալով կը խուսէր, հետեւաբար Մարիուս անունը տարակուսելու հասկցաւ թէ իրօք զինք տեսնելու եկած էր ան. բայց ո՞վ էր այս աղջիկը, ինչպէս գիտէր իր անունը:

Ներս մտաւ աղջիկը անունը սպասելու որ Մարիուսէն հրաւեր ընդունի ներս մտնելու: Ներս մտաւ վստահութեամբ՝ սենեակին ամէն կողմը և դեռ չչըպկուած անկողինին նայելով շեռակ մը սրտածմբիկ համարձակութեամբ: Ոտքերը բոպիկ էին: Միջազգեստին լայն ծակերէն անոր երկայն սրունքը և նիհար ծունկերը կը տեսնուէին: Աղջիկը ցրտահար կը սարսռէր:

Իրօք ձեռքը նամակ մը կար զոր Մարիուսին տուաւ:

Մարիուս այս նամակը բանալով գիտեց որ լայն և անազին նշխարը տակաւին թաց էր: Ըսել է թէ նամակը հետու տեղէ եկած չէր կրնար ըլլալ: Մարիուս յետագայ տողերը կարդաց.

«Սիրելի դրացիդ իմ երիտասարդ:

«Իմացոյ ձեր ինձի համար ըրած բարիքը, իմացոյ

Թէ վեց ամիս առաջ սենեակիս վարձքը վճարեի էք՝
 Կ'օրհնեմ գձեզ, ո՛վ երիտասարդ: Առջինէկ աղջիկէս
 պիտի իմանաք որ երկու օրէ ի վեր առանց պատտո մը
 հացի մնացած ենք, չգրս հողի և հիւանդ կինս: Եթէ
 միտքովս խարուած չեմ, կարծեմ կը պարտաւորիմ յու-
 սալ թէ ձեր վեհ սիրտը պիտի գթայ մեր այս վիճակին
 վրայ և ձեզ ինձ նպաստաւոր ըլլալու և թեթեւ ողոր-
 մութիւն մը տալու փափաքը պիտի ներշնչէ:

«Մնամ ախ յարգալի ակնածութեամբ զոր կը պար-
 տաւորինք մարդկութեան բարեբարներուն:

«ԺՕՆՏՐԷԹ»

«Յ. Գ. Աղջիկս ձեր հրամանին պիտի սպասէ, սի-
 բելի պարոն Մարիուս:

Առջի գիշերունէ ի վեր Մարիուսին ուշը դրաւող
 մթին գէպքին մէջ այս նամակը նմանեցաւ նկուղի մը
 մէջ վառուած ճրագի մը: Ամէն բան յանկարծ լուսա-
 ւորուեցաւ:

Նամակը՝ կուգար միւս չորս նամակներուն տեղէն:
 Միւսոյն գիրը, միւսոյն թուղթը, միւսոյն ծխախոտի
 հոտն էր:

Հինգ նամակ, հինգ պատմութիւն, հինգ անուն,
 հինգ ստորագրութիւն, և միայն մէկ ստորագրող կար:

Մարիուս երկար ժամանակէ ի վեր թէ և այս խար-
 խուլ տունը կը բնակէր, բայց՝ ինչպէս ըսինք արդէն՝
 խիստ քիչ անգամ առիթ ունեցած էր տեսնելու, ընդ-
 նշմարելու իսկ իր ամենատրուպ դրացիները: Միտքը
 ուրիշ տեղ էր, և մարդուս միտքը երբ ուրիշ տեղ կը
 շրջի, նայուածքն ալ հոն կը շրջի: Ետտ անգամ նըր-
 բանքին մէջ և սանդուղին վրայ Ժօնտրէթներու հան-
 դիպած էր. բայց ասոնք իրեն համար ուրիշ բան մը
 չէր եթէ ոչ դիմաստուէրներ, այնքան ուշադրութիւն

չէր քրած որ առջի օր երեկոյեան ժամանակ բնդհա-
 բոււմ մը ունեցած էր Ժօնտրէթի աղջիկներուն հետ ա-
 ռանց ճանչնալու զանոնք. ըստ որում յայտնի է թէ
 անոնք էին պուլվարին վրայ իրեն հանդիպող աղջիկ-
 ները, և թէ տեսնելով այն աղջիկը որ հիմայ իր սնն-
 եակը մտած էր, պօգումով և կարեկցութեամբ համակ-
 ուած միջոցին մեծ դժուարութեամբ և անորոշապէս
 կրցած էր յիշել թէ տեղ մը հանդիպած էր անոր:

Հիմայ Մարիուս ամէն բան յայտնապէս կը տես-
 նէր: Կը հասկնար թէ իր Ժօնտրէթ անուն դրացին յե-
 տին կարօտութեանը մէջ բարեբար անձերու գթասր-
 տութենէն շահ հանելու արհեստը ունէր, թէ հասցէներ
 կ'առնէր, և թէ կ'իղծ ստորագրութիւններով նամակ-
 ներ կը գրէր այնպիսի անձերու զօր հարուստ և գթոտ
 կը կարծէր, նամակներ զոր իր աղջիկները կը տանէին,
 վտանգը և պատասխանատուութիւնը իրենց վրայ ու-
 նենալով, վտանգի այս հայրն իր աղջիկները վտանգի
 դնելու վիճակին հասած էր ալ. ճակատագրին հետ խաղ
 մը կը խաղար և ստակին տեղ աղջիկները կը դնէր
 խաղին մէջ: Մարիուս այս թշուառուհիներուն առջի
 օրուան փախուստը, շնչասպառութիւնը, սարսափը և
 արկօթեան խօսքերը յիշելով ըստ այնմ գատելով կը
 հասկնար թէ անոնք հաւանօրէն չգիտեմ ի՛նչ տխուր
 արհեստ մըն ալ կը բանէին, և թէ այս ամէն իրերէ
 մարդկային ընկերութեան արդի վիճակին մէջ երկու
 տեսակ թշուառ արարածներ գոյացած էին, որոնք ոչ
 մանուկ, ոչ աղջիկ և ոչ ալ կին էին, այլ տեսակ մը
 պիղծ և անմեղ հրէշներ զոր թշուառութիւնը արտադ-
 րած էր:

Տրտմելի՛ արարածներ որոնք ոչ անուն, ոչ հասակ
 և ոչ սեռ ունին, որոնց համար ոչ բարին և ոչ չարը
 հնարին է, և որոնք մանկութեան հասակէն ելլելով

այս աշխարհի մէջ արդէն բան մը չունին, ոչ ազատութիւն, ոչ առաքինութիւն և ոչ պատասխանատւութիւն: Հոգիներ որոնք երէկափթթած և այսօր թօշնած են փողոցը նետուած այն ծաղիկներուն պէս զօր ամէն տիգմերը կը թառամեցնեն մինչեւ որ անիւի մը ներքեւ ճնշուին:

Սակայն մինչդեռ Մարիուս անգուլ աղջկանը կը նայէր զարմանօք և ցաւօք, նորատի աղջիկը ճիւղաջին յանդգնութեամբ մը վերնայարկին մէջ կ'երթեւեկէր: Հոն հոս ժուռ կուգար առանց հօգ ընելու իր մերկութիւնը: Իր քակուած և պատառուած շապիկը երբեմն գրեթէ մինչեւ մէջքը կ'իյնար: Աթոռները կը շարժէր, դարձնի վրայ դրուած պանուծանքի առարկաները կը խառնէր, Մարիուսի զգեստներուն կը դպէր, հոն հոս ինչ որ կար, հետաքրքրութեամբ կը քննէր:

— Ահա հայելի մը, ըսաւ նորատի աղջիկը:

Եւ սենեկին մէջ առանձին ըլլալու պէս՝ տկոսաներով սկսաւ երգախառն զաւեշտի կտորներ, զուարթուն հագներգներ երգել որոնք անոր կոկորդային և բիրտ ձայնովը սոսկալի եղանակ մը կը դառնային: Այս հանդրգնութեան տակ չգիտեմ ինչպիսի զգուշութիւն, խրատութիւն և խոնարհութիւն մը կ'ընդնշմարուէր: Լըրքութիւնը ամօթ մըն է: Ամենատեսուր բան մըն էր տեսնել թէ այս աղջիկը ինչպէս Մարիուսի սենեկին մէջ կ'ըրօնուր և կարծես թէ կը թաչտէր լոյսէն խրքոչող կամ թեւարեկ թոչունի մը շարժումներով: Մարգս կ'զգար թէ այս նորատի աղջիկը եթէ ուրիշ տեսակ կրթութիւն և ճակատագիր ունեցած ըլլար, իր զուարթ և համարձակ ընթացքը կրնար քաշցր և սիրուն բան մը ըլլալ: Կենդանիներուն մէջ բնաւ ծովարձիւի մը չփոխուիր այն արարածը որ աղանի մը ըլլալու համար ծնած է: Այս փոփոխութիւնը միայն մարդերու մէջ կը տեսնուի:

Մարիուս կը մտախոհէր, և կը թողուր որ աղջիկը ուզածը ընէ:

Սեղանին մօտեցաւ նորատի աղջիկը:

— Ահ ահա՛ գիրքեր, ըսաւ:

Նշոյլ մը անցաւ անոր ազօտ աչքին մէջէն:

— Կարդալ գիտեմ ես, կրկնեց, և իր ձայնը բանի մը նկատմամբ պարծելու երանութիւնը կ'արտայայտէր, երանութիւն զոր չկայ մարդկային արարած մը որ չզգայ:

Սեղանին վրայ բացուած գիրքը առաւ ուժգնակի, և դիւրութեամբ կարդաց:

«...Պօտիւէն զօրապետը հրաման ընդունեց իր վաշտին հինգ գունդերովը Ուկոմօնի զղեակին տիրել որ Վաթերլօյի դաշտին մէջտեղն է...»:

Ընթերցումը ընդմիջելով, պօռաց

— Ահ, Վաթերլօ, գիտեմ ասոր ինչ ըլլալը:

Պատերազմ մըն է որ ասկէ առաջ տեղի ունեցաւ: Հայրս ալ այս պատերազմին մէջը կար: Հայրս բանակներուն մէջ զինուորութիւն ըրած է: Մենք ամէնքս ալ ընտանիքով հօնդերձ հաւատարիմ պօնաբարձեան ենք, գիտէ՞ք: Վաթերլօն անգլիացիներուն դէմ պատերազմ մըն էր:

Վար դրաւ գիրքը, գրիչ մը առաւ պօռաց:

— Գրել ալ գիտեմ:

Գրիչը սելանին թաթղեց, և դէպի Մարիուսին դառնալով:

— Կուզէ՞ք տեսնել: Ահա խօսք մը գրեմ տեսնելու համար:

Եւ առանց ժամանակ տալու Մարիուսին որ պատասխանէ, սեղանին վրայ դրուած թերթ մը ճերմակ թուղթին վրայ գրեց, Փայսլորներն եկան:

Ապա գրիչը նետելով:

— Ուղղագրական սխալ չկայ, ըսաւ: Գրեանք նա-
յիլ: Քոյրս և ես կրթութիւն առած ենք: Ինչ որ ենք
հիմա, նոյնն եղած չէինք միշտ: Մեր առջի վիճակին
նայելով պէտք չէր որ հիմա մենք...

Հոս ընդմիջեց իր խօսքը, մթին բերք Մարիուսին
վրայ յառեց, և քահ քահ խնդալով, վա՛շ. ըսաւ այն-
պիսի հնչումով մը որ ամէն անամօթութիւններէ զըս-
պուած ամէն վիշտերը կը պարուենակէր:

Եւ ապա սկսաւ ակուններովը յետագայ խօսքերը
երգել զուարթ եղանակով մը:

Նօրի եւ, հայր իւ,
Մակայն հաց չուկիւ,
Կը մսիւ, մայր իւ,
Բայց զգեստ չուկիւ:
Յուրեկն դողայ
Թող Երանիկ,
Եւ հեծկոսայ
Ապերջանիկ:

Հաղիւ թէ լմնուցած էր այս երգը, և ահա պօ-
ւաց.

— Երբեմն թատրոն կ'երթա՞ք, պարոն Մարիուս:
Ես կ'երթամ, Պզտիկ եղբայր մը ունիմ որ դերասան-
ներուն հետ բարեկամ է և որ երբեմն տոմսակ կուտայ
խնձի: Օրինակի համար վերնատուններու բազմոցները
չեմ սիրեր, վասն զի այս բազմոցներուն վրայ նստողը
նեղութիւն կը կրէ, հանգիստ չունենար: Թատրոննե-
րու վերնատունները երբեմն բիրտ մարդեր կ'ըլլան, նաև
այնպիսի մարդեր որոնցմէ սրիկայութիւն կը բուրէ:

Յետոյ մարիուսի նայեցաւ, տարօրինակ կերպա-
րանք մը առաւ, և ըսաւ անոր.

— Պարոն Մարիուս, գիտէ՞ք որ դուք խիստ աղ-
ւոր տղայ մըն էք:

Եւ ահա նոյն միջոցին երկուքին միտքէն միևնոյն
բանը անցնելով, աղջիկը ժպտեցաւ, Մարիուս ալ
կարմրեցաւ:

Աղջիկը Մարիուսին մօտեցաւ և ձեռքը անոր ու-
սին վրայ դնելով, ըսաւ. — Ինձի ուշագրութիւն չէք
ըներ, բայց ես կը ճանչնամ ձեզի, պարոն Մարիուս:
Հոս երբեմն սանդուխին վրայ կը տեսնեմ ձեզի, եր-
բեմն ալ երբ Աւստերլիցի կողմերը կը պտըտիմ, կը
տեսնեմ որ այն կողմը բնակող Մապէօֆ, ախպար ա-
նուն մէջը մտնուի կ'երթաք: Այդ դիտախ-
ուր մտքերը շատ աղէկ կը վայելեն ձեզ:

Աղջիկը թէև կը ջանար խիստ մեղմիկ հանել ձայ-
նը, բայց չէր կրնար. փոխանակ մեղմովին ելլելու մի
միայն ցածէն կ'ելլէր ձայնը:

Մարիուս ետ քաշուած էր լսելեայն.

— Օրիորդ, ըսաւ անտարբեր ծանրութեամբ մը,
ծրար մը կայ հոս որ կար'եմ ձերն է: Ներեցէ՛ք որ
ձեզ յանձնեմ զայն:

Եւ երկնցուց պահարանը որու մէջն էին չորս նա-
մակները:

Աղջիկը ձեռքերը մէկգմէկու զարնելով պօռաց.

— Ո՛րքան փնտոեցինք ասիկա:

Ապա ծրարը առաւ ուժգնակի և պահարանը բա-
ցաւ՝ ըսելով.

— Փա՛ռք քեզ Աստուած: Ո՛րքան փնտոեցինք
եւ և քոյրս: Ըսել է թէ դուք դտաք ասիկա, պուլվա-
րին վրայ գտաք, այնպէս չէ՞. անշուշտ պուլվարին
վրայ գտած ըլլալու էք: Հոն ինկած պիտի ըլլայ երբ
վազելով կ'երթայինք. ձգողը քոյրիկս է. խեւը: Երբ
տուն եկանք, չգտանք ծրարը, և չուզելով պարապ տե-
ղը, բոյորովին պարապ տեղը, բացարձակապէս պա-
րապ տեղը ձեռ ուտել, ըսինք թէ նամակները տարինք

որոնց որ ուղղուած էին, և թէ «Աստուած տա՛յ» ըսին մեզ: Ահա ուրեմն այն խեղճ նամակները: Բայց ուրկէ՞ հասկցա՞ք թէ իմա էին անոնք: Հա՛ աղէկ միտքս և կաւ, գիրէն հասկցած էք: Ըսե՛լ է թէ դուք էիք այն անձը որու զարկինք երէկ գիշեր երբ կ'անցնէինք: Յանցսնքը մերը չէր. տու՞թին չկրցանք տեսնել: Մի-թէ կրթեալ մըն էր այն. հարցուցի քոջս: Կարծեմ թէ կրթեալ մըն էր, ըսաւ ինձ քոյրս:

Սակայն այսպէս խօսելով բացած էր այն աղերսագիրը որու հասցէն էր. «Առ պարոն բարերար Սէն. Ժազ տի. Հօ. Բա Եկեղեցւոյ»:

— Ահա սասկա այն ծերինն է որ ժամ կ'երթայ, ըսաւ. Հիմա ժամանակն է տանելու: Երթամ տանիմ: Գուցէ բան մը տայ, որով կարենանք նախաճաշել:

Յետոյ սկսաւ խնդալ և շարունակեց.

— Եթէ այսօր նախաճաշելու ըլլանք. ի՞նչ ըրած պիտի ըլլանք, գիտէ՞ք: Մեր առջի օրուան նախաճաշիկը, երէկուան ընթրիքը ամէնը մէկ անգամով ըրած պիտի ըլլանք՝ եթէ այս առաւօտ նախաճաշելու ըլլանք: Հա՛, հա, մեզի ինչկեր է ասոր հոգը, դացէ՞ք անօթի սատկեցէ՞ք, շուներս:

Մարիուս այս խօսքին վրայ յիշեց թէ թշուառու հին իր սենեակը ողորմութիւն ուղեւու համար եկած էր:

Ժիլէն խառնեց, բայց բան մը չկար գրպանը:

Երիտասարդուհին կը շարունակէր, և կարծես Մարիուսին ներկայութիւնը մոռնալով, կը խօսէր:

— Երբեմն գիշերները կը ձգեմ կ'երթամ: Երբեմն այ տուն չեմ դառնար: Երբ տակաւին այս տունը եկած չէի՞ք: Անցած տարի ձմեռը կամուրջներուն կախարհերուն տակ կը բնակէինք: Հոն քով քովի կը կենայինք քսակու համար: Պզտիկ քոյրս կուլար: Ո՛րքան տրտ-

մալի բան է ջուրը: Երբ կը մտածէի գետը նետուիլ և խղզուիլ, չէ, ջուրը շատ պաղ է, կ'ըսէի: Երբ որ սիրարս ուզէ, մինակս կ'երթամ ուր որ երթամ. երբեմն ալ խրամներու մէջ կը քնանամ: Գիտէ՞ք որ գիշերը երբ պուլարին վրայ կը քայլեմ, կը կարծեմ թէ ծառաները երեքմանիններ են, կը կարծեմ թէ սեւաթոյր և մեծ տուները Նօթրը-Տամի աշտարակներն են, կ'երեւակայեմ թէ ձերմակ պատերը գետ են, և կ'ըսեմ իւրովի. Ա՛հ, ահա ջուր կայ հոն: Աստղերը լուսավառութեան կանթեղներու պէս կ'երեւան. կարծես թէ կը ծխեն և հովն կ'անցնին, այն ատեն կը շուարիմ կը մնամ, կը կարծեմ թէ խել մը ձիեր ականջիս մէջ կը հեւան: Չայներ կը լսեմ որոնք եղբեհոսներու և մանարանի մեքենաներու ձայներ են, ի՞նչ են, ես ալ չի գիտեմ: Կը կարծեմ թէ ետեւէս քարեր կը նետուին, ուստի կը փախչիմ առանց չիտնայու. ամէն բան կը դառնայ, ամէն բան կը դառնայ: Մարգս երբ բան մը չուտեր. ի՞նչ ըլլալը ինքն ալ չգիտէ:

Յետոյ մոլորադին կերպարանքով մը Մարիուսին նայեցաւ:

Մարիուս իր գրպանները փորելով, խառնելով վերջապէս կրցած էր հինգ ֆրանք և աւանդեց սուգումարել: Նոյն միջոցին աշխարհիս մէջ իր քոյր ունեցածը այս գումարն էր միայն: — Ահա այս օրուան ընթրիքիս համար, ըսաւ մտովի, վաղը Աստուած ողորմած է: — Տանըվեց սուս իրեն պահեց և հինգ ֆրանքը աղջիկին տուաւ:

Աղջիկը առաւ դրամը:

— Լ'աւ, ըսաւ, արեւ կայ վրան:

Ե- իբր թէ արեւն անոր ուղեղին մէջ արկօթեան բառերու ձիւնակոյտեր հալեցնելու յաակութիւնն ունենար, սկսաւ պոռալ:

— Հինգ ֆրանք. իբաւ որ արեւի պէս փայլուն է. վրան թագաւոր մը կայ. ի՛նչ աղուոր ստակ. բարեօրո՞ մարդ մարդ մըն էք դուք. չնորհակալութիւն մեծապէս: Ապրի՛ն աղքատասէրները: Երկու որ հաց պիտի ուտենք. միս ալ պիտի ուտենք. պանիր ալ. պատուական պիտի կշտանանք:

Շապիկը ուսերուն վրայ վերցուց, յարզանօք բարեւեց Մարիուսը, յետոյ ձեռքով ընտանեբար նշան մը ըրաւ, և դէպի դուռ ուղղուեցաւ, ըսելով.

— Մնաք մարով, պարոն: Հող չէ: Երթամ ծերօ գտնմ:

Անցած միջոցին դարանին վրայ չորաբէկ հացի կեղեւ մը նշմարեց որ կը բորբոսէր փոշիին մէջ. յարձակեցաւ այն հացի կեղեւին վրայ և խածաւ մրմռալով, — Գէշ չէ ստիկա, կարծր է, ակոսներս կը խորտակէ:

Յետոյ դուրս ելաւ:

Գ Լ Ո Ւ Ե Ն .

ՆԱԽԱԽՆԱՍՈՒԹԵԱՆ ՅՈՒԹԱՅԱԾԱԿԸ

Մարիուս հինգ տարիէ ի վեր աղքատութեամբ, զրկումով չքաւորութեամբ իսկ ապրած էր, բայց հիմա նշմարեց որ իրական թշուառութիւնը տակաւին չէր ճանչցած: Դեռ հիմա կը տեսնէր բուն թշուառութիւնը: Եւ իրօք, ո՛վ որ միայն մարդուս թշուառութիւնը տեսած է բան մը չէ տեսած. պէտք է տեսնել կնոջ թշուառութիւնը, ով որ միայն կնոջ թշուառութիւնը տեսած է, բան մը չէ տեսած պէտք է տեսնել մանկան թշուառութիւնը:

Երբ մարդս վերջին ծայրը հասած է, կ'ստիպուի նաև վերջին ապաւէններու դիմել: Վա՛յ այն անպաշտպան անձերուն որ այսպիսի մարդու մը բոլորտիքը կը գտնուին: Աշխատութիւն, վարձք, հաց, կրակ, խրախոյս, տրամադրութիւն, վերջապէս ամէն բան կը պակասի իրեն համար: Արեւին ճառագայթը կարծես կը խաւարի դուրսը. բարոյական լոյսն ալ ներսը կը մարի. այս կրկին մթութեան մէջ մարդս կնոջ և մանկան արկարութեան կը հանդիպի, և զանոնք խայտառակութեանց կը վարժեցնէ բռնապէս:

Այն ատեն հնարին կ'ըլլան ամէն պոգայի իրերը: Յուսահատութիւնը կը չրջապատուի գիւրաբէկ միջնորմներէ որոնց ամէնն ալ մոլութեան կամ ոճիրի վրայ կը նային:

Առողջութիւնը, երիտասարդութիւն, պատիւր, անարատ մարմինն սրբաւէտ և անընտել փափկութիւնները, սիրտը, կուսութիւնն ու ամօթխածութիւնը, որ հողիին կեղեւն է, աղէտալի կերպով կը շօշափուին այն խարխափումէն որ ապրելու միջոցներ կը փնտռէ, որ խայտառակութեան կը հանդիպի և որ կ'ընդունի այն խայտառակութիւնը: Հայր, մայր, մանուկ, եղբայր, քոյր, մարդ, կին, աղջիկ, ամէնքն ալ կը հաւանին, եւ՝ գրեթէ հանքային կազմութեան մը պէս՝ իրարու հետ կը շաղուին սեռերու, ազգականութեանց, հասակներու, նշաւակութեանց և անմեղութեանց այս միգապատ խառնուրդին մէջ: Իրարու հետ կ'ոճակ կըրնակի աւելով տեսակ մը սղորմելի ճակատագրի մէջ կը կծկուին: Ո՞ր թշուառներ, քանի՞օն տոգոյն, ո՞րքան սրտանալ կը տառապին: Կարծես թէ այնպիսի մոլորակի մը մէջ են, որ մեզմէ շատ անլի հեռու էր արեւէն:

Այս երիտասարդուհին Մարիուսի համար խաւարին կողմէն եկած տեսակ մը առաքելուհի եղաւ:

Այս առաքելութիւն խաւարին մէկ կողմը ամբողջապէս յալածնեց անոր :

Մարիուս գրեթէ ինքզինքը մեղադրեց իր խելքը միտքը մտախոհութեան և սիրոյ տուած ըլլալուն համար, վասն զի այն պատճառու մինչև հիմա ժամանակ ունեցած չէր անգամ մը իր դրացիները նկատելու : Անոնց բնակարանի վարձքը վճարած ըլլալը մեքենական յօժարութիւն մըն էր. ամէն մարդ կրնար այս յօժարութիւնը ունենալ. բայց Մարիուս կը պարտաւորէր աւելի մեծ բան մը ըրած ըլլալ : Ի՛նչ, պատով մը միայն բաժնուած մնալ այն լքեալ անձերէն որոնք կենդանի մարդերէ հեռու և խաւարի մէջ խարխափելով կ'ապրին, սնոնց դպիլ, մարդկային սեռի շղթային ձեւով մը յետին օղակը ըլլալ անոնց մօտ, իր քով անոնց ապրիլը՝ կամ լաւ եւս է ըսել՝ հոնչելը լսել և ամենեւին ուշադրութիւն չընել. ամէն օր, ամէն վայրկեան պատին հետեւն անոնց քալիլը, երթալը, գալը, խօսիլը լսել եւ՝ ականջ չտալ. անոնց խօսքերը հեծումնե՛ր պարունակեն, և այս հեծումները չլսելով միտքը ուրիշ տեղ տալ, երազներու, անհնարին ճառագայթումներու, երեւակայական սիրոյ առարկաներու, յիմարութեանց պարապիլ. այլ սակայն իր քրիստոնեայ եղբայրները, ժողովրդային եղբայրները իր քով կը հոգեվարէին, պարապ տեղը կը հոգեւարէին, և ինքն ալ անոնց դժբաղդութեան մէկ մասը կը կազմէր, և այն դժբաղդութիւնը կը ծանրացնէր : Վասն զի եթէ անոնք ուրիշ դրացի մը, նուազ ցնորամիտ և աւելի ուշադիր դրացի մը, հասարակ և գթոտ դրացի մը ունենային, անշուշտ իրենց չքաւորութիւնը դիտուած պիտի ըլլար, իրենց կարօտութեան նշանները նշմարուած, և շատ ժամանակէ ի վեր թերեւս պաշտպանուած և ազատուած պիտի ըլլային : Ստոյգ է թէ անոնք շատ ապա-

կանուած, շատ խայտառակուած, շատ նուաստացած, շատ պժգալի իսկ կ'երեւային, բայց հազուադիւս են անոնք որ կ'իյնան առանց խայտառակուելու. մանաւանդ թէ կէտ մը կայ ուր դժբաղդներն ու անուանող թէ կէտ մը կայ ուր շփոթութիւն բառով մը, նարկները կը խառնուին և կը շփոթուին բառով մը, աղէտալի՛ բառով մը, որ է թշուառներ. որո՛ւն է յանցանքը. և մի՞թէ մարդս ալ՝ աւելի չպարտաւորիք գթալ երբ ա՛լ աւելի խորունկ է այն անգունդը ուր կը դրի թշուառը :

Մարիոս ինքն իրեն այս յանդիմանութիւնները ընելու միջոցին, ըստ որում կային պարագաներ ուր Մարիուս՝ ամէն ստուգապէս բարեոէր սիրտերու պէս՝ ինքն իր դատարարակը կ'ըլլար և պէտք եղա՛ն աւելի կը յանդիմանէր ինքզինքը. Մարիուս, կ'ըսենք, զինքը ժօնարէթի ընտանիքէն բաժնող պատը կը դիտէր՝ իբր թէ կարող ըլլար իր գթալի նայուածքը այս միջնորմին մէջէն անդիի կողմը անցնել և մխիթարել այն թշուառները : Պատը մարդակներով և նուրբ տախտակետեւէն՝ ինչպէս ըսինք՝ միւս սենեակին խօսքերուն ձայներուն շուկը կատարելապէս կը լսուէր : Մարիուսին պէտ մտախոհ մը միայն կրնար տակաւին նշմարած չըլլալ այս իրողութիւնը : Այս պատին վրայ որ և բաժնուած մը փակած չէր, ոչ ժօնարէթի կողմէն, ոչ է թուղթ մը փակած չէր. հետեւաբար պատին անշնորհ ալ Մարիուսի կողմէն. հետեւաբար պատին անշնորհ ալ Մարիուսի կողմէն : Յանկարծ ոտքի վրայ ելաւ Մարիուս, վասն զի պատին վերի կողմը, ձեղունին քով ընդհանրապէս ձակ մը նշմարած էր, որ իրենց մէջ անհոռակիսնաձե ծակ մը նշմարած էր, որ իրենց մէջ անհոռակիսնաձե ծակ մը նշմարած էր, որ իրենց մէջ անհոռակիսնաձե ծակ մը նշմարած էր : Զի

կար այն բրածը որ հարկաւ այս անջրպետը գոցած էր, և դարանին վրայ ելլելով այն ծակէն կարելի էր տեսնել ժօնարէթի հիւղակին ներքը: Կարեկցութիւնն ալ իր հետաքրքրութիւնը ունի և պէտք է որ ունենայ: Այն ծակը տեսակ մը յուղայի կը նմանէր: Օգնելու դիտաւորութեամբ դժբաղդութեան յուղայարար նայիլը ներելի է:— Տեսնեմ քիչ մը թէ ինչ տեսակ մարդեր են և ի՛նչ է անոնց արդի վիճակը. ըսաւ մտապէս Մարիուս:

Գարանին վրայ ելաւ, բիրը ճեղքին ձօնեցուց և նայեցաւ:

Գ Լ Ո Ւ Խ Զ.

ՈՐՋԻՆ ՄԷՉ ԳԱՋԱՆԱԲԱՐՈՅ ՄԱՐԴ ՄԸ

Անտառներուն պէս քաղաքներն ալ անձաներ ունին ուր կը պահուի ինչ որ ամենաչար և ամենասոսկալի է: Մ'իայն թէ՛ քաղաքներուն մէջ՝ ինչ որ այսպէս կը պահուի, անգութ, աղտեղի և պղտիկ այսինքն տգեղ է, միևնչեռն անտառներուն մէջ այսպէս պահուողը անգութ, վայրենի և մեծ այսինքն գեղեցիկ է: Որջերու դէմ որջեր. բայց գազաններու որջերը մարդերու որջերէն նախամեծար են: Պոռոջները խցիկներէն աւելի աղէկ են:

Մարիուսի տեսածն էր խցիկ մը:

Մարիուս աղքատ էր և իր սենեակն ալ չքաւոր, բայց ինչպէս ազնիւ էր իր աղքատութիւնը, նոյնպէս մաքուր էր իր վերնայարկը: Իսկ այն խուցը՝ որու մէջ

կը սուղէր հիմա իր նայուածքը՝ գձուձ, ազտոտ, նեխոտ, մանտահոտ, խաւարին և սաօրին խուց մէն էր, ուր կարասիի տեղ ոչ այլ ինչ կար բայց եթէ խսիռէ աթոր մը, կաղ սեղան մը, քանի մը հին խեցիներ, և երկու տեղ երկու աննկարագրելի խշտեակ. իսկ իբր պատուհան քառապակեայ երգ մը ունէր զոր սարգստաշններ կը վարագուրէին: Այս երգէն ճիշդ այնքան լոյս կուգար որքան պէտք է որպէս զի մարդու դէմք մը ուրուականի դէմք մը երեւայ: Պատերը բորոտ տեսք մը ունէին, և ծածկուած էին կարելով և սպիտակներով՝ սոսկալի հիւանդութիւն մը քաշելով տգեղած դէմքի մը պէս. այս պատերուն վրայ՝ որոնցմէ բժային խոնաւութիւն մը կը հոսէր, աձևօրէն մրտաուած լրբենի ծրագիրներ կը նշմարուէին:

Մարիուսին բնակած սենեակը ազիւսայէն յատակ մը ունէր աւբուած. բայց ժօնարէթի սենեակը ոչ աղիւսէ և ոչ ալ տախտակէ յատակ ունէր. քայտըր գեթինը խարխուլ տուներն հին գաճին վրայ կը քայէր, որ տաքերու տակ կոխտուելով սեւեցած էր: Այս անհուսար գետնին վրայ ուր փոշին կարծես թէ ձեփուած էր և որ միայն մէկ կուսութիւն մը ունէր, այսինքն արեւի երես տեսած չէր, հոս հոն հին շղուականներու հինուփուտ մուճակներու և պժգալի քուրջերու դէզեր կային. սակայն բուխերիկ մը կար այս սենեակին մէջ, և սաօր համար տարին քառասուն ֆրանքի կը վարձը ուէր: Այս բուխերիկին մէջ ամէն բան կար, այսինքն կրակարան մը, սան մը, կտրուած տախտակներ, բեւեռներէ կախուած ձուէններ, թաշուռի վանդակ մը, մոխիր և նաև քիչ մը կրակ, երկու կիսախանձ փայտարմապէս կը ծխէին այս բուխերիկին մէջ:

Բան մը եւս, կ'օր, որով այս դձուձ սենեակին սարսափը կ'աւելնար, և որ էր սենեակին մեծութիւնը

Այս սենեակը ցցուած մասեր, անկիւններ, մուխ ծակեր, տանիքներու ներքին կողմեր, ծոցեր և հոռանդաններ ունէր: Այս պատճառաւ սոսկալի և խորունկ խորշեր կը կազմուէին որոնց մէջ ներելի էր կարծել թէ ձեռքի չափ մեծ սարդեր, ոտքի չափ լայն նեպուկներ և թերեւս չղիտեմիկն: տեսակ մարդկային հրէշներ կձկուելով կը պահուէին:

Քշտիներէն մէկը դռան քով, միւսն ալ պատուհանին մօտ դրուած էր: Երկուքն ալ ծայրով մը բուխերիկին կը հպէին և Մարիուսին զիմացի կողմը կ'իյնային սենեակին մէկ անկիւնը՝ որ Մարիուսին նայած ծակին մօտ էր՝ պատին վրայ սև փայտէ շրջանակի մը մէջ գունաւոր պատկեր մը կախուած էր, և տակը խոր տառերով գրուած էր. ԵՐԱԶ: Այս պատկերին նրկարներն էին կին մը և քնացած մանուկ մը որ կնոջ ծունկերուն վրայ նստած է. ամպի մէջ արծիւ մը որ կտուցովը պսակ մը բռնած է, և կինը առանց արթնցնելու մանուկը, անոր գլուխէն կը հեռացնէ պտակը: ներքը բաց երկինքի մէջ նարսէսն կ'երեւայ՝ մուխ կապսյա սիւնի մը կոթնած որու խոյակը դեղին է և որ յետագայ փորագրեր ունի: ՄԱՐԷՆԿՅՕ, ԱԻՍՏԷՐԼԻԾ ԻԷՆԱ, ՎԱԿՐԱՄ, ԷԼՕԹ:

Այս չղանակին տակը և գետինը աւելի երկայն քան թէ լայն և փայտեայ տապակի նման բան մը դրուած և պատին կոթնած էր եղակի. դարձած պատկերի մը, հաւանորէն միւս կողմը մրտաւած չղանակի մը, պատէ մը վար առնուած կամ տեղը կախուելու տեղ հոն մտցուած հայելիի պէս բան մըն էր ան:

Սեղանին քով՝ որու վրայ Մարիուս գրելի մը, մեյլան և թուղթ կը նշմարէր՝ գրեթէ վաթսուն տարեկան պզտիկ, նիհար, գունատ, վայրենադէմ, վարպետորդի, անզուխ և անհանդարտ մարդ մը, սոսկալի անդղամ մը նստած էր:

Լափաթէր եթէ դիտած ըլլար այս դէմքը, պիտի տեսնէր անզոյ մը որ նենգամիտ դատասէրի մը հետ խառնուած է. պիտի տեսնէր գիշակեր թռչուներ և խաբերայ մարդը որոնք զիրար կը տգեղցնեն և կ'ամբողջացնեն, այսինքն գիշակեր թռչուներ գարշելի դառնալով խաբերայ մարդուն օգնութեամբ, և խաբերայ մարդն ալ սոսկալի հաւգիսանալով գիշակեր թռչունին օգնութեամբ:

Այս մարդը ալեխառն երկայն մօրուք մը ունէր: Կինը շապիկ մը հագած էր որով իր թաւ կուրծքը կ'երեւար, նաև մերկ թեւերը որոնց վրայ ալեխառն մազեր անկուած էին: Այս շապիկէն զատ մարդը աղմուտ բանթայօն մը և կօշիկներ հագած էր որոնցմէ գուրս կ'ելլէին ոտքերուն մասնները:

Բերանը ծխափայտ մը ունէր և կը ծխէր: Խուցին մէջ ալ հաց չկար, բայց տակաւին ծխախոտ կար:

Հաւանորէն նմակ մը կը գրէր նման այն նամակնորուն զոր Մարիուս կարդացած էր: Սեղանին մէկ կողմը կարմիր և անզոյգ հատոր մը կար հինցած. այս գիրքին ձեւէն որ ընթերցար ններու հին 12ոց Ֆորմայի ձեւն էր. կը հասկցուէր թէ վէպ մըն էր այն. կափարիչին վրայ խոշոր զլխագրերով այս վերնագիրը տպուած էր.

Աստուծ, Արքայն, պասիւն ու սիկիւնները
 Հեղինակ՝ ՏԻԻԳՐԷՅ-ՏԻԻՄԻՆԻԼ, 1814

Մարդը գրելու ժամանակ միանգամայն կը խօսէր բարձր ձայնով, և Մարիուս սա խօսքերը կը լսէր.

— Ո՛չ, հաւասարութիւն չկայ, նաև մեռնելէն ետք: Տե՛՛ս փոքր ինչ, Բէր Լաշէզի գերիզմանաւորներ: Մեծերը, հարուստները, վերերը ազատաներու ծառու դիին մէջն են որ քարայտակ ունի: Անոնք կրնան կտաքով գալ հան: Բայց սգախիկները, աղքատ մարդի-

կը, թշուառ մարդիկը, է՛ն, ասոնք վարի կողմը կը
գրուին, կը թաղուին ուր որ տիղմը մարդու մինչեւ
ծունկը կը հասնի, կը նետուին ծակերուն մէջ, խոնա-
ւութեան մէջ: Հոն կը թաղուին որպէսզի աւել շուտ
փտաին: Անկարելի է դանոնք տեսնելու երթալ առանց
ընկ՝մելու տիղմին ժէջ:

Հոս կանգ առաւ մտղը, ձեռքը սեղանին զարկաւ
և ակօաները կրճելով շարունակեց:

— Ո՛հ, կ'ուզէի աշխարհս ուտել:

Բուխերիկին քով իր մերկ ներբաններուն վրայ
կծկուած յետը կին մը կար սր քառասուն կամ
յիսուն տարեկան կրնար կարծուիլ: Այս կինը ևս շա-
պիկ մը հագած էր և կտաւէ միջազգեստ մը որ հին
չուխայի կտորներով կարկտուած էր: Հաստ կտաւէ
ղենջակ մը իջազգեստին կէսը կը ծածկէր: Թէև կըծ-
կուած և սմքուած, կ'երեւար սակայն որ խիստ բարձ-
րահասակ էր ան: Էրկանը քով տեսակ մը հսկայունի
էր: Այս կնոջ քով գետինը բոլորովին լաց գիրք մը
կար որ միւսին դիրքը ունէր և հաւանօրէն նոյն վէպին
մէկ հատորն էր:

Խշտիներէն մէկուն վրայ Մարիուս տեսակ մը եր-
կայնահասակ, գունատ և գրեթէ մերկանդամ պզտիկ
աղջիկ մը կ'ընդնշմարէր որ ոտքերը երկնցնելով նըս-
տած էր և որ կ'երեւար թէ ոչ մտիկ կ'ընէր, ոչ կը
տեսնէր և ոչ ալ կ'ապրէր:

Ասիկա անշուշտ Մարիուսին սենեակը եկող աղ-
ջկան կրտսեր քոյրն էր:

Տասնըմէկ կամ տասներկու տարեկան կ'երեւար
ան: Ուշագիւր քննող մը կրնար սակայն դիտել թէ
ճիշդ տասնըչորս տարեկան էր: Ասիկա այն պատանու-
հին էր որ առջի օր երեկոյեան դէմ պուլվարին վրայ
ըսած էր. — Փախայ, անմիջապէս փախայ:

Այս աղջիկը այն տկար տունկերուն կը նմանէր ո-
րոնք երկար ատեն կը յապաղին, յետոյ շուտ մը և
յանկարծ կ'ածին: Չքաւորութիւնն է այս մարդկային
տկար տունկերը կազմողը: Այս արարածները ոչ ման-
կութիւն և ոչ ալ չափահասութիւն ունին: Տասնըհին-
գամեայ հասակի մէջ տասներկու տարեկան կ'երեւան,
իսկ երբ տասնըվեց տարեկան կ'ըլլան, քսանամեայ
կ'երեւան: Այսօր պզտիկ աղջիկ են, վաղը կին: Կըր-
նայ ըսուիլ թէ՛ փոխանակ քայլ առ քայլ ապրելու
ստուգմով կ'ապրին շուտ մը ծերանալու և վերջանա-
լու համար:

Նոյն պահուն այս անձը մանկունիի մը կը նմա-
նէր:

Սակայն այս բնակարանին մէջ աշխատութեան մը
հետքը չէր տեսնուեր բնաւ, ամենեւին ոչ արուեստ մը,
ոչ ճախարակ մը, ոչ գործիք մը կար: Տեղ մը քանի մը
հինուփուտ երկաթներ կային որոնց տեսքը կասկածե-
լի էր: Սենեակին մէջ կը տիրէր այն տխուր ծուլու-
թիւնը որ յուսահատութենէ ետք և հոգեվատութենէ
առաջ կուգայ:

Մարիուս ժամանակ մը դիտեց այս տխրալի սեն-
եակին ներսը որ գերեզմանի մը ներսէն աւելի անար-
կու էր, վասն զի կ'զգար թէ հոն մարդկային հոգին կը
շարժի և կենդանութիւնը կը յուզուի:

Գձուձ բնակարանը, նկուղը, ցած փոսը ուր չքա-
ւորներէ ոմանք ընկերային շէնքին ամէնէն վարի կող-
մերը կը սողան, բուն գերեզմանը չէ, այլ անոր նա-
խասենեակն է. բայց՝ ճիշդ այն հարուստներուն պէս
որ իրենց ամենէն մեծ ճոխութիւնները իրենց պալա-
տին դրան քով կը տարածեն, մահն ալ որ բոլորովին
մօտ է, կարծես թէ իր ամենէն մեծ թշուառութիւննե-
րը այն նախասենեակին մէջ կը գնէ:

Մարդը լուսած էր, կինը չէր խօսեր, նորատի աղջիկը կարծես թէ շունչ չէր առներ: Թուղթին վրայ գրչին հանած ձայնը կը լսուէր:

Մարդը՝ առանց գրելէ դադարելու՝ մրմնաց:

— Սրիկա՛յ են, սրիկա՛յ, ամենքն ալ սրիկայ:

Կինը անգամ մը հառաչեց երբ Սողոմոն իմաստունին այս վճռական վերջաբանութիւնը լսեց:

— Սիրուն բարեկամ, հանդարտէ՛, ըսաւ: Մի՛ այդքան նեղանար, սրբելիս: Շատ բարի ես որ այդ ամէն մարդերուն նամակներ կը գրես, հոգիս:

Մարմինները ինչպէս ցուրտին նոյնպէս և թշուառութեան մէջ իրարու կը մօտենան, բայց սիրտերը կը հեռանան: Ըստ երեւոյթի կերևար թէ այս կինը ժամանակաւ սիրած էր այս մարդը որքան որ կրնար սիրել, բայց այս սէրը հաւանական է թէ մարած էր սուկալի շքաւորութեան մը փոխադարձ և հանապազօրեայ յանդիմանութիւններով: Այս կինը սրտին մէջ իր ամուսնոյն նկատմամբ ա՛լ սրբոյ մոխիր կար միայն: Սակայն գգուելի ածականները մնացած էին, ինչպէս շատ անգամ կը պատահի այս: Բերնով՝ Սիրելի, սիրուն, բարեկամ, հոգիս, կ'ըսէր ամուսնոյն, բայց սիրտը կը լռէր:

Մարդը նորէն սկսած էր գրել:



Գ Լ Ո Ւ Խ Ե .

ՋՕՐԱՎԱՐՈՒԹԻՒՆ ԵՒ ՄԱՐՏԱԳԻՏՈՒԹԻՒՆ

Մարիուս սիրտը ճնշուած՝ կը պատրաստուէր վար իջնել այն տեսակ մը դիտարանէն զօր անակնկալ կերպով գտած էր. բայց ձայն մը աննելով ուղից հասկընալ ինչ ըլլալը և տեղէն չշարժեցաւ:

Հիւղին դուռը յանկարծ բացուեցաւ, և առջիննկ աղջիկը սեմին վրայ երևցաւ: Մարդու հաստ մուճակներ հագած էր, աիդմը ոչ միայն ցեխոտած այլ նաև աղջկան մինչեւ կօրժիր պճեղներուն վրայ ժայթքած էր: Վրան հին լօթիկ մը ունէր, որ ծուրկ ծուրկ էր: Մարիուս ժամ մը տաօջ անոր վրայ տեսած չէր այս լօթիկը, հաւանական է թէ աղջիկը անոր արգանատանքը աւելի շարժելու համար դուրս ձգած և ետքէն դարձեալ վրան առած էր զայն: Ենթա մտաւ, ետեւը դառնալով դուրս հրեց. կանգ առաւ շունչ առնելու համար, վասնզի բոյորովին չնշատուտ էր, յետոյ յաղթական և ուրախալի ձայնով մը սրտաց:

— Պիտի գա՛յ:

Հայրը աչքերը դարձուց, կինը գլուխը դարձուց, պղտիկ քոյրը տեղէն չշարժեցաւ:

— Ո՞վ, հարցուց հայրը:

— Պարոնը:

— Մարդասէ՛րը:

— Այո՛:

— Սէն Ժագ եկեղեցիին մարդասէրը:

— Այո՛:

- Ծեօքը :
- Այո՛ :
- Հի՞մա պիտի գայ :
- Ետեւէս կուգայ արդէն :
- Ապահո՞վ ես :
- Ապահով եմ :
- Իրա՞ւ կ'ըսես , իրա՞ւ պիտի գա՞յ :
- Կառքով կուգայ :
- Կառքո՞վ , Բօչի՛լան է ուրեմն :
- Հայրը ոտքի վրայ ելաւ :

— Ի՞նչպէս կրնաս ապահով ըլլալ , եթէ կառքով կուգայ , դուն ի՞նչպէս կրցար անկէ առաջ հասնիլ , գէթ աղէկ մը հասկցուցի՛ր թէ հոս կը բնակինք մենք . ըսի՛ր թէ նրբանցքին ներսը աջ կողմը վերջին դուռն է մերինը , բաւական է որ չսխալի՛ . ո՞ւր գտար զինքը , եկեղեցւո՞յն մէջ , նամակս կարդա՞ց . ի՞նչ ըսաւ :

— Կամա՛ց , քիչ մը կամա՛ց , ծերուկ , շատ շուտ կ'արշաւես , ըսաւ աղջիկը : Ահաւասիկ իրողութիւնը . եկեղեցի մտայ . մարդը իր սովորական տեղը նստած էր , յարգանօք բարեւեցի և նամակը յանձնեցի . կարգաց և ըսաւ ինձի : Ո՞ւր կը բնակիք , ո՞րդեակ : Հետս եկէ՛ք , ցուցնեմ մեր տունը , ըսի :— Ոչ , տուր ինձ ձեր հասցէն . աղջիկս քանի մը բան պիտի գնէ . գնելէն ետքը կառք մը պիտի մտնեմ , ետեւէդ գալով քեզի հետ միատեղ տուն կը հասնինք : Տուի հասցէն : Երբ տունին ո՞ւր և ո՞ր տունը ըլլալը ըսի , զարմացաւ և պահ մը դեղեւացաւ . յետոյ ըսաւ ինձ : Լա՛ւ , պիտի գամ : Երբ պատարագը լինցաւ , իր աղջկանը հետ ժամէն ելլելը և կառք մը մտնելը տեսայ : Աղէկ մը հասկըցուցի թէ նրբանցքին ներսը աջակողմեան վերջին դուռն է մեր սննեակը :

— Եւ ո՞ւրկէ գիտես թէ անպատճառ պիտի գայ :

- Հիմա կառքը տեսայ որ Բըթի Պանքիէի փողօցէն կուգար , ահա անոր համար վազելով եկայ հասայ :
- Ուրկէ՞ գիտես թէ եկողը այն կառքն է :
- Է՛հ , դո՛ւն ալ , գիտեմ , վասնզի թիւը միաքս պահած եմ :
- Քանի՞ է թիւը :
- 440 :
- Լաւ , խելացի աղջիկ մը ես եղեր :
- Աղջիկը համարձակապէս հօրը նայեցաւ և ոտքը հագած մուծակները ցուցնելով , ըսաւ .

— Կարելի է թէ խելացի աղջիկ մը ըլլամ , բայց զիտնաս որ ա՛լ չպիտի հագնիմ այս մուծակները , և թէ և ոչ իսկ անոնց երեսը կ'ուզեմ տեսնել , նախ՝ առողջութեան , երկրորդ մաքրութեան համար : Մարդու սակնէն աւելի ջիղերուն դաշող բանն է հազնիլ այնպիսի կօշիկներ որու ներբանները ջուր կ'սոնեն և ճամբան քալելու ատեն չըգ , չըգ , չըգ , չըգ ձայն կը հանեն : Աւելի աղէկ կը սեպեմ բոկոտն երթալ :

— Իրաւունք ունիս , ըսաւ հայրը մեղմ կերպով մը որ նորատի աղջկան խտուրթեան հակապատկերն էր . բայց եթէ բոկոտն երթաս , թոյլ չարուիր որ եկեղեցիէն ներս մտնես . պէտք է որ աղքատները մուծակ ունենան : Աստուծոյ տունը բոկոտն երթալը ներելի չէ . շարունակեց դառնապէս :

Յետոյ իր միտքը զբաւող առարկային վրայ մտածելով , հարցուց .

- Ապահո՞վ ես թէ պիտի գայ , ստուգապէս զիտե՞ս :
- Ետեւս ձգեցի , հիմա կուգայ , ըսաւ աղջիկը :
- Մարդը կանգնեցաւ : Դէմքին վրայ տեսակ մը լուսաւորութիւն կ'երեւար :
- Կը լսե՞ս , կնի՛կ , պօռայ : Ահա կուգայ մար-

դասերը: Մարէ կրակը:

Կինը շուարելով տեղէն չհարժեցաւ:

Մարդը ձեռնածուր մը արագաշարժութեամբ բերանը կտրուած անօթ մը առաւ որ բուխերիկին վրան էր, և ջուրը թափեց կրակին վայ:

Յետոյ առջինեկ աղջկանը դառնալով.

— Դուն ալ սա աթոռին խտրը հանէ՛:

Աղջիկը չէր հասկնար թէ ինչ բռել կ'ուզէր հայրը:

Հայրը անմիջապէս բռնեց աթոռը և ոտքով անգամ մը դարնելով խտրը պատռեց: Ոտքը խտրին մէջէն միւս կողմը անցաւ:

Մինչդեռ ոտքը խտրէն դուրս կը քաշէր, աղջկան ալ կը հարցնէր.

— Յուրա կա՞յ:

— Սաստիկ ցուրտ կայ: Ձիւն կուգայ:

Հայրը գէպ ի կրտսեր աղջիկը դարձաւ որ պատուհանին քով խշտեակին վրան էր, և սրտայիր ձայնով մը պոսաց.

— Ե՛տ քրէ, վա՛ր իջիր անկողինէդ, ծո՛յլ բան մըն ալ դուն չե՛ս բնոր, ապակի մը կտարէ՛, շո՛ւտ:

Պատանուհին շուարեցաւ մնաց.

— Ի՞նչ ըսի, չլսեցի՞ր կրկնեց հայրը: Ըսի քեզ որ ապակի մը կտորես:

Պատանուհին տեսակ մը անարեկ հնազանդութեամբ ոտքին ծայրովը ելաւ կանգնեցաւ, և կռուփովը ապակի մը դարկաւ: Ապակին խորտակուեցաւ և սեծ աղճուկով մը ինկաւ:

— Վա՛հ, ըսաւ հայրը:

Ծանր և իհիսա էր այս մարդը: Արագօրէն սենեակին չորս կողմը աչքէ կ'անցընէր:

Կարծես թէ զօրավար մըն էր որ վերջին պատրաստութիւնները կը կարգադէ պատերազմը սկսելու ընթացին:

Մայրը որ տակաւին բան մը բսած չէր, ելաւ և նարգուց յամբ և խոբին ձայնով մը կարծես թէ թանձրացեր էին խօսքերը:

— Սիրելիդ իմ, ի՞նչ է դիտաւորութիւնդ:

— Անկողինին մէջ պակէ դուն, պատասխանեց մարդը:

Որոտալի հրամանը խորհրդակցութիւն չէր ընդուներ: Կնիկը հնազանդեցաւ, և ծանրութեամբ խշտեակներէն մէկուն վրայ ինկաւ:

Սակայն սենեակին մէկ անկիւնէն հեծկտանք մը կը լսուէր:

— Ի՞նչ է այն, պոսաց հայրը:

Կրտսեր աղջիկը առանց ելելու այն մութ տեղէն ուր կը ծուլանէր, ձեռքը ցուցուց որ արիւնաթաթաւ էր: Ապակին խորտակելով ձեռքն ալ վիրաւորած էր և մօրը խշտեակին քով երթալով լսելեայն կուլար:

Հիմա կարգը մօրը եկաւ կանգնելու և պոսալու:

— Հիմա հաւենեցա՞ր բրած խենդութիւններուդ, ապակին խորտակելով ձեռքը կտորեց:

— Իմին ուզածս ալ սոյդ է, գիտէի թէ ձեռքը պիտի վիրաւորուի, ըսաւ մարդը:

— Ի՞նչ ըսիր քու ուզածդ ալ ա՛տ է եղեր հա՞, կրկնեց կինը...:

— Լռէ՛, պատասխանեց հայրը, մամուլի ազատութիւնը կը ջնջեմ:

Յետոյ պատուելով իր վրայի կնային շապիկը, լաթի պատառ մը ըրաւ և շուտ մը պզտիկին արիւնաշաղախ ձեռքը կապեց անով:

Կապելէն ետք պատառուած շապիկին նայեցաւ զոհուեակութեամբ:

— Եապիկն ալ սասանկ պատառուած աւելի աղէկ է հիմա ամէն բան կարգին է, ըսաւ:

Սառնալի քամի մը կը փչէր կտրուած ապակիէն և ներս կը մտնէր: Դուրսի մշուշը նոյնպէս ներս կը մըտնէր և սենեակին մէջ կը տարածուէր աներեւոյթ մատներէ անյայտնապէս պարզուած գրեթէ սպիտակ և նըրբաթել բամպակի մը պէժ: Խորտակուած ապակիէն կ'երեւար դուրսը եկած ձիւնը: Առջի օրը Տեառնընդատազի արեւին խոստացած ցուրտը իրօք ելած էր:

Հայրը անգամ մը չորս դին նայեցաւ արագօրէն՝ լաւ մը դիտելու համար որ մի՛ գուցէ բան մը մոռցած ըլլայ: Հին բահ մը առաւ և մօխիբր ցանեց թրջուած խարոյկներուն վրայ՝ զանեւք բոլորովին ծածկելու համար: Յետոյ կանգնելով և բուխերիկին կռթնելով:

— Հիմայ կրնանք ընդունիլ մարդասէրը, ըսաւ:

ԳՂՈՒՆ Ը.

ՈՐ ՁԻՆ ՄԷՁ ԶԱՌԱԳԱՅԹ Մ Ը

Անդրանիկ աղջիկը մօտեցաւ և ձեռքը հօրը ձեռքին վրայ դնելով:

— Նայէ՛, որքան պաղ է ձեռքս, ըսաւ:

— Վա՛շ, պատասխանեց հայրը, ես ատկէ աւելի կը մօխմ:

Մայրը ուժգին կերպով մը պօռաց:

— Դուն ատանկ ես ահա. միշտ քու ունեցածդ ուրիշներուն ունեցածէն աւելի կ'ըլլայ, նաեւ գէշուածիւնդ:

— Պիտի պատանձի՞ս, ըսաւ մարդը:

Կիներ՝ տեսնելով որ ամուսինը մասնաւոր կերպով մը կը նայի իրեն՝ լռեց:

Որջին մէջ պահ մը լռութիւն տիրեց: Առջինէկ աղջիկը անհոգ կերպարանքով մը լօթիկին վարի կողմին ցելեբը կը հանէր. պղտիկ քոյրը տակաւին կը հեծկըլտար. մայրը ասոր գլուխը ձեռքերուն մէջ առած էր, և ստէպ համբուրելով մեղմիկ կ'ըսէր:

— Կ'աղաչեմ, գանձդ իմ, մի՛ լար, շուտ մը կ'անցնի. հիմա հայրդ պիտի նեղացնես:

— Ո՛հ, պոռաց հայրը, ընդհակառակը լա՛ց, լա՛ց, դէ՛շ չէ լալդ:

Յետոյ առջինէկին դառնալով:

— Բայց ո՛ւր է ես՝, տակաւին չեկաւ: Եթէ չգալու ըլլայ, պարտապ տեղը կրակս մարած, աթոսս խորտակուած, շապիկս պատռուած և ապակիս կոտրուած պիտի ըլլայ:

— Պզտիկն ալ վիրաւորուած, մրմոաց մայրը:

— Գիտե՛ս որ սոսկալի ցուրտ է այս դժօխային սենեակը:

Եթէ այդ մարդը չգայ: Ո՛հ, ահա սպասել կուտայ մեզի: Թո՛ղ սպասեն ինձ, սպասելէ ի գատ ի՞նչ դործ ունին հոն, կ'ըսէ անշուշտ իրովի: Ո՛հ, ո՛րքան ատելի են ինձ այդ հարուստները. ո՛րքան կը փափաքիմ ամենայն զուարճութեամբ, ուրախութեամբ, եռանդով և գոհունակութեամբ խեղդել այդ հարուստները, այդ ամէն հարուստները, այդ ամէն ինքնակոչ գլխասէր մարդերը որոնք քաղցրաբարոյ կը ձեւանան, ժամ կ'երթան, տէրտէրներուն, քարոզիչներուն, վարդապետներուն պոչէն չեն զատուիր որոնք ինքզինքնին մեղմէ վեր կը դասեն, և որոնք կուգան մեզի նուսասացնելու և զգեստներ այսինքն ինչպէս կ'ըսեն անոնք, լա-

Թեր բերելու որոնք հինգ ստակ չեն բներ, նաև հաց տալու համար: Իմ ուղածս ասիկա չէ, ա՛ սրբիկաներ, ուղածս ստակ է, ստակ: Ահ, ստակ չեն տար ամենեւին, վասն զի կ'ըսեն թէ կ'երթանք, դինի կը խմենք և թէ գինով ենք, թափառաչքիկ ծոյլ ենք, հապա իրենք, սվ են իրենք, և ի՛նչ էին ժամանակաւ. գողնէր. եթէ գող չըլլային, ասանկ հարուստ չէին կրնար ըլլալ: Ո՛հ, պէտք է որ մարդկային բնկերութիւնը սաքէն և գլուխէն բռնուի, և վերէն վար նետուի ամէն բան. այն ատեն կարելի է թէ ամէն բան պիտի խորտակուի, բայց գէթ ոչ ոք բան մը պիտի ունենայ. գէթ այս օգուտը ունեցած կ'ըլլանք: — Բայց ո՛ր է, ի՛նչ կ'ընէ քու այդ էչու կտոր պարոն բարերարդ. ե՛րբ պիտի գայ, աւանակը գուցէ մոռցու հասցէն, տարակոյս չկայ թէ այս պատաւ ապուշն ալ...

Նոյն պահուն թեթեւ կերպով մը դուռը զարնուեցաւ. մարդը անապարելով եկաւ. դուռը բացաւ, և յարգական բարեներով և պաշտումի ժպիտներով պոռաց.

— Հրամանե՛րք, պարոն, հաճեցէ՛ք մտնելու, յարգի բարերարդ իմ, և դուք սիրուն օրիորդ:

Սենեակին սեմին վրայ հասակաւոր մարդ մը և նորաստի աղջիկ մը երևցաւ:

Մարիուս իր տեղէն չէր շարժած: Թէ ի՛նչ զգաց այն մեջոցին, մարդկային լեզուի տրուած չէ բացատրել:

Նէ կը:

Ով որ սիրած է զիտն թէ ի՛նչ ճառագայթաւոր նշանակութիւններ ունին «Նէ» բառին երկու տառերը:

Իրօք ի՞նչ քսէնպուրկի պատանուհին էր ան: Մարիուս հազիւ հազ որոշակի զայն կը նշմարէր այն լուսեղէն շողիին մէջէն որ յանկարծ ծաւալած էր իր աչքերուն վրայ: Նշմարածն էր իր տարակայ քաղցր էա-

կը, այն աստղը որ վեց օրս փայլած էր իր առջև, այն բիրթ, այն ճակատը, այն բերանը և այն գեղեցիկ դէմքը որ աներեւոյթ ըլլալով գիշերային խաւար կազմած էր: Տեսիլքը խաւարած էր, և հիմա նորէն կ'երևար:

Նորէն կ'երևար մթութեան մը, գձուձ սենեակի մը, ամէն օրջի մը, սոսկումի մը մէջ:

Մարիուս կը սօրստար մոլեգին: Ի՛նչ, իրօք ա՛յն էր եկողը, սրտին բազխումները իր աչքը կը պղտորէին, կ'զգար թէ պտորաստ էր լալու, ի՛նչ, վերջապէս նորէն կը տեսնէր զայն՝ այնքան ժամանակ փնտռելէն ետք. այնպէս կ'երևար Մարիուսի թէ իր հոգին կորսնցուցած էր, և թէ հիմա կը գտնէր:

Նորատի աղջիկը միևնոյն աղջիկն էր, միայն թէ քիչ մը գունատ էր, մանիշագոյն թաշկայ գլխարկ մը անոր փափուկ կերպարանքը կը շրջանակէր և սուսթոյր սնդուտէ մաշկեակ մը մէջքը կը ծածկէր: Երկայնաձև բոպաին տակէն պզտիկ սաքը կ'երևար որ մետաքսեայ կիսաձև կոշիկի մը մէջ կը սեղմուէր:

Դարձես, Պ. Լըպլանին հետ եկած էր: Բանի մը քայլ առնելով ներս մտած և սեղանին վրայ բաւական մեծկակ ծրար մը դրած էր:

Ժօնտրէթիէ առջինէկ աղջիկը դրան ետեւը քաշուած էր և ախուր նայուածքով մը անոր թաւիչէ փեղոյրը, մեաքսեայ լօթիկը և երանաւէտ սիրուն դէմքը կը նայէր:

Գ Լ Ո Ւ Խ Թ .

Ժ Օ Ն Տ Ր Է Թ Գ Ր Ե Թ Է Կ Ո Ւ Լ Ա Յ

Ժօնարէթին խուցը այնքան մութ էր որ դուրսէն եկող մարդիկ երբ ներս կը մտնէին ստորերկրեայ շտեմարան մը մտնել կըզգային : Ուստի երկու նորեկները դեղեւուձով մը յառաջացան հազիւ հազ անյայտ կերպարանքներ նշմարելով իրենց չորսդին , մինչդեռ խուցին ընակիչները որոնք սովորած էին այս մշուշին կատարելապէս կը տեսնէին և կը զննէին զանոնք :

Պ . Լըպլան բարեսէր և արտուժ նայուածքովը մօտեցաւ , և բաւ ժօնարէթին .

— Պա՛րոն , այս ծրարին մէջ նոր զգեստներ ասուէ , զուլպաներ և վերմակներ կան :

— Մեր հրեշտակային բարերարը երախտագիտութեամբ կը համակէ զմեզ , ըսաւ ժօնարէթ՝ մինչև գիտինք խոնարհելով : — Յետոյ իր առջինէկ ազգկան մօտեցաւ՝ մինչդեռ երկու այցելուները այս սղորմելի սենեակը կը զիտէին , և անոր ականջին կամաց մը և արագօրէն ըսաւ .

— Տեսա՞ր . միթէ ձեզ չըսի՞ . ահա բերածը լաթեր են , ստակ չէսոյ : Ամենքն ալ մէկ հօրի ջուր են : Աղէկ միտքս ինչաւ , ի՞նչպէս ստորագրուած էր այս ապուշ ձերին գրուած նամակը :

Ֆապանթու , պատասխանեց աղջիկը :

— Դերասանապետ , լա՛ւ :

Ժօնարէթ աղէկ որ նամակին ստորագրութիւնը հարցուց , վասն զի միենայն միջոցին Պ . Լըպլան գէպ անոր կողմը կը դառնար և կը հարցնէր՝ անունը յիշել ուզողի մը կերպարանքով :

— Էր տեսնեմ որ շատ ցաւալի է ձեր վիճակը . պարոն . . .

— Ֆապանթու , պատասխանեց ժօնարէթ սաստկապէս :

— Պ . Ֆապանդու , այո՛ , այս է . կը յիշեմ անունը :

— Դերասանապետ , պարոն , որ յաջողութիւններ ունեցած է :

Հոս ժօնարէթ կարծեց թէ «մարդասէրը» գրաւելու վայրկեանը եկած է : Ուստի պօռաց այնպիսի ձայնով մը որ տօնավաճառներու մէջ ծագրածուի մը սնափառութեան ու միանգամայն մեծ ճամբաներու վրայ մուրացողի մը խոնարհութեան յատուկ ձայն մըն էր :

— Թալմայի աշակե՛րտ , պարոն , Թալմայի աշակե՛րտն եմ : Բազըր ժամանամաւ ժպտեցաւ ինծի : Աւա՛ղ , որ հիմա կարգը եկաւ դժբաղդութեան : Տէր իմ , բարերար , տեսէք անգամ մը , ոչ հաց ունինք , ոչ կըրակ : Խեղճ զաւակներս կրակ չունին : Մէկ աթոռ ունիմ , անոր ալ խսիրը պատռած է : Պատուհանին ապակին կտրած է ասանկ ցուրտ եղանակի մը մէջ : Կինս ալ հիւանդ է , անկողնին մէջ կը տառապի :

— Խե՛ղճ կին ըսաւ Պ . Լըպլան :

— Չաւակս ալ վիրաւոր է , շարունակեց ժօնարէթ :

Վիրաւոր աղջիկը օտարականներուն դալուստովն իր ցաւը մոռնալով սկսած էր «օրիորդին» նայիլ ակնապիշ , և զագրած էր հեծկլապէ :

— Լա՛ց , պոռչտէ՛ քիչ մը , ըսաւ ժօնարէթ աղջկան մեղմով մը :

Եւ անմիջապէս աղջկան վիրաւոր ձեռքը ճմլեց : Այս ամէնը ձեռնածուի մը լաւալուծեանց կը նմանէր :

Պատանուհին սկսաւ մեծածախն լալ :

Պաշտելի երեսասարգուհին զոր Մարիւսս իր սրբտին մէջ «Իւրսիւզս» կանուանէր՝ անմիջապէս ճտեղնալով .

— Խեղճ աղջիկ . բաւ :

— Տե՛ս ինչպէս արիւնյուլայ է ձեռքը . գեղանի օրփորդ . շարունակեց ժօնարէթ : Օրբ վեց սու վատակելու ճամար երբ մեքենայի մը առկ կ'աշխատէր . վերտանգի մը հանդիպելով վերաւորեցաւ : Գուցէ . հարկ պիտի ըլլայ թեւը կորել :

— Իրա՞ւ կ'ըսէք . հարցուց ձեր պարօնը՝ խոռվելով :

Պզտիկ աղջիկը այս լռօսքը իրաւ կարծելով սկսաւ նորէն հեծկլտալ :

— Աւա՛ղ . այո՛ . բարեբոյ իմ . պատասխանեց հայրը :

Քանի մը վայրկեանէ ի վեր ժօնարէթ տարօրինակ կերպով մը կը դիտէր «մարդասէրը» . Մինչդեռ կը խօսէր . կ'երեւար թէ նաև ուշադրութեամբ կը գննէր զայն իբր թէ ուզէ՞ միաքէն ելած բաներ յիշել : Յանկարծ պատեն անիթ մը սեպելով այն բոպէն ուր նորեկները համակրութեամբ պզտիկին հարցումներ կ'ընէին իր վերաւոր ձեռքին նկատմամբ . կնոջը քովը գնաց որ անկողնին մէջ նստած էր վնաս և աստուղ կերպարանքով մը . և շուտով ու մեղմով ըսաւ անոր .

— Նայէ՛ . աղէկ նայէ սա մարդուն :

Յետոյ գէպի Պ . Լըպլան դառնալով . իր սղբը շարունակեց .

— Տեսէ՛ք . պարօն . կնոջս շապիկէն ի դաս զգեստ մը չունիմ ամենեւին . այն ալ բոլորովին պատուած է

ասանկ ամենաստատիկ ցուրտ եղանակի մէջ : Թիկնոց չունիմ որ կարենամ դուրս ելլել . Եթէ որ և է թիկնոց մը ունենայի . կ'երթայի դերասանուհի օրփորդ Մարսը տեսնելու որ կը ճանչնայ և շատ կը սիրէ զիս : Միտեղ դեր խաղացած ենք գաւառներու մէջ . լսած էք արդեօք : Ես ալ պատկներ ընդունած եմ իրեն հետ : Բայց ոչ . բան մը չեմ տեսներ : Եւ առևս ալ ստակ մը անգամ չկայ : Կրնա հիւանդ է : Աղջիկս վտանգաւոր կերպով վիրաւորուած է : Պէտք է որ զարմանուի ան . նաև աղջիկս : Բայց բժիշկը . բոյց դեղաժամօ՞րը . ուրկէ՞ դտնեմ ստակը որ ասոնց տամ . և ոչ իսկ լուծայ մը ունինք . պարօն : Մէկ բուլի առջեւ երկրպագութիւն կ'ընէի . եթէ ամէնէն Անա տեսէք թէ մինչեւ ուր թլած են ճարտարութիւնները : Գիտէ՞ք . սիրուն օրփորդ . վեհանմն իմ բարերար . դուք որ առաքինութիւն և բարութիւն կը շնչէք . գիտէ՞ք որ խեղճ աղջիկս աղօթք ընելու ճամար եկեղեցի կ'երթայ . այն եկեղեցին զոր դուք կ'անուանուէք և ուր ձեզի կը նշմարէ միշտ : Վասնզի աղջիկներուս կրօնական պարտականութիւններ կատարել կուտամ : Չուզեցի որ դերասանուհի ըլլան : Ա՛հ . եթէ անգամ մը գայթիին լակոտները . կը հասկըցնեմ իրենց իմ ո՛վ ըլլաւ :

Ես կատակ չգիտեմ : Պատիւի . բարոյակամի . առաքինութեան վրայ անոնց խրատներ տալէ բերանս կը չորնայ . պարօն : Հարցուցէք . եթէ չէք հաւատար : Կ'ուզեմ որ աղջիկներս ուզիղ քայլեն : Հայր մը ունին անոնք . չեն ընաւ այն թշուառուհիներու կարգէն որոնք սկզբան ընտանիք չեն ունենար և որոնք հասկ յետոյ հասարակութեան հետ կ'ամուսնանան . որոնք նախ օրփորդ Աննաա կ'անուանուին . և յետոյ տիկին Ամէլ : Մարդ կ'ըլլան . Ասանկ բան չկրնար ըլլալ Թուրքանիթուի ընտանիքին մէջ : Կ'ուզեմ առաքինապէս դատախարակել

զանոնք, կ'ուզեմ որ պարկեշտ ըլլան, ազնիւ ըլլան, Աստուծոյ հաւատան, թէ ոչ. Աստուած վկայ...: Բայց սակայն, պարոն, իմ ազնիւ պարոնս, գիտէ՞ք թէ վաղը ինչ փորձանք պիտի պատահի: Վաղը փետրվարի 4ն է, օ՛ր աղեալի, յետին՞ պայմանաժամ զոր այս տունին տէրը տուած է ինձ. եթէ այս գիշեր սենեակիս վարձքը չվճարեմ, վաղը մեծ աղջիկս, ես, կնիկս իր տենդովը, պզտիկ աղջիկս վէրքովը, ամէնքս ալ ասկէ պիտի արտաքսուինք, դուրս նետուելով առանց պարսպարանի փողոցը պիտի մնանք, պուլվարին վրայ պիտի մնանք անձրեւին տակ, ձիւնին տակ կենալով: Ահա վիճակս, պարոն: Չորս եռամսեայ, այսինքն մէկ տարուան վարձք պարտք ունիմ որ է վաթսուն ֆրանք: Ժօնտրէթ կը ստէր: Չորս եռամսեայն քառասուն ֆրանք կ'ընէր, և չէր կրնար չորս եռամսեայ պարտաւորել քանի որ Մարիուս՝ դեռ վեց ամիս չկաթ երկու եռամսեայն վճարած էր:

Պ. Լըպլան գրպանէն հինգ ֆրանքնոց մը հանեց և սեղանին վրայ նետեց:

Ժօնտրէթ ժամանակ ունեցաւ իր մեծ աղջկան ահանջին մրմռալու:

— Անդգամը. ինչ ընեմ ես հինգ ֆրանքը: Աս և ոչ իսկ աթոռիս և ապակիիս արժէքն է: Եկո՛ւ ատէ ծախս րրէ ասանկ մարդերու համար:

Սակայն Պ. Լըպլան թխազոյն մեծ վերարկու մը հանելով զոր իր կապտագոյն վերարկուին վրայէն հագած էր՝ աթոռին կռնակին վրայ նետած էր:

— Պ Ծապանթու, ըսաւ, վրաս հինգ ֆրանք ունիմ միայն. բայց հիմա աղջիկս տուն պիտի տանիմ, և այս իրիկուն դարձեալ հոս պիտի գամ. ըսիք թէ պարտաւոր էք այս գիշեր վճարել, այնպէս չէ՞:

Ժօնտրէթի դէմքը տարօրինակ արտայայտուածով մը լուսաւորուեցաւ:

— Այո՛, տէր իմ յարգապատիւ: Այս իրիկուն ժամը ութին տան տիրոջս տունը երթալու պարտաւոր եմ:

— Ժամը վեցին հոս պիտի ըլլամ, և վաթսուն ֆրանքը պիտի բերեմ:

— Տէր իմ, բարեբար. պօռաց ժօնտրէթ մուկին: Եւ կամաց մը շարունակեց.

— Կնի'կ, աղէկ նայէ իրեն:

Լըպլան գեղանի աղջկան թեւը մտաւ դարձեալ և դէպի դուռը դառնալով.

— Այս իրիկուն, բարեկամներ, ըսաւ:

— Ժամը վեցին, այնպէս չէ՞, հարցուց ժօնտրէթ:

— Ճիշդ ժամը վեցին:

Լոյն պահուն ժօնտրէթի մե՛ աղջիկը աթոռին վրայ ձգուած վերարկուն տեսնելով.

— Պարոն, ըսաւ, մտոցաք առնել ձեր վերարկուն:

Ժօնտրէթ ահարկու կերպով մը ուսերը վեր ընելով անգամ մը աղջկանը նայեցաւ շանթածիգ նայուածքով մը:

Պ. Լըպլան ետեւը դարձաւ և ժպտելով պատասխանեց.

— Չեմ մոռնար, այլ կը թողում:

— Ո՛ր պաշտպանդ իմ, ըսաւ ժօնտրէթ, ո՛ր վեհազն բարերարդ իմ, կ'արտասուեմ երախտագիտութեամբ: Ներեցէ՛ք որ մինչեւ կառքը տանիմ ձեզի:

— Եթէ դուրս պիտի ելլէք: Կրկնեց Պ. Լըպլան, առէ՛ք սա վերարկուն: Ստուգիւ սաստիկ ցուրտ կայ:

Ժօնտրէթ երկրորդ անգամ ըսել տալու հարկ չը թողուց: Անմիջապէս կռնակը անցուց գորշագոյն վերարկուն:

Եւ երեքը մէկ դուրս ելան, ժօնտրէթ օտարականներուն առջեւէն երթալով:

Գ Լ Ո Ւ Խ Զ.

ՐԷԺԻԻ ԿԱՌՔԵՐՈՒՆՎԱՐՁՔԸ ԵՐԿՈՒ ՏՐԱՆՔ Է
ԱՄԷՆ ՍԷԿ ԺԱՄԻՆ ՉԱՍԱՐ

Մարիուս այս սեպարանը ամէն պարագաներովը տեսած էր, այլ սակայն իրապէս բան մը տեսած չէր: Աչքերը նորասի օրիորդին վրայ յատկեր էին անուր: օրիորդին դէպ ի սենեակը առած տաաջին քայլէն իվեր՝ կրնանք ըսել թէ՛ Մարիուսի սիրտը լոյստո՞վին բռնած և պաշարած էր զայն: Անոր զալէն փնջու երթալը Մարիուս ասորած էր ան հիասքանչ կեանքով որ ամէն նիւթական ըմբռնումները կը դողրեցնէ և հոգին ամբողջապէս միայն մէկ կէտի մը վրայ կը զահալիթէ: Կը նայէր ակնադիչ չէ թէ այն աղջկան այլ այն լոյսին որ սեգուսեայ լօթիկ և թաւիչէ փեղցր մը ունէր: Եթէ Միքիուս ասազը սենեակը մտած ըլլար, աւելի սաստիկ շլացում չպիտի տար Մարիուսին:

Մինչդեռ անտիական օրիորդը ծրար կը քակէր, դգեատները և վերմակները կը բանար, բարեսիրապէս հրեանդ մօրը և կարեկցարար վերաւոր աղջկան հարցումներ կ'ընէր: Մարիուս անոր ամէն շարժումները կը դիտէր, ամէն խօսքերը լսելու կը ջանար: Կը ճանչնար անոր աչքերը, ձակատը, դեղեցկաւթիւնը, հասակը, քայլը, բայց ձայնին հնչիւնը չէր ճանչնար: Կարծած էր թէ Լիս քսէնպուրկի մէջ անոր քանի մը խօսքը լսած է, բայց կատարելապէս ազահով չէր Ասած ըլլալուն: Իր կեանքէն տատը տարի կուտար՝ անոր խօսիլը լսելու, այն երաժշտութենէն մաս մը առ-

նելով հոգօին մէջ պահելու համար: Բայց ամէն բան անլսելի կը մնար ժօնարէթի ողորմելի վայնասուններուն և շեփորական ազմուկներուն պատճառաւ: Մարիուս հիացումով գրաւուած ժամանակ, միանգամայն իրապէս կը բարկանար ժօնարէթի դէմ: Գեղանի օրիորդին կը նայէր անընդհատ և սիրազին: Չէր կրնար երեւակայել թէ իրօք այն երկնային արարածն էր այն զոր այս զարչելի մարգերուն և սոսկալի խուցին մէջ կը նշմարէր: Կը կարծէր թէ գորտերու մէջ Կոլիպրի(*) մը կը տեսնէ:

Երբ դուրս ելաւ գեղանի, աղջիկը, Մարիուս ուղեց անմիջապէս ետեւէն երթալ, հետքը չթողուլ, չբաժնուիլ մինչեւ պիտնալը թէ ո՛ւր կը բնակի, գէթ դարձեալ չկորսնցընել զայն՝ այսպիսի հրաշքով մը վերստին գտնելէն ետքը: Վար ցատկեց դարանէն և փեղոյրը առաւ: Երբ ձեռքը պարզունակի սողնակին կը տանէր՝ դուրս ելլելու համար, բան մը եկաւ միտքը, և կանգ առաւ: Երբանցքը երկայն, սանդուխը ցից, ժօնարէթ ալ շողալրատ էր. Գ. Լըպլան անշուշտ տակալին կառքը մտած չէր, հետեւարար նրբանցքին մէջ, կամ սանդուխին վրայ, կամ չէմին վրայ եթէ ետ գառնալով Մարիուսը տեսնէր այս տունին մէջ, անշուշտ պիտի խռովուէր, և նորէն անոր ձեռքէն աղատելու միջոց պիտի գտնէր, և այս անգամ ալ Մարիուսի յոյսն ի գերեւ կ'ելլէր: Ի՛նչ ընեմ, սպուտեմ արդեօք ըիչ մը. կ'ըտէր իրովի Մարիուս, բայց սպասելու ատենս կ'ուրքը կրնայ մեկնիլ: Մարիուս վարանուով մէջ էր: Վերջապէս վտանգը աչքը առաւ, և սենեակէն դուրս ելաւ:

Երբանցքին մէջ ալ ոչ ոք կար: Դէպի սանդուղը վազեց: Սանդուղին վրան ալ ոչ ոք կար: Շուտ մը իջաւ, պուլվարը հասաւ ճիշդ այն պահուն ուր կառթշտառներ

քի մը Բրթի-Պանքիէի փողոցին անկիւնէն դառնալը
և Բարիզ վերադառնալը տեսաւ :

Մարիուս վաղելով գնաց դէպ այն կողմը . երբ
պուլվարին անկիւնը հասաւ , նորէն տեսաւ այն կառքը
որ Մուֆթարի փողոցէն կուգար արագապէս . կառքը
արդէն բաւական հեռու էր , և ամենեւին կարելի չէր
հասնիլ անոր քով . ինչ ընէր . միթէ վաղեր . անկա-
րելի բան . մանաւանդ թէ Պ . Լըպլան իր նստած կառ-
քին մէջ անշուշտ պիտի տեսնէր անոր այսպէս վաղե-
լով կառքի մը ետեւէն երթալը , պիտի ճանչնար զայն :
Նոյն պահուն . — Ինչ անլուր և հրաշալի դիպուած , —
Մարիուս Բէթիի երկանիւ կառք մը նշմարեց որ պուլ-
վարին վրայէն պարապ կ'անցնէր : Մտածելու հարկ
չկար . պէտք էր մտնել այս երկանիւ կառքը և Պ .
Լըպլանին կառքին ետեւէն երթալ : Ասիկա ապահով ,
ազգու և անվտանգ միջոց մըն էր :

Մարիուս նշան ըրաւ կառապանին որ կենայ և պո-
ռաց .

— Ժամի վրայ հաշուելով :

Մարիուս փողակապը դրած չէր . վրայի թիկնոցը
ամէն օրուան հին թիկնոցն էր որու քանի մը կոճակ-
ները փրթած էին , իսկ շապիկը կուրծքին վրայի ծալ-
քերուն մէկուն քովէն խզտուած էր :

Կառապանը կանգ առաւ , աչքերը թարթեց և դէ-
պի Մարիուս երկնցուց ձախ ձեռքը իր ցուցամատը
բոյթին հետ մեղմիկ շփելով ,

— Ինչ ըսաւ Մարիուս :

— Կանխիկ վճարէ , ըսաւ կառապանը

Յիշեց Մարիուս թէ վրան տասնըվեց սու ունէր
միայն :

— Մըքան , հարցուց :

— Քառասուն սու :

— Ի դարձին կը վճարեմ :

Կառապանը՝ փոխանակ պատասխան մը տալու՝ Լա
Բալիսի եզանակը սուլեց և երիվարը մտրակեց :

Մարիուս մոլորագին կերպարանքով մը երկանիւ
կառքին հեռանալուն նայեցաւ : Քսանրչորս սուի հա-
մար՝ զոր չունէր՝ իր ուրախութիւնը , երանութիւնը ,
հեռը կը կորսուէր . նորէն խաւարով կը պաշարուէր .
աչքը բացուած էր . այլ հիմա նորէն կը կուրնար :
Դասնապէս՝ և պէտք է ճիշդը ըսել՝ սաստիկ վիշտով
մը յիշեց այն հինգ ֆրանքնոցը զոր նոյն օր անտուն
այն թշուառական աղջկան տուած էր : Եթէ քովը ըլ-
լար այն հինգ ֆրանքնոցը , պիտի ազատէր , պիտի վե-
բածնէր , լիմպոսէն և խաւարէն պիտի ելլեր . առանձ-
նութենէ , թախծութենէ , այրիութենէ պիտի ազատ-
ուէր . իր ճակատադրին սեւաթօյր թելը նորէն կապէր
այն ոսկեղէն գեղեցիկ թելին հետ որ պահ մը առաջ
իբ առջև կը ծիփար և որ երկրորդ անգամ կտրուած էր :
Տունը դարձաւ յուսարեկ :

Մարիուս կրնար ըսել իրովի թէ Պ . Լըպլան խօսք
տուած էր իրիկունը դարձեալ գալու . և թէ այս ան-
գամ անոր ետեւէն երթալու համար կը պարտաւորէր
լաւագոյն կերպով պատրաստուիլ . բայց Մարիուս հոգ-
ւով սրտով զեղանիին նայելու զբաղելով հաղիւ հազ
լսած էր Պ . Լըպլանին խօստուածը :

Երբ սանդուղէն վեր պիտի ելլէր , պուլվարին միւս
կողմէն Ժօնտրէթը նշմարեց որ Պարիէր Տէ Կօպլէնի
փողոցին ամայի պատին քովն էր «մտրդասէրին» վե-
րաբիւռովը պլլուած , և կը խօսակցէր կասկածելի կեր-
պարանք ունեցող այն մարդերէն մէկուն հետ զոր սօ-
վորութիւն եղած է ֆաղսֆաղուռերու քախստիկներ ան-
ուանել . մարդե՛ր որոնք երկզիմի կերպարանք , կաս-
կածելի մենախօսութիւն ունին . որոնք չարախորհուրդ

կ'երեւան և որոնք գրեթէ սովորաբար ցորեկը կը քնանան, ուրկէ ներելի է ենթադրել թէ գիշերը կ'աշխատին:

Այս երկու մարդերը որ յորձանքով եկող ձիւնին տակ անշարժ կը խօսէին, խուճը մը կը կազմէին զոր ստիկան մը անշուշտ պիտի կրնար գիտել և զոր սակայն Մարիուս հազիւ հազ նշմարեց:

Թէև վշտագին մտատանջութեամբ մը գրաւուած էր Մարիուս, բայց և այնպէս ստիպուեցաւ ըսել իրովի թէ քաղաքադռներու այն թափառիկը որու հետ կը խօսէր ժօնարէթ, կը նմանէր Բրէնթանիէ ըսուած Պիկըրնայլ ըսուած Բանչօ անուն մէկու մը զոր Գուրֆէյրազ անգամ մը ցուցուցած էր իրեն, և որ թաղին մէջ իբր գիշերային բաւական վտանգաւոր շքջող մը կը նկատուէր: Նախորդ գիրքին մէջ այս մարդուն անունը տեսանք արդէն: Այս Բրէնթանիյէ, Պիկըրնայլ ըսուած Բանչօն ետքէն բազմաթիւ եղեռնական դատերու մէջ զանուեցաւ, և անկէ ետք հոչակաւոր անառակ մը եղաւ: Այն ատեն տակաւին անուանի պնատակ մըն էր միայն: Այսօր աւանդութիւն մըն է աւազակներու և մ'որդասպաններու մէջ: Նախորդ իշխանութեան վերջերը աւազակութեան դաս կուտար: Եւ երեկոյին գիշերուան մութը տիրած ժամանակ ուր խուճերը կը կազմուէին և ցած ձայնով կը խօսին, բանտարկեալները Ծօրսի (բանտ) Ծօս-օ-Լիժն ըսուած գաւիթը խմբուելով անոր վրայ կը խօսակցէին: Այս բանտին մէջ, ճիշդ հոն ուր գիշերապահներու ճամբուն տակէն արտաքնոցի խողովակը կ'անցնի, — այս խողովակը 1843ին երեսուն բանտարկեալներու անլուր փախուստին ծառայեց ցերեկով, — ուզողը կրնայ այս արտաքնոցին սալաքարին վերեւը տեսնել անոր ԲԱՆՇՕ անունը զոր անգամ մը փախչելու փորձ մը ըրած ժամանակ ինք յանդգնաբար

բանդակած էր պահնորդներու պատին վրայ: Ոստիկանութիւնը 1832ին սրդէն հսկողութեան տակ գրած էր զայն, բայց Բանչօ տակաւին մեծ գործերու ձեռնարկած չէր:

Գ Լ Ո Ւ Ե Ժ Ա .

ԹՇՈՒԱՌՈՒԹԻՒՆԸ Կ'ԱՌԱՋԱՐԿԷ ԾԱՌԱՅՈՒԹԻՒՆ ԸՆԵՆ ՎՇՏԻՆ

Մարիուս տունին սանդուղէն վեր ելաւ յամբաքայլերը իր խուճը մտնելու վրայ էր, նրբանցքին մէջ ժօնարէթի մեծ աղջիկը տեսաւ որ իր ետեւէն կուգար: Մարիուս ատելութիւն մը զգաց այս աղջիկը տեսնելով, վասն զի անոր քեփն էր իր հինգ ֆրանքը զոր չէր կրնար ետ ուզել: Վասն զի շատ ուշ էր, երկանիւ կառքը ա'լ գացած, և Պ. Լըպլանի կառքն ալ շատ հեռացած էր: Մանաւանդ թէ ետ ուզելու ալ ըլլար հինգ ֆրանքը, աղջիկը չպիտի տար: Բիշ մը տառջ իրենց սենեակը եկող անձերու տունին վրայօք անոր հարցումներ ընելն ալ աւելորդ էր անշուշտ. այն չէր գիտեր անոնց ո'ւր բնակիլը, վասն զի Փապանթու ստորագրուած նամակին հասցէն էր Առ պարնէ քարեգործ Ակն-ժագ-սիւ-Շօ-Բա եկեղեցոյ:

Մարիուս իր սենեակը մտաւ և դուռը հրեց ետեւէն:

Չգոցուեցաւ դուռը. ետեւը դարձաւ Մարիուս և տեսաւ ձեռք մը որ կիսաբաց դուռը կը բռնէր չգոցուելու համար:

— Ի՞նչ է այն, ո՞վ է այն, հարցուց Մարիուս :

Դուռը բանալը ժօնարէթին աղջիկն էր :

— Դո՞ւք էք, կրկնեց Մարիուս գրեթէ խստիւ :
Դա՞՞րձեալ դուք էք : Ի՞նչ կ'ուզէք :

Աղջիկը խոհուն կ'երեւար և չէր նայեր : Առաւօտեան համարձակութիւնը չունէր հիմա : Ներս մտած չէր և նրբանցքին ստուերին մէջ կը կենար ուր Մարիուս կ'հարաց դռնէն կը նշմարէր զայն :

— Է՛, վերջապէս պիտի պատասխանէ՞ք թէ ոչ : Ի՞նչ կ'ուզէք :

Աղջիկը անոր վրայ պտրտցուց իր տխուր նայուածքը ուր կ'արծես թէ տեսակ մը ճառագայթ կը վառէր աղօտարար, և ըսաւ .

— Տրտում կ'երեւաք : պարոն Մարիուս : Ի՞նչ ունիք :

— Ե՞ս, ըսաւ Մարիուս :

— Այո՛, դուք :

— Բան մը չունիմ :

— Այո՛, ունիք :

— Ոչ :

— Ես կ'ըսեմ թէ ունիք :

— Հանդարտ ձգեցէք զիս :

Մարիուս նորէն հրեց դուռը, բայց աղջիկը ձեռքը չքաշելով դռան վրայէն .

— Իրաւունք չունիք այդպէս վարուելու հետս, ըսաւ : Թէեւ հարուստ չէք, բայց այս անտու բարեպէս վարուեցաք հետս : Հիմա նոյնպէս վարուեցէք : Մտակ տուիք ինձի որ հաց ուտեմ, հիմակ ալ ըսէք ինձ թէ ի՞նչ ունիք : Յայտնի կ'երեւայ թէ վիշտ մը ունիք : Չեմ ուզեր որ վիշտ ունենաք : Ի՞նչ ընել պէտք է ասոր համար : Կրնա՞մ ձեզ ծառայութիւն մը ընել, Գործածեցէք զիս : Չեր գազանիքները չեմ հարցուններ, պէտք

չունիք յայտնելու ինձ զանոնք, բայց վերջապէս կըրնամ օգտակար ըլլալ : Կրնամ օգնել ձեզ, քանի որ հօրս կ'օգնէք : Երբ հարկ ըլլաւ նամակներ տանիլ, տուները երթալ, դուռնէ դուռ հարցնել, հասցէ մը գտնել, մէկու մը ետեւէն երթալ, իմ ձեռքէս կուգայ այդ ամէնը : Արդ ուրեմն կրնաք ըսել ինձ ինչ որ ունիք : Կ'երթամ խօսելու որոնց հետ որ պէտք է, Երբեմն մարդ մը մարդերու հետ կը խօսի, և ահա կրնամ գիտնալ ինչ որ հարկ է գիտնալ, և ամէն բան կը կարգադրուի : Պատրաստ եմ ձեզ ծառայելու :

Մարիուսի մտքէն գաղափար մը անցաւ : Մարդերը ինչալը կ'զգայ, կա՞յ սառ մը զոր առ ոչինչ համարէ :

Ժօնարէթի աղջկան մօտեցաւ :

— Մտի՛կ ըրէ՛. . . ըսաւ անոր :

Աղջիկը Մարիուսի խօսքը ընդմիջեց ուրախութեամբ մը որ իօ աչքերուն մէջ կը փայտակէր :

— Ո՛հ, ապրիք, այդպէս դուզելով խօսեցէք հետս, աւելի սիրելի է ինձ դու քան թէ դուք ըսուիլը :

— Լա՛ւ, կրկնեց Մարիուս, դո՛ւն բերիք հոս այն ձեր պարօնը այն աղջկան հետ, այնպէս չէ՞ :

— Այո՛ :

— Ո՛ւր է անոնց տունը, գիտե՞ս :

— Ոչ :

— Գտի՛ր և ըսէ ինձի :

Ժօնարէթուհին նայուածքը տրտում ըլլալէ դադարելով ուրախութեամբ համակուած էր. հիմա ուրախ ըլլալէ դադարելով տխրութեամբ համակուեցաւ :

— Ա՞յդ է ձեր ուզածը, հարցուց Մարիուսին :

— Այո՛ :

— Մի՛թէ կը ճանչնա՞ք զանոնք :

— Ոչ :

— Այսինքն, կրկնեց ուժգնակի, չէք ճանչնար զնե և կ'ուզէք ճանչնա՞ր :

Այս զանոնք որ զնի փոխուած էր, չգրեամ ի՞նչ յայտարար և դառնալի բան մը ունէր :

— Վերջապէս, կրնա՞ս, բաւ Մարիուս :

— Գեղանի օրօրդին հասցէն պիտի տամ ձեզի :

Այս զեղանի օրօրդ բարեկերն ալ նուրբ նշանակութիւն մը ունէին որ Մարիուսին սիրտը նեղացուց : Մարիուս կրկնեց .

— Վերջապէս ինչ և է, հօրը և աղջկան հասցէն, անոնց հասցէն կ'ուզեմ. կրնա՞ս գտնել :

Աղջիկը ուղղակի Մարիուսին նայելով, բաւ .

— Ի՞նչ պիտի տաք ինձի :

— Ի՞նչ որ պիտի ուզես :

— Ի՞նչ որ պիտի ուզեմ :

— Այո՞ :

— Հասցէն պիտի ունենաք :

Աղջիկը վար ըրաւ զլուխը, ապա յանկարծական շարժումով մը քաշեց դուռը որ գոցուեցաւ :

Մարիուս մինակ մնաց իր սենեակին մէջ :

Աթոռի մը վրայ նստաւ ինալու պէս, զլուխը և երկու արձուկները անկողինին վրայ կոթնցուց և պաշարուեցաւ այնպիսի մտածումներէ զոր չէր կրնար ամփոփել և կարծես թէ զլուխը կը դառնար : Իր ուղեղին մէջ խառն ի խառն յիշուած էին ինչ որ առաւօտէն ի վեր տեղի ունեցած էր, այսինքն հրեշտակին երևալը, անհետութեանալը, ինչ որ ժօնարէթի աղջիկը քիչ մըն ալ բսած էր իրեն, և յոյսի նշող մը որ անբաւ յուսահատութեան մը մէջ կը ծփար :

Յանկարծ իր մտախռոշութենէն սթափեցաւ ուժգնակի :

Ժօնարէթի բարձր և բիրտ ձայնը լսեց որ յատա-

զայ խօսքերը կ'ըսէր, խօսքի՛ր որոնք իրեն համար կարեւորութիւն մը ունէին :

— Կր կրկնեմ թէ ապահով եմ և թէ կը ճանչնամ զինքը :

Ժօնարէթ որո՞ւ վրայ կը խօսէր : Զո՞վ ճանչցած էր Գ. Լըպլա՞նը . չի՞ր Իւրօսիլինչ հա՞յրը . ի՞նչ, մի՞թէ ժօնարէթ կը ճանչնար զայն : Մարիուս ասանկ յանկարծական և անակնկալ կերպով մը վերջապէս ալ պիտի ստանա՞ր այն ամէն տեղեկութիւնները առանց որոյ իր կեանքը նոյն իսկ իրեն համար մի՞թէն էր . ա՛լ պիտի գիտնա՞ր վերջապէս թէ ո՞վ էր իր սիրածը, թէ ո՞վ էր այն երիտասարդուհին, նաև անոր հայրը . այն մի՞թութիւնը որ կը պնդարէր զանոնք, ա՛լ վերջապէս պիտի փարատէ՞ր ուրեմն . ա՛հ, սո՛ւրբ Աստուած :

Գարանին վրայ աւելի ծագեց քան թէ կլաւ, և միջնորմին պզտիկ ծակին մօտեցաւ գարձեալ նայելու համար .

Նորէն կը տեսնէր ժօնարէթի որջին ներսը :

Գ Լ Ո Ւ Խ Ժ Բ .

Պ. ԼԵՊԼԱՆԻ ՇԻՆԳ ՖՐԱՆՔԻՆ ԳՈՐԾԱԾՈՒԹԻՒՆԸ

Ընտանիքին տեսքը գրեթէ ամփոփօթի մնացած էր, վասնզի կրնն և աղջիկները ծրարին պարունակածները առնելով ասուէ զանկապաններ և շապիկներ հագած

էին: Երկու անկողիններուն վրան աչ երկու նոր վեր-
մակ նետուած էր. այս էր միայն եղած փոփոխութիւնը:

Ժօնարէթ յայտնի է թէ նոր եկած էր դուրսէն:
Տակաւին շնչասպառ կ'երեւար: Աղջիկները բուխերիկին
քով գետինը նստած էին, և առջինսկը կրօսերին վի-
րաւոր ձեռքը կը դարձանէր: Կինը բուխերիկին մօտա-
կայ խշտեակին վրայ կարծես թէ սմքեր էր դարձանա-
լի դէմքով մը: Ժօնարէթ խուցին մէջ աջ ձախ կ'եր-
թեւեկէր մեծաքայլ: Աչքերը տարօրինակ կ'երեւային:

Կինը որ էրկանը առջեւ վեհերօտ և շուարուժով
համակուած կ'երեւար, համարձակեցաւ բսկու անոր:

— Իրա՞ւ կ'ըսես: Ապահովապէս գիտե՞ս:

— Զարմանալի՛ հարցում: Ու թը տարի առաջ էր,
այո՛, կը ճանչնամ զինքը: Ա՛հ, կը ճանչնամ. իսկոյն
ճանչցայ թէ ո՛վ է: Զարմա՛նք որ անմիջապէս աչքիդ
չզարկաւ:

— Ոչ:

— Բայց ըսի քեզ որ ուշադրութիւն ընես, հասա-
կը նոյնը, դէմքը նոյնն է. հազիւ թէ աւելի ծեր է.
կան մարդիկ որոնք չեն ծերանար, չգիտեմ թէ ի՞նչ
կ'ընեն որ չեն ծերանար. ձայնն ալ նոյնն է: Աւելի
մաքուր հագուած է. ահա այս է միայն փոփոխու-
թիւնը: Ա՛հ, սմսեղո՛ւկ ծերուկ, հիմակ ա՛լ բռնեցի,
քեզի, կեցի՛ր:

Կանգ առնելով իր աղջիկներուն ըսաւ.

— Դուք ելէք գացէք ասկէ: Շա՛տ դարձանալի
բան որ անմիջապէս աչքիդ չզարկաւ այդ մարդը:

Աղջիկները հնազանդելու համար ոտք ելան:

— Իմ վիրաւոր ձեռքովը, թոթովեց մայրը:

— Օդ առնելով ցաւը պիտի մեղմանայ ըսաւ Ժօն-
արէթ:

Յայտնի էր թէ Ժօնարէթ այն մարդոց կարգէն էր

որոնց ներելի է գիմադարձութիւն ընել: Դուրս ելան
աղջիկները:

Մինչդեռ դռնէն դուրս կ'ելլէին, հայրը առջինե-
կին թեւը բռնեց, և մասնաւոր ձայնով մը ըսաւ անոր.

— Ընչդ ժամը հինգին հոս պիտի գտնուիք եր-
կուքնիդ ալ: Պէտք պիտի ունենամ ձեզի:

Մարիուս կրկնապատկեց ուշադրութիւնը:

Ժօնարէթ երբ մինակ մնաց կնիկին հետ, նորէն
սկսաւ քալել սենեակին մէջ և լռելեայն երկու կամ
երեք անգամ շրջան ըրաւ ծայրէ ի ծայր: Յետոյ վրայի
կնային շապիկին ստորին մասը իր բանթալօնին գօտիին
մէջ խօթեց և իջեցուց. քանի մը վայրկեան ևս ան-
ցաւ:

Յանկարծ դէպ իր կնիկը դարձաւ, և թեւերը
կուրծքին վրայ դնելով պօսաց.

— Կ'ուզե՞ս որ քեզ ուրիշ բան մը ըսեմ օրիորդը...

— Է՛, ըտէ նայիմ, ի՞նչ ո՞ օրիորդը, պատասխանեց
կինը:

Մարիուս չէր կրնար կասկածիլ. իրօք անոր վրայ
էր խօսքը: Երանդագին անձկութեամբ մտիկ կ'ընէր:
Իր բոլոր կեանքն ականջներուն մէջն էր:

Բաց Ժօնարէթ ծուած և կնոջը ցած ձայնով բան
մը ըսած էր: Յետոյ կանգնեցաւ, և բարձր ձայնով
վերջացուց խօսքը:

— Ահ,

— Ա՛ն որ... ըսաւ կինը:

— Ան է հա՛, ըսաւ երիկը

Բառ չենք գտներ որ կարծնանք մեկնել ինչ որ
կը պարունակէր կնոջը այս ա՛ն որ...ը: Այս խօսքին
մէջ ամփոփուածն էր դարձանք, կատղութիւն, ասե-
լութիւն, բարկութիւն որոնք հրէշային գոչումի մը
հետ խառնուած և միացած էին:

էրիկը կնկան ականջին քանի մը բառ ըսելով, անշուշտ օրիորդին անուէր տալով ահա այս ամենի և սմբած կինը արթնցաւ, և պժգալի ըլլալէ դադրելով ահարկու կերպարանք մը առաւ:

— Անկարելի բան, պօռաց: Երբ կը մտածեմ թէ իմ աղջիկներս բնկոտն կը քայլեն և բուսա մը չունին որ հագնին: Ի՞նչ, սնդուսէ մաշկեակ մը, թաւշ փեղոյր մը, մետաքսեայ կիսաձեւ կօշիկներ և ուրիշ բաներ, որոնք ամէնք մէկ երկու հարիւր ֆրանքէն աւելի կ'արժեն, հաղո՛ւտ մը զոր տեսնողը պիտի կարծէ թէ աղնիւ օրիորդ մըն է՛ ան. ոչ, կը սխալիս, բարեկամ, ասիկա ան չէ. բայց նախ գիտէ՛ որ միւսը սոսկալի ապեղ մըն էր. ասիկա գէշ չէ. իրօք կ'ըսեմ թէ ասիկա գէշ չէ. ասիկա չնրնար ա՛ն ըլլար:

— Ես ալ կ'ըսեմ թէ ան է: Պիտի տեսնես:

Ժօնտրէթի կնիկը երբ այս բացարձակապէս հաստատական պատասխանը առաւ, իր լայն դէմքը՝ որ կարմիր և խաբտեալ էր՝ վեր բրաւ և ձեղունը նայեցաւ տձեւ նայուացքով մը: Նոյն պահուն այս կինը իր էրիկէն աւելի ահարկու երեւցաւ Մարիուոնին: Մատակ վազրի մը պէս նայող մատակ խող մըն էր այն:

— Ի՞նչ, կրկնեց կինը, ուրեմն այն մուրացկան լակո՞տն է այս սոսկալի գեղեցիկ օրիորդը որ կարեկից կերպարանքով մը աղջիկներուս կը նայէր: Ո՛հ, ո՛ւր էր թէ կարող ըլլայի ոտքերուս 'տակ աննել և պանդալներովս կոխկրտելով փոքր դուրս թափել:

Անկողինէն վար ցաակեց և պահ մը ոտքի վրայ կեցաւ գլուխը բաց, ուռնգերը ուռեցած, բերանը կիսաբաց և ձեռքերը ալ պրկուած ու դէպ ետեւը նետուած: Ապա իննալու պէս նորէն երկնցաւ իշտեակին վրայ:

Մարդը կ'երթեւեկէր սոսանց ուշ գնելու իր էգին: Բանի մը վայրկեան անցաւ լռելեայն. մարդը կնոջը մօտեցաւ և կանգ առաւ անոր առջեւ՝ թեւերը կուրծքին վրայ առնելով ինչպէս ըրած էր պահ մը առաջ:

— Կ'ուզե՞ս որ քեզ ուրիշ բան մըն ալ ըսես:

— Ի՞նչ հարցուց կինը:

Կարձ և ցած ձայնով պատասխանեց,

— Ա՛լ հարստացայ:

Կինը էրիկին նայեցաւ այն նայուածքով որ կը նշանակէ: Մի՞թէ փախուկ է հետս խօսողը:

Ժօնտրէթ շարունակեց.

— Նզովի՛ց արմատ, Անօթի-մեռի՛ր-եթէ-կրակ-ու-նիս-, քրտահար-մեռի՛ր-եթէ հաց ունիս, թաղին թաղեցին էի մինչեւ հիմա, ա՛լ այսքանը կը բաւէ. կը բաւէ ա՛լ կրած թշտառութիւնս, ինձի համար, ուրիշներուն համար ալ կրեցի. ա՛լ կատակը մէկգի. ա՛լ ծիծաղալարժ չերեւար ինձ այս վիճակը, այսքան բառախաղները կը բաւեն, ո՛, Ատուած, ա՛լ կատակ չեմ վերցնիր, հայրդ յաւիտենական ես ալ պիտի ուտեմ յազենալու համար, ես ալ պիտի խմեմ ծարաւս անցնելու համար. ես ալ կ'ուզեմ շուտայտի, քնանալ, չբանիլ ամենեւին. սատկելէս առաջ կ'ուզեմ քիչ մը միլիոնատէր ըլլալ:

Որջին բոլորաբեր շրջան մը առնելէն ետք.

— Ուրիշներուն պէս, շարունակեց:

— Ի՞նչ ըսել կ'ուզես, հարցուց կինը:

Գլուխը օրեց, աչքը թարթեց և ձայնը հանեց փոշոցներու բընագէտի մը պէս որ կ'ուզէ հնարք մը գողնել.

— Ի՞նչ ըսել կ'ուզեմ. մտիկ ըրէ՛:

— Կամաց խօսէ՛, մրմաց կինը. մի՛ այդքան բար-

ձր խօսիր. եթէ գործի մը վրայ պիտի խօսիս, պէտք է որ լուսի բսկիքդ:

—Վա՛յ, ո՞վ պիտի լսէ. դրացի՞ն. քիչ մը առաջ դուրս ելլելը ես տեսայ: Բայց եթէ չելամ ըլլայ անգամ, ատ աւանակին աւանակը մի՞թէ կը լսէ. բայց կը կրկնեմ թէ դուրս ելլելը աչքովս տեսայ:

Սակայն տեսակ մը բնական դրդումով ժօնարէթ սկսաւ աւելի ցած ձայնով խօսիլ, թէև բաւական ցած ձայնով չխօսելուն համար, Մարիուս կը լսէր անոր խօսքերը: Մարիուս այս խօսակցութիւնը կէտ առ կէտ և ամբողջապէս կրցաւ լսել. նպատաւոր պարագան էր ձիւն եկած ըլլալը որո՞ւ պատճառաւ չէր լսուէր պուլվարէն անցնող կռօքերուն աղմուկը:

Ահա՛ ասիկ ինչ որ Մարիուս լսեց.

—Աղէկ մտիկ ըրէ: Բռնուեցաւ Բօյիլաը. բռնուած ըսել է. արդէն եղաւ լմնցաւ այս գործը: Ամէն բան կարգի դրուած է: Պէտք եղած անձերու հիտ տեսնուեցայ: Այս իրիկուն ժամը վեցին պիտի գայ վաթսուն Ֆրանքը բերելու համար, սինլքօ՛րը: Տեսա՛ր ի՞նչպէս շտկեցի և կլեցուցի. վաթսուն Ֆրանք պարտք ունիմ, տան տիրոջս տունը պիտի երթամ. պայմանաժողով փեթարի 4ին կը լրանայ ըսի, ինչ որ ըսի, ամէնն ալ հաւտաց. աւանակ էր, ի՞նչ էր, արդ ժամը վեցին պիտի գայ, այսինքն այն միջոցին ուր դրացին ալ ընթրելու դացած կ'ըլլայ: Պիւրկօն խաթունն ալ քաղաքին մէջ սպասները լուալու վրայ պիտի ըլլայ: Դրացին ժամը տասնը մէկէն առաջ տուն չգտնար: Պզտիկները պիտի հակեն դուրսը: Դուն պիտի օգնես, մեղ: Մարդը մեր գործը պիտի ստիպուի լմնցնելու:

—Եւ եթէ չլմնցնէ՞, հարցուց կինը:

Ժօնարէթ տոսկալի շարժում մը ընելով, ըսաւ.

—Մենք ալ զինքը կը լմնցնենք:

Եւ սկսաւ քահ քահ խնդալ:

Մարիուս առաջին անգամն էր որ անոր խնդալը կը տեսնէր: Այս խնդուքը ցուրտ և մեղմ էր և սարսուռ կուտար:

Ժօնարէթ չըմինէին քով պահարան մը բանալով. զլխանոց մը առաւ. և թեզանիքովը զայն խողանակելէն ետք զլուխը դրաւ:

Հիմայ ես կ'երթամ. ըսաւ: Տակաւին տեսնուելու մարդեր ունիմ, լաւ տեսակներէն: Պիտի տեսնես թէ ինչպէս գործը պիտի յաջողի: Կարելի եղածին չափ շուտ պիտի դառնամ. չահաւոր գործ մըն է մեր այս կատարելիք գործը, դուն տունը պահպանէ:

Եւ՛ երկու ձեռքը բանթալօնին գրպաններուն մէջ դրած՝ պահ մը կեցաւ խորհելով, յետոյ աղաղակեց:

—Մեծ բարեբախտութիւն մըն ալ աս է որ ան չձանչցաւ զիս: Եթէ ան ալ զիս ձանչցած ըլլար, ա՛լ չպիտի դար հոս: Պիտի փախցնէինք զինքը: Մօրուս աղատեց զիս, վխակօն մօրուսիկս, իմ աղւոր վխակօն մօրուսիկս:

Եւ նորէն սկսաւ խնդալ:

Պատուհանին քով գնաց: Անդադար ձիւն կուգար և երկնից գորշ գոյնը կը գծաւորէր:

— Ի՞նչ սոսկալի օդ, ըսաւ:

Ապա վերաբերուն հագնելով:

— Ի՞նչ մը լայն կտրուած է, բայց հոգ չէ, շարուսնակեց ժօնարէթ, աղէկ որ թշուառական ծերուկը ինձ տուաւ այս վերաբերուն: Եթէ այս վերաբերուն չըլլար, չպիտի կրնայի դուրս ելլել, և դարձեալ ամէն բան պարապի գացած պիտի ըլլար: Տե՛ս թէ ինչպիսի բաներէ կախում ունին գէպքերը:

Եւ՛ զլխանոցը մինչև աչքերուն վրայ իջեցնելով դուրս ելաւ:

Հաղիւ թէ դուրսը քանի մը քայլ առնելու ժամանակ ունեցած էր, և ահա դուար նորէն բացուելով ժօնարէթի շիկադէմ և ուշիմ կերպարանքը կիսովին երեւցաւ դուռին բաց տեղէն:

— Մօռցայ ըսելու, կրակարանին համար անուխ առնես:

Եւ կնոջը դեմքակիւն մէջ նետեց հինգ ֆրանքնոց դրամը զոր «մարդասէրը» տուած էր իրեն:

- կրակարանին համար, հարցուց կինը:
- Այո՛:
- Քանի՞ օխա:
- Չորս օխա:
- Երեսուն սու կ'ընէ չորս օխան: Մնացորդովը ընթրիքին պէտք եղածը կ'առնեմ:

- Չէ՛ գա՛:
- Ի՞նչու:
- Մի վատներ հինգ ֆրանքնոցը:
- Ինչո՞ւ:
- Վասն զի ես ալ բան մը պիտի գնեմ:
- Ի՞նչ:
- Բան մը:
- Ո՞րքան պէտք է քեզ:
- Այս կողմերը ու՞ր կայ երկաթեղէն վաճառող

- մը:
- Մուֆթարի փողոցը:
- Հա՛, աղէկ ըսիր, փողոցին ծայրն է. կրպակը կը տեսնեմ:
- Բայց չըսե՞ս ինձ թէ ո՛րքան պէտք է քեզ այն ծախու առնելու բանիդ համար:
- Երեք ֆրանքի չափ:
- Ընթրիքին համար շատ բան մը չպիտի մնայ:
- Այսօր ընթրելու օր չէ: Աւելի աղէկ գործ ունինք կատարելու:

- կը բաւէ այս, գոհա՛րդ իմ:
- Ժօնարէթ կնոջ այս խօսքին վրայ նորէն գոցեց դուար, և այս անգամ Մարիուս լսեց նրբանցքին մէջէն անոր հեռանալը և սանդուղէն արագօրէն իջնելը:
- Նոյն պահուն Սէն-Մէտարի եկեղեցիէն ժամը մէկ կը զարնէր:

Գ Լ Ո Ւ Ե Ժ Գ .

ՍՌԱՆՁԻՆ ԵՄ ԱՌԱՆՁՆՈՒԹԵԱՆ, ՀԵՏ ԾԱԾՈՒԿ ՏԵՂ ՄՐ. ՈՒՐ ՉԵՆ ԽՈՐՀԻՐ ԱՂԹՔ ԸՆԵԼ, ՀԱՅՐ ՄԵՐ

Մարիուս թէև մտախոհ, բայց և այնպէս՝ ինչպէս ըսած ենք արդէն՝ հաստատ և գործունեայ բնաւորութիւն մը ունէր: Առանձնական մտախոհութեան սովորութիւնները անոր համակիր և կարեկից զգայութիւնները բարգաւաճեցնելով թերեւս բարկանալու կարողութիւնը նուազած, այլ սրտմտելու կարողութիւնը անեղծ պահած էին. պրահմայի մը պէս բարեսէր և դատաւորի մը պէս անաչառ էր. կը գթար գորտի մը վրայ, այլ կը ջախջախէր իժ մը: Արդ Մարիուս իր կեցած տեղէն նայած էր իժերու ծակի մը մէջ Մարիուսի առջև տեսնուածն էր հրէշներու բոյն մը:

— Պէտք է ջախջախել այս թշուառականները, ըսաւ ինքնին:

Կը յուսար թէ պիտի պարզուէին զինք շրջապատող կնճիռները, բայց բան մը յայտնուած չէր. ընդհակառակը ամենքն ալ թերեւս աւելի անիմանալի եղած

էին . աւելի տեղեկութիւն մը առած չէր ոչ Լիւքսէն-
պուրկի դեղանի պատանուհիին և ոչ ալ այն մարդուն
վրայ զոր Պ . Լըպլան կ'անուանէր . հասկցած էր միայն
թէ դաւաճանութիւն մը կը պատրաստուէր, անյայտ
այլ սոսկալի դաւաճանութիւն մը . թէ երկուքն ալ
այսինքն հայրը անհրաժեշտաբար և աղջիկն ալ հաւա-
նօրէն մեծ վտանգի մէջ էին . թէ պէտք էր ազատել
զանոնք . թէ պէտք էր ժօնարէթներուն սոսկալի կար-
գաւորութիւնները ապարդիւն ընել և կտրել այս սար-
դերուն ոստայնը :

Մարիուս պահ մը ժօնարէթին կիներ դիտեց : Կիներ
սենեակին մէկ խորշէն թիթեղեայ հին հնօց մը քաշած
էր , և հին երկաթներ կը խառնէր :

Մարիուս դարանէն վար իջաւ խիստ կամաց մը և
ուշադրութիւն ընելով որպէս զի ձայն մը չհանէ :

Մինչդեռ կը համակուէր երկիւղով մը՝ զոր պա-
տրաստութեամբ դաւաճանութիւնը կը ներշնչէր, և պրժ-
գուժով մը՝ զոր ժօնարէթները կուտային իրեն , Մարի-
ուս տեսակ մըն ալ ուրախութիւն կը զգար՝ մտածելով
թէ գուցէ արժանի պիտի ըլլայ այսպիսի ծառայութիւն
մը ընելու անոր զոր կը սիրէր :

Բայց ինչպէս գործէր . պէ՞տք էր իմաց տալ վը-
տանգի ենթարկուած անձերու . բայց ո՞ւր գտնար զա-
նոնք քանի որ անոնց ո՞ւր բնակիլը չէր գիտեր : Պահ
մը երեւցած էին իրեն յետոյ նորէն սուղուէր էին Բա-
րիդի անբաւ անդունդներու մէջ : Մի՞թէ իրիկունը ժա-
մը վեցին դուռը սպասէր՝ Պ . Լըպլանը եկած միջոցին
որոգայթը անօր իմացնելու համար . բայց ժօնարէթ և
մարդերը անշուշտ պիտի տեսնէին թէ կը լրտեսէ ինք .
վայրն ամայի տեղ մըն էր . անոնք իրարմէ զօրաւոր
էին , հետեւաբար պիտի կրնային բռնել զինքը կամ
հետացնել , և այն զոր Մարիուս կ'ուզէր ազատել , պի-

տի կորսուէր : Ժամը մէկ զարկած էր , դաւաճանու-
թիւնը վեցին պիտի կատարուէր . Մարիուս հինգ ժամ
տանն ունէր գործելու համար :

Մէկ բան կար ընելիք :

Մարիուս հազաւ իր թիկնոցը որ բաւական ազէկ
էր դեռ , վիզը թաշկինակ մը կապեց , գլխարկը առաւ
և դուրս ելաւ առանց ձայն ձուն հանելու . իբր թէ
մամուռներու վրայ կը կօխէր բոկոտն :

Մանաւանդ թէ ժօնարէթին կիներ տակաւին հին եր
կաթեղէնները խառնելու կը պարսպէր :

Մարիուս տունէն դուրս ելելուն պէս Բըթիւպան-
դիէի փողոցը գնաց :

Այս փողոցին մինչև կիսավայրը եկած և հասած
էր խիստ ցած պատի մը քով , որուն քանի մը տեղե-
րէն կարելի էր ոտակելով անցնիլ և որ անհշակ դաշտի
մը վրայ կը նայէր . մտատանջութիւն ունենալու համար
կամաց կամաց կը քալէր . սաքին զփոստումը չէր
լսուէր . վասն զի ձիւնին վրայ կը քալէր : Յանկարծ
ձայներ լսեց որոնք խիստ մօտէն կը խօսէին : Ետեւը
դարձաւ , փողոցը ամայի էր . ճանձ մը անգամ չկար ,
թէ և կատարելապէս ցորեկ էր տակաւին , այլ սակայն
որոշապէս ձայներ լսեց :

Միաջը եկաւ նայիլ պատին վրայէն որու քովէն
կ'երթար :

Հոն իրօք երկու մարդ կար որոնք պատին կը ո-
թնելով ձիւնին վրայ նստած էին և ցած ձայնով կը
խօսէին :

Մարիուս չէր ճանչնար այս երկու կերպարանք-
ները . մին պլուզ հազած մօրուանի մարդ մըն էր ,
միւսն ալ հետտիներ հազած և մաղոտ մարդ մը :

Մօրուանին յունական կրկնօց մը ունէր , միւսին
դուխը բաց էր և մաղերուն մէջ ձիւն կար :

Մարիուս գլուխը անոնց վերեւը յառաջացնելով
կրնար լսել :

Մազոտը արձուկովը կը հրէր միւսին և կըսէր .

— Բաթրօն . Մինէթի հետ կրնայ յաջողիլ այս գործը :

— Կը կարծե՞ս, ըսաւ մօրուանին : Մազոտն ալ
պատասխանեց .

— Ամէն մէկը հինգ հարիւր Ֆրանք պիտի առնէ .
և հետեւանքն ալ ըլլայ ըլլայ հինգ տարի, վեց տարի,
տասը տարի ամէնէն շատը :

Միւսը՝ վարանու մով մը, և իր յունական գղակին
տակ ցրտահար դողալով՝ պատասխանեց .

— Ատիկայ յայտնի բան է : Ատանկ բաներու կա-
րելի չէ հակառակիլ :

— Ես կ'ըսեմ թէ գործը չի կրնար չյաջողիլ, կըրկ-
նեց մազոտը : Բան ախպարին մարէնկօթը պիտի լռուի :

Յետոյ սկսան խօսիլ նուագաւոր ներկայացումի
մը վրայ զի ր տօջի օրը կէթէի թատրօնը տեսած էին :

Մարիուս իր ճամբան շարունակեց :

Մարիուսի կը թուէր թէ տարօրինակ կերպով մը
պատին ետեւը պահուող և ճիւղին մէջ կծկուող այս
մարդերուն մութ խօսքերը թերեւս վերաբերութիւն մը
ունէին ժօնարէթի գարշիլի նպատակներուն հետ : Գործը
անշուշտ ժօնարէթին պատրաստած գաւաճանութիւնն էր :

Դէպի Սէն Մարտոյի արուարձանն ուղղուեցաւ և
հարցուց կրպակի մը թէ ո՛ր կար ոստիկանութեան
գործակալ մը :

Բօնթուազի փողոցը և 14 թիւը ցուցուեցաւ իրեն :

Մարիուս հոն գնաց :

Հացագործի մը առջեւէն անցնելու ատեն երկու
սու տալով հաց մը առաւ և կերաւ, մտածելով թէ
գուցէ չպիտի ընթրէ :

Ճամբան մինչդեռ կը քայլէր, իրաւունք տուաւ
ախպարին աստիճան : Մտածեց որ եթէ աստան իր հինգ
Ֆրանքը ժօնարէթի առջինն աղջիկին տուած չըլլար,
Պ. Լըպլանին կառքին ետեւէն գացած պիտի ըլլար և
բան մը իմացած չպիտի ըլլար. թէ ժօնարէթի Դիւթած
գաւաճանութիւնը անարգել պիտի կատարուէր, թէ Պ.
Լըպլան պիտի կորսուէր, և անշուշտ աղջիկն ալ իր
հետը :

ԳԼՈՒԽ ԺԳ.

ՈՒՐ ՈՍՏԻԿԱՆՈՒԹԵԱՆ ՄԱՐԴ ՄԸ ԵՐԿՈՒ ԱՏՐՃԱՆԱԿ
ԿՈՒՏԱՅ ՓԱՍՏԱԲԱՆԻ ՄԸ

Մարիուս Բօնթուազ փողոցին 14 թիւը հասնելով,
առաջին յարկը ելաւ և ոստիկանութեան գործակալը
հարցուց :

— Ոստիկանութեան պարտն գործակալը հոս չէ,
ըսաւ ծառայ մը. բայց տեսուչ մը կայ որ անոր տեղա-
կալն է : Կ'ուզէ՞ք խօսիլ հետը. միթէ ստիպողական է
գործը :

— Այո՛, ըսաւ Մարիուս :

Ծառան գործակալին խօսքը տարաւ Մարիուսը : Հօն
վանդակի մը ետեւ ոտքի վրայ կանգնած՝ և կրակարա-
նի մը կռթնած բարձրահասակ մարդ մը կար որ եռօ-

ձիկ ընդարձակ թիկնոցի մը ծայրերը կը վերցնէր ձեռքերովը: Կերպարանքը քառակուսի, բերանը նուրբ և հասածատուն կիսամօրուքները թանձր, ալեւոր և վայրենաձեւ, իսկ նայուածքը մարդու գրպանին յատակն անզամ դիտելու կարող նայուածք մըն էր: Կրնար ըսուել թէ այս նայուածքը չէ թէ կը թափանցէր այլ կը խուզարկէր:

Այս մարդը գրեթէ ժօնարէթին չափ անարկու և անագորոյն կ'երեւար. երբեմն ամենի շունի մը հանդիպիլը գայի մը հանդիպելէն ոչ նուազ վտանգաւոր է:

- Ի՞նչ կ'ուզէք, հարցուց մարդը Մարիուսին՝ առանց պարոն ըսելու:
- Հո՞ս է ոստիկանութեան պարոն գործակալը:
- Բացակայ է: Ես եմ իր տեղակալը:
- Խիստ գաղտնի գործի մը համար եկած եմ:
- Խօսեցէ՛ք ուրեմն:
- Եւ խիստ ստիպողական:

Ուրեմն շուտ խօսեցէք:

Այս հանդարտ և ամարդի մարդը, անարկու և միանգամայն վստահելի էր, ետկիւղ և վստահութիւն կը ներշնչէր: Մարիուս իրողութիւնը պատմեց ըսելով. — Թէ անձ մը զոր տեսքով միայն կը ճանչնար, երեկոյին դաւաճանութեան մը պիտի մատնուէր. թէ որջին կից սենեկին մէջ ընակելով ինքը, Մարիուս Բոնմէրսի փաստաբան, միջնորդին ետեւէն լսած էր ըստ դաւազրութիւնը. թէ ժօնարէթ կ'անուանուէր այն ապիրաաը որ որոգայթը գողափարած էր. թէ ժօնարէթ մեղսակիցներ, քաղքաղոներու թափառիկներ պիտի ունենար իր գործակից, որոնց մէկը մանաւանդ Բրէնթանիէ, Պիկրընայլ ըսուած Բանչօ անուն անձ մըն էր. թէ ժօնարէթին աղջիկները դուրսը պիտի լրտեսեն. թէ ամենեւին միջոց մը չկայ եղելութիւնը իմացնելու այն

մարդուն որ վտանգի մէջ էր. վտանգի տնոր և ոչ իսկ անունը յայտնի էր. և թէ վերջապէս այս ամէնը երեկոյեան ժամը վեցին տեղի պիտի ունենայ 50—52 թիւ տունին մէջ որ Օփիթալի պովարին ամէնէն ամայի կողմն է:

Տեսուչը երբ լսեց այս թիւը, գլուխը վերցուց անաարբերութեամբ:

- Ուրեմն նրբանցքին խորի սենեակին մէջ տեղի... ունենայ, այնպէս չէ:
- Ճիշդ, պատասխանեց Մարիուս, և շարունակեց.

— Միթէ՞ կը ճանչնաք այն տունը: Տեսուչը պահ մը կեցաւ լսին, յետոյ կօշիկին ներքանը կրակարանին բերանը դնելով որ տաքնայ, պատասխանեց.

- Թերեւս:
- Եւ աւելի փողկապին քան թէ Մարիուսին հետ խօսելով, ահաաներովը մտնաց.
- Գործին մէջ հարկաւ փօքր ինչ Բաթրօն Մինէթ պիտի ըլլայ:

Այս անունը Մարիուսի ուշադրութիւնը գրգռեց:

- Բաթրօն Մինէթ, ըսաւ, Իբօք տեղ մը այդ անունին տրուիլը լսեցի:
- Եւ Բըթի-Պանգիէի փողոցին պատին ետեւը ձիւնին մէջ պահուող մազոտ մարդուն և մօրուանի մարդուն արամախօսութիւնը տեսուչին պատմեց:

Տեսուչը մրմասց ահաաներովը. — Մազոտը Պրիւժօնը պիտի ըլլայ, և մօրուանին ալ Տէօ-Միլիար ըսուած Տըմի-Լիարը ըլլալու է հարկաւ: Նօրէն վար ըրած էր արտեւանունը և կը խորհէր:

— Իսկ Բան արարին ո՛վ ըլլալը կ'ընդունարեմ:
Ահա թիկնոցս այրեցի: Այս անիծեալ կրակարաններուն
մէջ միշտ շատ կը դնեն կրակը: Թիւ 50-52: Կօրպօյժ
հին կալուածն է այն:

Յետոյ Մարիուսին նայելով:

— Այն մօրուանիէն և մազոտէն ի դատ ուրիշ
մարդ չը տեսա՞ք:

— Նաև Բանչոն:

— Տեսակ մը պղտի՛ և շաներես սրիկայի մը այն
կողմերը թափառելը չտեսա՞ք:

— Ոչ:

— Եւ ո՛չ իսկ ահագին յաղթանդամ արձան մը որ
Բուսական պարտէզի փղին կը նմանի:

— Եւ ո՛չ իսկ հանած վարած մը որ վազեմի ծաղ-
րածուի մը կերպարանքը ունի:

— Ոչ:

— Իսկ չորրորդը ոչ ոք, և ոչ իսկ օգնականները
գուրծակալներն և ծառաները կը տեսնեն: Չեմ այնքան
զարմանար զայն չնչմարելուդ:

— Ոչ: Ի՞նչ տեսակ մարդիկ են այդ ամէն անձե-
րը, հացուց Մարիուս:

Տեսուչը պատասխանեց.

— Մանաւանդ թէ անոնց մամանակը տակաւին
եկած չէ:

Նորէն լռեց, յետոյ կրկնեց.

— 50-52. գիտեմ խրճիթը: Անկարելի էր որ ներ-
սը պահուինք առանց նշմարուելու դերասաններէն. ե-
թէ նշմարեն, յօսվիլի ներկայացումը ետ ձգելով կը
պրծին, այնքան ամչկոտ են որ հանդիսականներու
առջև նեղութիւն կը կրեն: Ատանկ չեմ ուզեր, ոչ ա-
տանկ չեմ ուզեր: Կ'ուզեմ անոնց երգերը լսել և պա-
րել առ զանոնք:

Երբ լնցաւ այս մենախօսութիւնը, գէպի Մարի-
ուս գարձաւ, և ուզողի նայելով հարցուց.

— Կը վախնա՞ք:

— Ի՞նչ բանէ ըսաւ Մարիուս:

— Այն մարդերէն:

— Եւ ո՛չ իսկ ձեզմէ, պատասխանեց խօսու-
թեամբ Մարիուս որ կ'սկսէր նշմարել թէ ոստիկա-
նութեան այս լրտեսը տակաւին պարտն ըսած չէր
իրեն:

Տեսուչը աւելի ուշադրութեամբ Մարիուսին նա-
յեցաւ գարձեալ, և տեսակ մը վճռական հանդիսաւո-
րութեամբ կրկնեց.

— Իբր քաջասիրտ և իբր պարկեշտ մարդ կը խօ-
սիք: Քաջութիւնը ոճիրէն չվախնար և պարկեշտութիւ-
նը իշխանութենէ չի վախնար:

Մարիուս ընդմիջեց.

— Լա՛ւ, բայց ի՞նչ պիտի ընէք:

Տեսուչը միայն սա պատասխանը տուաւ:

— Այն առնին վարձարնակները բանալիներ ունին
գիշերը երեսնց սենեակը վերադառնալու համար: Ան-
շուշտ դուք ալ ունիք բանալի մը:

— Այո՛, ըսաւ Մարիուս:

— Հիմա ձեր քո՞մն է այն:

— Այո՛:

— Ինձի տուէք, ըսաւ տեսուչը:

Մարիուս բանալին գրպանէն հանեց, և տեսուչին
յանձնելով շարունակեց:

— Եթէ կ'ուզէք հաւտալ խօսքիս, շատ մարդ առ-
նելով եկէք:

Տեսուչը արագապէս Մարիուսին նայեցաւ անգամ
մը այն նայուածքով որով անշուշտ վօյթէր նայած պի-
տի ըլլար՝ իրեն ստանաւորի յանդ մը առաջարկող գա-

ւառական ազատէմիքն անդամի մը : Մէկ շարժումով իր
թիկնոցին երկու անգին գրպանները խօթեց ձեռքերը
և երկու պողպատեայ պղտիկ ատրճանակ հանեց , այն
ատրճանակներէն որոնք գաւ սը բուռն կ'անուանուին :
Մարիուսի տուաւ այս ատրճանակները ուժգնակի և
կարճ կերպով մը ըսաւ .

— Առէք այս ատրճանակները : Ձեր սննեակը գա-
ցէք , հոն պահուցէք , և թող կարծուի թէ դուքս ե-
լած էք : Լեցուն են ատոնք . ամէն մէկուն մէջ երկու
գնդակ լայ : Ինչպէս ըսիք , պատին վրայ ծակ մը կայ
ուրկէ դիտեցիք : Երբ գան մարդերը , թողէք որ քիչ մը
առաջ երթան : Երբ գործը յորմար կէտին հասած և ա՛լ
արգիլելու ժամանակը եկած սեպէք , ատրճանակին մէ-
կը նետեցէք : Բայց ոչ այնքան շուտ : Անկէ ետք պէտք
եղածը ինձ կը վերաբերի : Ատրճանակ մը պարպեցէք
միայն դէպի օդը , ձեղունը , ո՛ւր որ կ'ուզէք վերջա-
պէս , բայց նայեցէք որ շատ շուտ չպարպէք : Ապասե-
ցէք որ գործադրութիւնը սկսած ըլլայ , փաստարան
էք և դիտէք ի՛նչ ըսել կ'ուզեմ :

Մարիուս ատրճանակները առաւ և իր թիկնոցին
կողի գրպանը դրաւ :

— Այդ գրպանին մէջ ուռոյց մը կը կազմեն
դուրբէն և կ'երեւան , ըսաւ ոստիկան տեսուչը :

Աւելի աղէկ է բանթալօնիդ գրպաններուն մէջ
գնել :

Մարիուս բանթալօնին գրպաններուն մէջ պահեց
ատրճանակները :

— Հիմա , շարունակեց տեսուչը , ոչ դուք և ոչ
ես կրնանք ոչ իսկ բոպէ մը կորսնցնել : Ժամը
քանի՞ է . երկուք ու կէս : Ձրսիք թէ ժամը եօթին
պիտի ըլլայ :

— Վեցին , ըսաւ Մարիուս :

— Ժամանակ ունիմ , կրկնեց տեսուչը , բայց ճիշդ
այնքան որքան պէտք էր ինձ : Ըսածներէս բան մը չի
մոռնաք : Տա՛նկ կ'ընես ատրճանակը պարպելով :

— Անհոգ եղիք , պատասխանեց Մարիուս :

Եւ մինչդեռ Մարիուս՝ դուրս բանալու և գուրս
կլելու համար՝ ձեռքը դանափանակին կը տանէր՝ տե-
սուչը ետեւէն պոռաց .

— Աղէկ միտքս եկաւ . եթէ մինչև այն ժամանակ
ինձի պէտք ունենաք , հոս եկէք կամ մէկը դրկեցէք :
Անունս է Ժալէր , տեսուչ :

Գ Լ Ո Ւ Խ Ժ Ե .

ԺՕՆՏՐԷԹ ԿԸ ԳՆԷ ԻՆՉ ՈՐ ՊԷՏԲ Է ԻՐԵՆ

Քանի մը բոպէ ետքը , ժամը երեքին միջոցները
Գուրֆէյրազ Պօսիւէի հետ պատահաբար Մուֆթարի
փողոցէն կ'անցնէր : Ձիւնը եւս քան գնւս կը շատնար
և անջրպետը կը գրաւէր :

Պօսիւէ Գուրֆէյրազին կ'ըսէր :

— Ձիւնի այս բաթիլներուն իյնալը տեսնելով կըր-
նայ ըսուիլ թէ երկինքը սպիտակ թիթեանիկներու
ժանտախտ մը կայ :— Պօսիւէ հազիւ ըսած էր խօսքը ,
և անա Մարիուսը նշմարեց որ փողոցը կը մանէր գէ-
պի պուլվարը երթալու համար , և անսովոր կերպա-
րանք մը ունէր :

— Ահա Մարիուսը , ըսաւ Պօսիւէ :

— Տեսայ , ըսաւ Գուրֆէյրազ : Ձիւսինք հետը :

- Իրչ.՞:
- Գործ ունի:
- Ի՞նչ գործ:
- Չե՞ս տեսներ կերպարանքը:
- Ի՞նչ կերպարանք:
- Մէկու մը ետեւէն գացողի կերպարանքը ունի:
- Իրաւ է, ըսաւ Պօսիւէ:
- Տե՛ս ինչպէս կը նայի, կրկնեց Գուրֆէյրագ:
- Բայց ո՞ր շուտիկին ետեւէն կ'երթայ արդեօք:
- Անշուշտ աղւորիկի մը, աղջիկի մը, պոռնիկի մը ետեւէն: Սիրահար է ան:

— Բայց, կրկնեց Պօսիւէ, փողոցին մէջ ոչ աղւորիկ, ոչ պոռնիկ և ոչ աղջիկ կը տեսնեմ: Եւ ոչ կին մը կայ:

— Մարդու մը ետեւէն կ'երթայ:

Իրօք Մարիուսին առջեւէն և քսան քայլի չափ հետուէն մարդ մը կը քայլէր, որ գլխանոց մը ունէր և որու ալեւոր մօրուօր կը նշմարուէր թէ եւ կռնակի կողմէն կը տեսնուէր մարդը:

Այս մարդը բոլորովին նոր և իրեն համար շատ մեծ թիկնոց մը հագած էր, նաեւ ծօ.իկ ծուիկ և արդմէն սեւգած ահագին բանթալօն մը:

Պօսիւէ քահ քահ խնդաց:

— Ո՞վ է այն մարդը:

— Անիկա՞յ, կրկնեց Գուրֆէյրագ, բանահիւս մըն է: Բանահիւսները ճաղարի մորթ ձախողներու բանթալօններ և Ֆրանսայի ատենակալներու թիկնոցներ կը հագնին բաւական յօժարութեամբ:

— Տեսնենք թէ ո՛ւր կ'երթայ Մարիուս, տեսնենք թէ ո՛ւր կ'երթայ այդ մարդն ալ, ի՞նչ կ'ըսես, երթանք սովոնց ետեւէն:

— Պօսիւէ՛, արծի՛ւդ Մօյի, պօռաց Գուրֆէյրագ:

երեւելի տպուշ մըն ես եղեր: Մի՞թէ լսուած բան է մարդու մը ետեւէն գացող մարդու մը ետեւէն երթալը:

Եւ յանկարծ ետ դարձան:

Իրօք Մարիուս Մուֆթարի, փողոցէն ժօնարէթին անցնելը տեսնելով զաղանապէս կը զիտէր զայն:

Ժօնարէթ գլուխը կախած կ'երթար առանց կապածելու թէ ետեւէն նայուածք մը արդէն կը գրաւէր զինքը:

Ժօնարէթ Մուֆթարի փողոցէն ելաւ, և Մարիուս կրասիւօզ փողոցը անոր ամենատակալի խրճիթ մը մտնելը տեսաւ, ուր ժօնարէթ քառորդի մը չափ մընալէն ետք նորէն Մուֆթարի փողոցը եկաւ: Այն ժամանակ Բիէր-Լօմպար փողոցին անկիւնը երկաթեղէններու կրպակ մը կար. ժօնարէթ այս կրպակը մտաւ, և պահ մը ետք դուրս ելաւ ձեռքը տեսակ մը մեծ դուր բռնած որու կօթը ձերմակ փայտէ էր և զոր թիկնոցին աակ պահեց: Երբ Բըթի-Ժանիթիյեի փողոցին վերի կողմը հասաւ, ձախ կողմը դարձաւ, և շուտ մը Բըթի-Պանգիէի փողոցը մտաւ: Օրը կը տարածամէր. ձիւնը որ պահ մը դադրած էր, նորէն նկատ էր դալ: Մարիուս որ ժօնարէթի մկրատ մը առնելն ալ տեսած էր, նայն իսկ Բըթի-Պանգիէի փողոցին անկիւնը պահուեցաւ որ միշտ ամայի էր, և չգնած ժօնարէթին ետեւէն: Աղէկ որ չգնաց, վասն զի ժօնարէթ՝ երբ մտնեցաւ այն ցած պատին ուր Մարիուս մազոտ մարդուն և մօրուանի մարդուն խօսակցելը լսած էր՝ ետեւը դարձաւ, տեսաւ որ ոչ ոք կուգար իր ետեւէն, յետոյ պատին վրայէն ցատկեց և աներեւոյթ եղաւ:

Այս պատը եզերող անմշակ երկրէն անցնելով կարելի էր երթալ ժամանակաւ կառք վարձող վատ նուէն մարդու մը տոնին յետ արակը. սնանկացած էր այդ

կառք վարձողը և տակաւին քանի մը հին կառքեր ունէր հիւղերու մէջ :

Մարիուս խոհեմութիւն սեպեց ժօնարէթի բացակայութեան միջոցին իր սենեակը վերադառնալը . մանաւանդ թէ ժամանակը կ'անցնէր . Պիւրկօն խաթունը ամէն իրիկուն սպասները լուայու համար երբ քաղաքը կ'իջնէր , սովորութիւն ունէր գոցելու առնին դուռը որ միշտ գոց էր երեկոյեան ժամանակ : Մարիուս ստական տեսուչին առած էր իր զանային . ուստի պէտք էր անապարել :

Իրիկուն եղած և գիշերուան մութը գրեթէ տիրած էր ամենուրեք . հորիզոնին և երկնից վրայ արեւէն լուսաւորուած միայն մէկ կէտ կար որ էր լուսինը :

Լուսինը Սալբէթրիէրի գած գմբէթին ետեւէն կ'ելլէր կարմրագոյն :

Մարիուս մեծաքայլ երթալով 50—52 թիւ տունը հասաւ : Գուռը բաց էր տակաւին : Ոտքին ծայրովը կոխելով սանդուխէն վեր ելաւ , և նրբանցքին պատին քովէն մինչեւ իր սենեակը սարդեցաւ : Ընթերցողը ինչպէս կը յիշէ անշուշտ , այս նրբանցքին երկու կողմը վարձու սենեակներ կային որոնք այն ժամանակ ամէնքն ալ պարապ էին : Պիւրկօն խաթունը սովորաբար բաց կը թողուր անոնց դուռները : Մարիուս երբ այս դուռներէն մէկուն առջեւէն անցաւ , անոնց մէջ անշարժ մարդերու չորս դուռն նշմարել կարծեց զոր աղօտապէս կ'սպիտակացնէր երգէ մը եկող վերջալոյսի մնացորդ մը :

Մարիուս՝ չուզելով տեսնուիլ՝ չուզեց տեսնել զանոնք : Յաջողեցաւ մտնել իր սենեակը՝ առանց նշմարուելու և ձայն մը հանելու : Ժամանակն էր մտնելու , վասնզի պահ մը ետք Պիւրկօն խաթունն ելաւ դնաց և առնին դուռը գոցուեցաւ :

Գ Լ Ո Ւ Ե Ժ . 2

ՈՒՐ ԱՆԳԼԻԱԿԱՆ ԵՂԱՆԱԿՈՎ ԵՐԳ ՍԸ ՊԻՏԻ ԳՏՆՈՒԻ ՈՐ 1832ԻՆ ԱՄԵՆՈՒՆ ԲԵՐԱՆՆ ԷՐ

Մարիուս իր անկողնին վրայ նստաւ : Ժամը հինգ ու կէս կար : Կէս ժամ մնացած էր տեղի ունենալու համար ինչ որ պիտի պատահէր : Իր չնկերակներուն զարկը կը լսէր՝ մութին մէջ ժամացոյցի մը զարկը լսելու պէս : Կը մտածէր որ նոյն միջոցին երկու բան կը քալէր : Մէկը խաւարի մէջ , ոճիբը որ մէկ կողմէն կը յառաջանար . միւսը արդարութիւնը որ միւս կողմէն կուգար : Չէր վախնար , բայց չէր կրնար առանց սասանում մը զգալու մտաբերել այն իրեօր որ տեղի պիտի սեննային : Յանկարծ զարմանալի արկածի մը հնթարկուող ամէն անձերու պէս Մարիուս կը կարծէր թէ այն օրը առաւօտէն մինչեւ իրիկուն երազ մըն էր իրեն համար , և սոսկալի անուրջէ մը ճնշուիլ չկարծելու համար պէտք ունէր զգալու իր բանթօլօնի գրքպաններուն մէջ պահուած պողպատեայ երկու ասորձանակներուն ցուրաբ :

Այլ ձիւն չէր գար . լուսինը՝ հեռզհետէ պայծառանալով՝ մէգերէն կը բաժնուէր , և իր նշոյլը՝ եկած ձիւնին սպիտակ ցոլումին հետ խառնուելով՝ վերջալուսահան տեսք մը կուտար Մարիուսի սենեակին :

Ժօնարէթի հիւղին մէջ լոյս կար : Մարիուս միջնորդին ծակին կարմիր լոյսով մը փայլելը տեսաւ որ արիւնագոյն կ'երեւար :

Յայտնի էր թէ այս լոյսը ճրագէ մը չէր կրնար

արտադրուիլ: Մանաւանդ թէ ժօնարէթի սենեակը ամենեւին շարժում մը չկար, ոչ ոք կը թնտար, ոչ ոք կը խօսէր, ոչ ոք կը շնչէր. սառնային և խորին լռութիւն մը կը տիրէր, և եթէ այն լոյսը չըլլար, կրնար կարծել մարդ թէ գերեզմանի մը քով կը գտնուի:

Մարիուս կօչիկները հանեց մեղմիկ և անկողնին տակը հրեց:

Քանի մը բուռն անցաւ: Մարիուս վարի դռան իր ծինիին վրայ գտնալը լսեց. ծանր և արագաշարժ քայլ մը վեր ելաւ սանդուղէն և եկաւ նրբանցքէն անցաւ. որջին դոնափակը վեր ելաւ ձայն հանելով ժօնարէթն էր եկողը որ սենեակը կը մտնէր:

Անմիջապէս բազմաթիւ ձայներ բարձրացան: Ընտանիքը ամբողջապէս հիւզին մէջն էր: Միայն թէ տիրոջ բացակայութեան ժամանակ լռող գայիկներու պէս:

- Ես եմ, ըսաւ ժօնարէթ:
- Բարի իրիկուն, հայրիկ, ոռնացին աղջիկները:
- Ի՞նչ ըրիր, հարցուց մայրը:
- Ամէն բան կարգին է. պատասխանեց ժօնարէթ, բայց ոտքերս փէտ կտրած են ցուրտէն: Լա՛ւ, աղէկ ըրեր ես այդպէս հագուելովդ: Պէտք պիտի ըլլայ որ կարենաս վստահութիւն ներշնչել:
- Բոլորովին պատրաստ եմ դուրս ելլելու:
- Ըստծոնքէս բան մը չպիտի մոռնաս, ամէն բան լաւ պիտի կատարես, այնպէս չէ՞:
- Անհող եղիր:
- Ինչու որ... ըսաւ ժօնարէթ: Բայց չլմնցում խօսքը: Մարիուս լսեց որ ժօնարէթ ծանր բան մը զըրաւ սեղանին վրայ, հաւանական է թէ մկրատն ե՛ր դրածը:
- Հա՛, աղէկ միտքս եկաւ, կերակուր կերա՞՞ք՝ կրկնեց ժօնարէթ:

— Այո՛, ըսաւ մայրը. երեք հատ խոշոր գետնախնձոր և աղ առի: կրակին մէջ եփել տուի և կերանք:

— Աղէկ, կրկնեց ժօնարէթ. վաղը ձեզի հետս կը տանիմ ընթրելու: Բադ մը պիտի ուտենք և ուրիշ ինչ որ պէտք է: Շարլը Տասներորդներուն պէս պիտի ընթրէք. ամէն բան յաջող կ'երթայ:

Յետոյ ձայնը ցածցնելով շարունակեց:
— Կափուլը բացուեցաւ: Կատունները հոս են: Եւս աւելի ցածցուց ձայնը և ըսաւ.
— Կրակի դի՛ր սըվի:

Մարիուս ամուսնի շառաչիւն մը լսեց. իրօք ունելով կամ երկաթէ գործիքով մը ամուսն կը կտրուէր. ժօնարէթ շարունակեց.

— Դուռին ծինիներուն եղ քսեցի՞ր որպէզի՞ ձայն չհանեն:
— Այո՛, պատարխանեց կինը:
— Ժամը քանի՞ է:
— Վեցը պիտի զարնէ հիմա: Կէս զարկաւ արդէն

Սէն-Մէտարի ժամացոյցը:
— Իրա՛ւ ըսիր, ապա ուրեմն պէտք է որ պըղտիկները երթան լրտեսեն, կրկնեց ժօնարէթ: Հոս եկէք դուք, և մտիկ բրէա ինձ:

Փսփսուք մը եկաւ.
Ժօնարէթին ձայնը նորէն բարձրանալով ըսաւ:
— Պիւրկօն խանութը դուրս ելա՛ւ:
— Այո՛, ըսաւ կինը:
— Աղէկ գիտե՞ս թէ դրացիին սենեակը մարդ չկայ:
— Այսօր չեկաւ ան, և գիտես արդէն թէ հիմա անոր ընթրելու ժամնն է:
— Աղէկ գիտե՞ս:
— Այո՛:

— Բայց ի՞նչ վնաս ունի, կրկնից ժօնարէթ, պէտք է անգամ մը երթայ և նայիլ թէ հո՞ն է: Աղջիկ: ա՛ռ առ ճրագը և դնա նայէ անգամ մը:

Մարիուս ձեռքերուն և ձուկներուն վրայ կոթնելով կամաց մը իջաւ և լսելեայն դէպ անկողինին տակը սպրդեցաւ:

Հազիւ թէ անկողինին տակ կծկուած պահուած էր և ահա իր դուռին ճեղքերէն լոյս մը նշմարեց:

— Պապա՛, աղաղակեց ձայն մը, դուրս ելած է դրացին:

Մարիուս ժօնարէթի սոջինէկ աղջկան ձայնը ձանչցաւ:

— Ներս մտա՞ր հարցուց հայրը:

— Չէ, պատասխանեց աղջիկը. բայց յայտնի է թէ դուրս ելած է, վասն զի բանալին դուռին վրայ է:

Հայրը պօռաց:

— Հոգ չէ, մտի՛ր անգամ մը,

Դուռը բացուեցաւ, և Մարիուս տեսաւ աղջկան ներս մտնելը՝ ձեռքը աշտանակ մը բռնած: Առաւօտուան պէս էր աղջիկը, միայն թէ աւելի ահարկու կ'երբեւոր ձեռքի ճրագին լոյսովը:

Ուղղակի դէպ անկողինը գնաց. Մարիուս պահ մը անմեկնելի անձկութիւն մը ունեցաւ. բայց անկողինն քով պատին վրայ բեւեռուած հայելի մը կար. աղջիկը դէպ այն հայելին կերթաւ: Ոտքերուն ծայրովը բարձրացաւ և հայելին նայեցաւ: Մօտակայ սենեակին մէջ հին երկաթեղէններ կը խառնուէին և ձայն կը հանէին:

Աղջիկը ձեռքին ազուցովը մազերը յղկեց և ժրպիտներ տուաւ հայելին՝ իր զիզուն և զերեզմանական ձայնով երգելով:

Բայց Մարիուս կը դողար, կը կարծէր թէ աղջիկը անտարակոյս կը լսէր իր չնչառութիւնը:

Աղջիկը դէպի պատահանը ուղղուեցաւ, դուրս նայեցաւ և բարձր ձայնով խօսեցաւ կէս մը խախուկի կերպարանքով. ինչպէս որ իր սօխորութիւնն էր:

— Ո՛րքօն տղեղ է Բաբիզ երբ ճերմակ շապիկ մը կը հագնի, ըսաւ:

Նորէն հայելին քով եկաւ, և նորէն ինքն իրեն ձեւեր և շարժումներ ըրա՝ հետզհետէ շիտակ և քովքնափ ինքն իրեն նայելով ակնապիշ:

— Է՛, ի՞նչ կր՛ես հող, պօռաց հայրը:

Անկողնի և կարասիներուն տակը կը նայի՛մ, մարդ չկայ, պատասխանեց՝ առանց մազերը շփելէ՝ դադրելու:

— Ես ներես աղջիկ, չ՛լաւ հոս եկու՛ր, ժամանակ չկորսնցնենք, ոռնաց հայրը:

— Եկայ, եկայ, ըսաւ աղջիկը: Իրենց խրճիթին մէջ ամենեւին բան մը ընելու ժամանակ չկայ, շարունակեց ինքնիրեն:

Յետոյ ակօսներովը երգեց.

Կը մեկնիս՝ փառքով կուտելու համար,

Տրտում սիրտս միշտ հետդ պիտ' ըլլայ:

Անգամ մըն ալ հայելին նայեցաւ և դուրս ելաւ դուռը ետեւէն դոցելով:

Պահ մը ետք Մարիուս երկու նորատի աղջկանց բոկ ոտքերուն ձայնը լսեց որ նրբանցքին կ'երթային, նաև ժօնարէթին ձայնը որ կը պօռար անոնց.

— Աղէկ ուշադրութիւն ըրէ՛ք. մէկը քաղաքադուռին քովէն, միւսն ալ Բրթի-Պանգիէի փողոցին անկիւնէն: Պահ մը մի՛ դադրի՛ք դիտելէ տունին դուռը, և եթէ՛ քան մը տեսնելու ըլլաք, շուտ մը հոս եկէ՛ք չորս սաքով վազելով: Ներս մտնելու համար բանալի մը ունիք:

Առջինեկ աղջիկը մրմռաց .

— Զիւնին մէջ բոկոտն կենալով պանորպութիւն ընե՛լ :

— Վաղը բղէզի գոյնով մետաքսեայ կօշիկներ պիտի ունենաք . պոռաց հայր :

Վար իջան սանդուղէն[»] և քանի մը բոպէ ետքը վարի դուռին գոցուելու ձայնը իմաց տուաւ թէ դուրս ելած էին աղջիկները :

Տունին մէջ ալ միայն Մարիուս և Ժօնարէթները կային , և հաւանորէն նաև այն պահուած անձերն զոր Մարիուս մշուշին մէջ անբնակ սենեակին դուռին ետեւը ընդնրջմարած էր :

Կ Լ Ո Ւ Ե Փ Է .

ՄԱՐԻՈՒՍԻ ՇԻՆԳ ՖՐԱՆՔՆՈՅ ԴՐԱՍԻՆ ԳՈՐԾԱԾՈՒԹԻՒՆԸ

Մարիուս մտածեց թէ նորէն իր դիտարանը ելլելու և սպասելու վայրկեանը եկած է : Ակնթարթի մը մէջ և իր հասակին յատուկ դիւրաշարժութեամբը միջնորմին ծակին քով գտնուեցաւ :

Նայեցաւ :

Ժօնարէթի սենեակին ներսը արօրինակ տեսք մը ունէր , և Մարիուս հասկցաւ թէ ինչ է եղեր այն տարօրինակ լոյսը զոր նշմարած էր : Ըրագ մը կը վառէր ժանգոտ աշտանակի մը վրայ , բայց սենեակը իրապէս լուսաւորողը այն չէր : Թանազէ մեծկակ կրակարան մը

որ ածուխով լի էր և բուխերիկին մէջ գրուած , իր ցուլումովը սենեակը բոլորովին կը լուսաւորէր : Ասիկայն կրակարանն էր զոր Ժօնարէթ առտուն պատրաստած էր : Ածուխը խարոյկ և կրակարանը կարմիր էր . կապտագոյն բոց մը ասոր մէջ կը պարէր և կը նպաստէր որոշապէս ցուցնելու այն դուրին ձեւ , զոր Ժօնարէթ Բրէյր-Լօմպար փոզօցէն գնած էր և որ խարոյկին մէջ գրուած կը կարմրէր : Դասն քովը մէկ անկիւնը երկու կուտակ կը տեսնուէր որոնք նախապէս գործածութեան մը համար պատաստուէր էին կարծես , և որոնց մէկը հոն երկաթեղէններու կուտակ մը , մեւսն ալ չուաններու կուտակ մը կ'երեւար : Եթէ մէկը տեսնէր այս ամէնը և տեղեկութիւն մը չուեննար պատրաստուող գէպքին նկատմամբ , իր միտքը ամէնասուկալի կամ ամէնապարզ գաղափար մը ունենալով երկուքին մէջ պիտի վարանէր : Որքը այսպէս լուսաւորուելով աւելի դարձնոցի քան թէ գեհնական բերանի մը կը նմանէր , բայց այս լոյսով Ժօնարէթ աւելի գեւի քան թէ դարբինի մը կերպարօյնք ունէր :

Կրակին տաքութիւնը սցնքան շատ էր որ սեղանի վրայի մօմը կրակարանին կողմէն կը հալէր և շեղակի կը հասնէր : Բուխերիկին վրայ պղնձեայ ծածր և հին գողի լապտեր մը կար որ Գարթուշ դարձող Դիոգինէին արժանի էր :

Կրակարանը՝ որ բուն իսկ բուխերիկին վառարանին մէջ և գրեթէ մօրած փայտերուն քով գրուած էր իր շօգին բուխերիկին ծխանէն դուրս կը դրկէր և հոս չէր հանէր :

Լուսինը՝ պատուհանին չորս ապակիներէն ներս մտնելով իր սպիտակութիւնը ծիրանեգոյն և բոցափայլ սենեակին մէջ կը ծաւալէր , և Մարիուսի բանահիւսական մտքին համար որ նաև գործողութեան միջոցին

կը մտախօհէր՝ կարծես թէ, երկնային մտածում էր որ երկրային տձև երազներու հետ կը խառնուէր:

Հովի շունչ մը՝ կտրուած ապակիէն ներս մտնելով՝ ամուսին հասր փարստելու և կրակառանք ծածկելու կը նպաստէր:

Եթէ ընթերցողը կը յիշէ ինչ որ ըսինք արդէն Կորպոյի տրոնին նկատմամբ, ժօնորէթի որջը սքանչելի կերպով ընտրուած էր բուն և տխուր իրողութեան մը թատրը և ոճիքի մը պահարանը ըլլալու համար: Այս որջը Բարիզի ամէնէն արայի պուլվարին, ամէնէն առանձին տունին ամէնէն ներքին և հեռու սենեակն էր: Եթէ դաւաճանութիւն ըստած բանը էութիւն չունենար անգամ, կրնար հնարուիլ այս որջին մէջ:

Տունի բոլոր շէնքը և խել մը անքնակ սենեակներ պուլվարէն կը դատէին այս որջը որու միակ պատուհանը պատերով և զգապատնէշներով շրջափակ անմշակ երկիրներու վրայ կը նայէր:

Ժօնորթ ծխափայտը վառելով անխօսր աթոռին իրայ նստած էր և կը ծխէր: Կինը ցած ձայնով հետը խօսէր:

Եթէ Մարիուս Գուրֆէյրագ ըլլար, այսինքն այն մարդերէն մէկը որոնք կենաց ամէն պարագաներու մէջ կը խնդան, անշուշտ քահ մը պիտի ձգէր ժօնորէթին կինը տեսնելով: Այս կինը փետուրներով զարդարուն սեւ փեղոյր մը ունէր որ Շատը Ժ.ին օծումին զինակիր քարոզներուն փեղոյրներուն կը նմանէր բաւական անագին թարթան չայ մը իր կտաւէ շրջազգեստին վրայէն առած, և մարդու մուճակներ հագած էր. ասոնք այն մուճակներն էին զոր աղջիկը առտուն արհամարած էր: Ժօնորէթ անա իր կնոջը այս հագուստը տեսնելով աղաղակած էր եռանդագին: Լաւ հագուեր ես եղեր. շատ աղիկ ըրեր: Պե՛տ է որ կարենաս վստահորթիս ևեղնել:

Իսկ ժօնորէթ վրայէն հանած չէր Պ. Լըպլանի տուած այն նոր թիկնոցը որ մեծ կուզար իրեն, և իր հագուստը տակաւին կ'ընծայէր այն թիկնոցի և բանթալօնի հակապատկերը որ Գուրֆէյրագի կարծիքին համեմատ տեղական բանաստեղծը կը կազմէր:

Յանկարծ ժօնորէթ ձայնը բարձրացուց.

— Աղէկ որ միտքս եկաւ: Այս օդին նայելով անշուշտ պիտի գայ ան: Վառէ՛ լապտերը, ա՛ն և իջիր: Վարի դուրին ետեւը պահուէ: Երբ կառքին կանգ առնելը լսես, անմիջապէս դուռը բաց. սանդուխէն ելլելու և նրբանցքէն դէպի հոս գալու ժամանակը ետեւէն ճրագը բեր որ լոյս ըլլայ. յետոյ ան ներս մտնելու միջոցին դուն վար իջիր շուտով, կառապանին վարձքը վճարէ և ետ ճամբէ կառքը:

— Ստակը ո՛ւր գտնեմ, հարցուց կինը:

Ժօնորէթ բանթալօնին քսակը խառնեց և հինգ ֆրանքնոց մը տուաւ անոր.

— Ի՞նչ է այդ, պօռաց կինը:

— Դրացիին այս առտու տուած թալերն է, պատասխանեց ժօնորէթ:

Յետոյ շարունակեց.

— Երկու աթոռ պէտք է հոս, գիտե՞ս:

— Ինչո՞ւ:

— Նստելու համար:

Մարիուս աղիքին մէջ սարսուռի մը շրջաբերիւր զգաց երբ լսեց կնոջը յետագայ հանդարտ պատասխանը:

— Ատ ալ մտածելու բա՞ն է. կ'երթամ դրացիին աթոռները կը բերեմ:

Եւ արագ շարժումով մը որջին դուռը բացաւ և նրբանցքը ելաւ:

Մարիուս դարանէն վար իջնելու, մինչեւ անկողինը երթալու և տակը մտնելու ժամանակ շունէր:

— Ճրագը ա՛ն, պօռաց ժօնարէթ:

— Չէ, ըսաւ, աւելորդ արգելք մըն է այդ ինծի համար, վասնզի երկու աթոռ պիտի բերեմ: Լուսինը ճառագայթած է:

Մարիուս լսեց որ կնոջը ծանր ձեռքը խարխափելով իր դրան բանալին կը փնտռէր մութին մէջ: Բացուեցաւ դուռը: Մարիուս տեղը կեցաւ՝ երէխոզէն և չուարումէն բեւեռուելով:

Ժօնարէթին կինը մտաւ:

Մանօարդեան երգէն լուսնի ճառագայթ մը կ'անցնէր և երկու մեծամաս ստուերներու՝ մէջտեղը կ'երկնար: Այս ստուերներէն մէկը բոլորովին կը ծածկէր այն պատր որուն վրայ կը թնամ էր Մարիուս, այնպէս որ սա աներեւոյթ կը մնար:

Կինը վեր բրաւ աչքերը, չտեսաւ Մարիուսը, առաւ երկու աթոռները՝ որոնցմէ ի գառ ուրիշ չունէր Մարիուս, և ձգեց գնաց թողլով դուռը որ գոցուի:

Ժօնարէթի կինը որջը մանկելով,

— Ահա աթոռները, ըսաւ:

— Ահա լապտերն ալ, ըսաւ էրիկը: Շուտ իջիր: Կինը հնազանդեցաւ, և ժօնարէթ մինակ մնաց:

Աթոռները սեղանին երկու կողմը դէմ դէմի դրաւ, դուրը կրակարանին մէջ դարձուց, բուխերիկին առջեւէն հին հովարգել մը դրաւ որ կրակարանը կը ծածկէր, յետոյ գնաց չուաններուն կուտակին քով և ծոկեցաւ, կարծես բան մը քննելու համար:

Մարիուս այն ատեն դիտեց թէ այն զոր տձեւ կուտակ մը կարծած էր՝ շատ վարպետութեամբ շինուած առասանէ ելարան մըն էր որ փայտէ ստիճաններ ունէր, նաև երկու ակիշ՝ որոնցմով ելարանը կըրնար տեղ մը կառչելով կախուիլ:

Թէ այս ելարանը և թէ քանի մը մեծ գործիքներ

որոնք երկաթէ իրական մահակներ էին և որոնք գունին ետեւը դիզուած հին երկաթեղէններու դէզին հետ խառնուած էին, առաուն ժօնարէթի որջին մէջ չկային, և անշուշտ կէսօրէն ետք՝ Մարիուսի բացակայութեան ժամանակ բերուած էին:

— Գործիք շինող գարբինի գործիներ են անոնք, ըսաւ Մարիուս մտապէս:

Եթէ Մարիուս այս տեսակ իրերու մէջ աւելի հըմտութիւն ունեցած ըլլար, պիտի ճանչնար թէ այն լրծակները զոր գարբինի գործիներ կը կարծէր, կողակ մը խորտակել կամ գուռ մը բանալ, նաև կտրել կամ յատանել կրցող այլեւայլ գործիներ էին, և կը կազմէին աղէտալի գործիներու երկու ընտանիքը զոր գողերը «կրտսերներ» և «հնձողներ» կ'անուանեն:

Բուխերիկը, սեղանը և երկու աթոռները ճիշդ Մարիուսի դէմն էին: Կրակարանը պահուած էր. սենեակը ալ միայն ճրագէն լոյս կ'անէր, սեղանին կամ բուխերիկին վրայ ամենափոքր խեցին մեծ չուք մը կը կազմէր: Ջուրի սափոր մը որուն բերանը կտրուած էր պատի մը կէսը կը ծածկէր: Այս սենեակին մէջ չգիտեմ ինչ սոսկալի և սպասնալի հանդարտութիւն մը կը տիրէր: Կ'ըզար մարդս թէ անարկու բան մը տեղի պիտի ունենար հոն:

Ժօնարէթ մտնելով ծխել, ծխափայտը մարած էր. ծանր նշան մտատանջութեան: Ժօնարէթ իր տեղը նըստած էր: Մոմին լոյսը անոր դէմքին վայրկենական և նուրբ անկիւնները դուրս ցցել կուտար: Յօնքերը կը պուտէր և աջ ձեռքով յանկարծական ուրախութեան շարժումներ կ'ընէր՝ կարծես ներքին տխուր մենախօսի մը յետին խրատներուն պատասխան տալով: Երբ անգամ մը ևս այսպիսի անյայտ պատասխան մը տուաւ ինքն իրեն, սեղանին գորոցը ուժգնակի քաշեց, խո-

հարանի երկայն դանակ մը հանեց զոր անոր մէջ պահած էր, և անոր սայրը եղունգին վրայ փորձեց: Ետքը պանակը նորէն ներս դնելով զգրոցը հրեց:

Մարիուս ալ իր աջ կողմի գրպանէն ատրճանակը բռնեց հանեց, և պարպելու պատրաստեց:

Ատրճանակին կայծահան բլթակը քաշուելու ատեն պզտիկ ձայն մը հանեց, նուրբ և ցամաք ձայն մը:

Ժօնարէթ սարսնեցաւ, և կէս մը աթոռին վրայէն ելաւ:

— Ո՞վ է ան, պօռաց:

Մարիուս շունչը բռնեց. ժօնարէթ պահ մը մտիկ ըրաւ, յետոյ սկսաւ խնդալ՝ ըսելով.

— Ապօ՛ւշ եմ, ի՞նչ եմ, միջնորմը ճանչած է անշուշտ:

Մարիուս ատրճանակը ձեռքը պահեց:

Գ Լ Ո Ւ Խ Ժ Ը

ՄԱՐԻՈՒՍԻ ԵՐԿՈՒ ԱԹՈՒՆԵՐԸ ԴԷՍ ԱՌ ԴԷՍ
ԿԸ ԿԵՆԱՆ

Յանկարծ զանգակի մը հեռաւոր և մեղամաղձային ճօճուճը ապակիները զղրղեց: Սէն Մէտարէն ժամը վեց կը զարնէր:

Ժօնարէթ ամէն մէկ զարկը դուրսը անգամ մը վեր ընելով համրեց: Երբ վեցերորդը զարկաւ, մատներովը ճրագին քիթը առաւ:

Յետոյ սկսաւ քայլել սենեակին մէջ, մտիկ ըրաւ լսելու համար թէ արդեօք ձայն մը կուզա՞յ նրբանցքէն, քայլեց և նորէն մտիկ ըրաւ:

— Բաւական է որ գայ, կմկմաց, յետոյ նորէն իր աթոռին քով եկաւ:

Հագիւ թէ կը նստէր, և ահա դուր բացուեցաւ:

Ժօնարէթին կինը բացած էր դուռը, և նրբանցքին մէջ կը կենար սոսկալի սիրուն ձեւ մը ընելով զոր գողի լապտերին ծակերէն մէկը վարէն կը լուսաորէր:

— Հրամեցէք, պարոն, ըսաւ կինը:

— Հրամեցէք, բարերար իմ, կրկնեց ժօնարէթ արագապէս կլլելով:

Պ. Լըպլան երեւցաւ:

Հանդարտ կերպարանք մը ունէր, որ տարօրինակ պատկերանք մը կուտար իրեն:

Չորս լուիճի դրաւ սեղանին վրայ:

— Պ. Ծագանթու, ըսաւ, ահաւասիկ ձեր սենեակին վարձքին և առաջնական պիտոյից համար: Ետքն ալ Աստուած ողորմած է:

— Աստուած փոխարէնը հատուցանէ ձեզ, առատափրօ բարերարդ իմ, ըսաւ ժօնարէթ, և արագապէս կնոջը մօտենալով:

— Ետ դրկէ՛ կառքը, ըսաւ կամաց մը:

Կինը ձգեց գնաց մինչդեռ էրիկը բարի եկաք ըսելով հազարումէկ քաղաքավարական ձեւեր կ'ընէր և աթոռ մը կուտար Պ. Լըպլանին: Պահ մը ետք կինը եկաւ և ըսաւ անոր ահանջին:

— Կառքը դնաց:

Չիւնը որ առաւօտէն ի վեր անընդհատ կուգար այնքան թանձրացած էր որ ոչ կառքին գալը և ոչ ալ մեկնելը լսուած էր:

Սակա՞ն Պ. Լըպլան նստած էր:

Ժօնարէթ նոյնպէս նստած էր միւս աթոռին վրայ որ Պ. Լըպլանին դէմն էր:

Հիմա գաղափար մը ունենալու համար այն ատե-

առանին վրայ որ պիտի հեռուի, ընթերցողը թող
 մտքին առջեւ բերէ սառնարեր գիշերը, Սալթեթրիէրի
 ձիւնապատ և ամայի վայրերը որոնք անբաւ պատանք-
 ներու պէն ճերմակ կ'երեւան լուսնի ճառագայթովը,
 կանթեղներուն պատրոյզի լոյսը որ տեղ տեղ այս տըխ-
 րալի պուլվարները և սեւ կնձխներու երկայնածիփ
 շարքերը կը կարծրէ, գիշերապահներու կայանէն ին-
 չեւ կօրպոյի տունը քառորդ մղոնի մը մէջ թերեւս ամ-
 մենեւին անցորդ մը չգտնուելը, այն յետին ծայր լու-
 թիւնը, սոսկումը և խաւարը որոնք կօրպոյի տունը կը
 չըջապատեն ժօնարէթին ճրագով մը լուսաւորուած ըն-
 դարձակ սենեակը որ այս խարխուլ տունին, առանձ-
 նական վայրերուն և մթութեան մէջտեղն է, և այս
 որջին մէջ երկու մարդու սեղանի մը քով նստած ըլ-
 լալը, Պ. Լըպլանի՝ որ հանդարտ է, ժօնարէթի՝ որ կը
 ժպտի և ահարկու է, կիսը որ մատակ զայլ մըն է և
 անկիւն մը քաշուած, Մարիուս որ միջնորմին ետեւ
 աներեւոյթ՝ կանգուն կ'սպասէ, որ ամէն բան կը լսէ,
 որ ամէն շարժում կը տեսնէ, և աչքովը կը դիտէ՝ ձեռ-
 քը ատրճանակ մը բռնած:

Մարիուս գանիլ կ'զգար միայն, բայց ամենեւին
 չէր վախնար: Ատրճանակին բունը կը սեղմէր և սիրտ
 առնել կ'զգար: Պիտի կեցնեմ այս թշուառականը երբ
 որ ուզեմ, կ'ըսէր մտապէս:

Կ'զգար թէ ոստիկանութեան մարդերը տունին
 քովերը տեղ մը դամանի մտած են, թէ որոշուած նը-
 շանը տրուելոջն կ'սպասեն և թէ բոլորովին պատրաստ
 են հասնելու և թշուառականը բռնելու:

Մանաւանդ կը յուսար որ ժօնարէթի և Պ. Լըպ-
 լանի այս բուն հանդիպէն լոյս մը ժայթքելով պիտի
 լուաւորէր ինչ որ Մարիուս կ'ուզէր իմանալ:

Պ. ԼԵՊԼԱՆ ՄԹԻՆ ԽՈՐՇԵՐ ՏԵՍՆԵԼՈՎ

ՄՏԱՏԱՆՁՈՒԹԻՒՆ ԿԸ ԿՐԷ

Պարոն Լըպլան նստաւ չնստաւ դէպի խշտեակները
 նայեցաւ որոնք թափուր էին:

— Ի՞նչպէս է վիրաւոր խեղճ պզտիկդ, հարցուց:

— Գէշ կ'երթայ, պատասխանեց ժօնարէթ ազի-
 սորմ և շնորհապարտ ժպտով մը, շատ գէշ է, տէ՛ր
 իմ յարդի: Առջինէկ քոյրը Պուրպ տարաւ զայն վէրքը
 դարմանելու համար: Հիմա պիտի տեսնէք զանոնք,
 շատ չանցնիր կուգան:

— Տիկին Ֆապանթու աւելի աղէկ կ'երեւայ ինձ,
 կրկնեց Պ. Լըպլան ժօնարէթի կնոջ այլանդակ հագուս-
 տին նայելով: Նոյն միջոցին այս կինը Պ. Լըպլանի և
 դուռին մէջ կարծես գուռը պահպանելու համար սպառ-
 նագողի և կռուողի մը դիրքով ոտքի վրայ կեցած էր
 և զայն կը դիտէր:

— Խեղճը մեռնելու մօտ է, ըսաւ ժօնարէթ: Բայց
 բարեբաղդարար այս կինը քաջասիրտ է, պարոն: Չէ
 թէ կին այլ կով մըն է ան:

Կինը այս ողորմէն յուզուելով՝ փաղաքշուող
 հրէշի մը պչրանքով աղաղակեց.

— Միշտ բարեսիրութիւն կը ցուցնես ինձ, Պ.
 ժօնարէթ:

— Ժօնարէթ, հարցուց Պ. Լըպլան, կը կռոճէի
 թէ Ֆապանթու է ձեր անձնը:

— Ծապանթու ժօնարէթ, կրկնեց անմիջապէս էրիկը. դերասանի մականունն է այս:

Եւ անգամ մը կնոջը նայելէ և ուսերը վեր բնելէ ետք զոր Պ. Լըպլան չնչմարեց. ժօնարէթ շարունակեց պաճուճազարդ և ազոքալի ձաջնով մը զօր կակութեամբ կը հանէց:

— Ա՛հ, վասն զի այս խեղճ սիրականս և ես սիրով և միաբանութեամբ ապրած ենք միատեղ: Եթէ ասիկայ ալ չունենայինք, հապա ա՛լ մեր ի՞նչը մնացած պիտի ըլլար: Ես ա թըշուտս ենք, տէր իմ պատուարցան: Բազուկ կայ, բայց աշխատանք չկայ: Սիրտ կայ, բայց գործ չկայ: Զգիտե՛ք թէ կառավարութիւնը ինչ կը մտածէ այս մտօնն, բայց թէ եւ պատուոյ վրայ կ'երդնում, պարօն, թէ ժագոպէն չեմ, թէ եւ խողարար չեմ, թէ եւ չեմ ուզեր որ գէշութիւն մը ըլլայ անոր, բայց եթէ պաշտօնեաներուն տեղը ըլլալի, պատուոյ վրայ կ'ըսեմ թէ գործերը տարբեր ընթացք մը կ'ունենային: Ահա ձեզ օրինակ մը տամ. ուզեցի որ աղջիկներս գիրք խաւաքարտելու արհեստը սորվին: Թերեւս բռէք ինձ. ի՛նչ. արհեստ մը: Այո՛, արհեստ մը, պարզ արհեստ մը, հաց հանելու գործ մը: Ո՛հ, ինչ անկում, տէ՛ր իմ բարեբար. միթէ այս մեծ նուստատութիւն մը չէ մեզի երբ ժամանակաւ բարբախտ վիճակի մէջ դոնուած ենք: Աւա՛ղ, որ մեր այն բարեբաստութեան ժամանակէն ոչինչ ունինք հիմա, ոչինչ, բաց ի բանէ մը, պատկերէ մը որմէ չեմ ուզեր զրկուիլ, և որմէ պիտի զրկուիմ առկայն վասն զի պէտք է ապրիլ, կը կրկնեմ թէ պէտք է ապրիլ:

Մինչդեռ Գօնարէթ կը խօսէր տեսակ մը առերեւոյթ շփոթով որ ամենեւին չէր այլայլեր անոր գէմքին խորամանկ և կեղծ արտայայտութիւնը, Մարիօս վեր ըրաւ աչքը և սենկակին գէպի ներսի կողմը մարդ մը

տեսաւ զոր տակաւին նշմարած չէր: Իրօք քիչ մը առաջ մարդ մը ներս մտած էր այնքան մեղմիկ որ դուռին իր ծինիմեռուն վրայ դասնալը լսուած չէր: Այդ մարդը մանիշագոյն կտաւէ հին, մաշուած, արատաւոր կտրուած և իր ամէն ձայքերովը ձեղքեր կազմով ժիլէ մը, բամբակեայ թաւիչէ լայն քանթալօն մը հագած էր, ոտքերն ալ սանգալի հողաթափեր ունէր, շապիկ հագած չէր, վիզը մերկ, բազուկները նայնպէս մերկ էին, և դունաւոր նկարներ ունէին, իսկ գէմքը սեւով մրտաուած էր: Մօտագոյն անկողնին վրայ լոխկ մնջիկ նստած էր, և ժօնարէթի կնոջը ետեւը դանուելուն համար ազօտապէս կը նշմարուէր:

Մարիօս այս մարդը նշմարած միջոցին նսեւ Պ. Լըպլան ետեւը դարձած էր դրդուելով այն տեսակ մը մազնիսական բնազգուճէն որ մարդուս նայուածքին իմաց կուտայ. Պ. Լըպլան չկրցաւ զսպել իր զարմանքը և շարժում մը ըրաւ զոր նշմարեց ժօնարէթ:

— Ա՛հ, կը տեսնեմ որ ձեր թիկնոցին կը նայիք, պօռաց ժօնարէթ քաղցր կերպարանքով մը իր վրայի թիկնոցը կոճկելով: Յարմար եկաւ ինձ այն, ստուգիլ յարմար եկաւ:

— Ո՞վ է այս մարդը. հարցոց Պ. Լըպլան:

— Ասիկայ, ըսաւ ժօնարէթ, դրացի մըն է ան: Հոգ մի՛ ընէք:

Դրացին տարօրինակ կերպարանք մը ունէր: Սակայն Սէն-Մարտոյի արուարձանին մէջ քիմիական արտաբերութեանց բազմաթիւ գործարաններ կան: Գործարաններու բանւորներուն շատերուն գէմքը կրնայ մրտա ըլլալ: Մանաւանդ թէ Պ. Լըպլան ոտքէն մինչեւ գլուխ անմեղ և աներկիւղ վստահութիւն մը կը ցուցնէր:

— Ներեցէք: Ի՞նչ կ'ըսէիք ինձ, Պ. Ծապանթու:

— Չեզ կ'ըսէի սիրելի և տէր իմ պաշտպան, կըրկ-
նեց ժօնարէթ՝ սեղանին վրայ կոթնելով և Պ. Լըպ-
լանին նայելով անշարժ և գորովալի աչքերով օրօնք
օձի մը աչքերուն կը նմանէին բաւական, կ'ըսէի թէ
ծախու պատկեր մը ունիմ:

Ինչէն պզտիկ շուք մը լսուեցաւ: Երկրորդ մըն
ալ եկաւ և ժօնարէթի կնոջը ետեւը անկողնին վրայ
նստաւ: Միւսին պէս ասոր ալ թեւերը դաց էին և ե-
րեսն ալ մեկանէ գիմակ մը ունէր:

Թէեւ այս մարդն իրապէս սպրդելով սենեակը մը-
տած էր, բայց և այնպէս չկրցաւ չնշմարուիլ Պ. Լըպ-
լանէն:

— Անոոց եզիք, ըսաւ ժօնարէթ: Տունը բնակող
մարդիկ են անոնք: Կ'ըսէի ուրեմն թէ թանկագին պատ-
կեր մը ունիմ...: Ահ... անսէք, պարօն:

Աթոռէն ելաւ, մօտեցաւ պատի մը, որու ստորոտը
նկարի տախտակ մը դրուած էր, ժօնարէթ դարձուց
դայն՝ դարձեալ պատին կոթնած թողլով: Իրօք պատ-
կերի նմանող բան մըն էր այն և ճրագին լոյսովը ինչ
ըլլալը գրեթէ կ'երեւար: Մարիուս այս պատկերը չէր
կրնար որոշապէս նշմարել՝ ժօնարէթ իր և պատկերին
մէջտեղը նստած ըլլալուն համար. միայն թէ իր դիտա-
բանէն կ'ընդունչկարէր տձեւ կերպով նկար մը և դիտա-
ւոր անձի պէս բան մը, որ օտարուի կառուներու և
հողամարգելի նկարներու ակընհար տձեւութեամբ գու-
նաւորուած էր:

— Ի՞նչ բան է այդ, հարցուց Պ. Լըպլան:
Ժօնարէթ դարմանքով մը ճղաղակեց.

— Վարպետի նկար մը, մեծագին պատկեր մը,
ի՞նչ բարերար. աղջիկներու պէս կը սիրեմ դայն,
վասնզի յիշատակներ կը բերէ մտքիս, բայց ըսի ձեզ
արդէն և խօսքս ետ չեմ առնիր, այնքան դժբաղդ եմ

որ կ'ուզեմ վաճառել...

Պ. Լըպլան կամ պատահաբար և կամ թերեւս
փոքր ինչ խոսովի սկսելով նորէն դէպ ի սենեակին
ներսի կողմը նայեցաւ: Հոն հիմա չորս մարդ կար,
երեքը սնկողնին վրայ նստած, մէկը դրան մոյթին
քով սօքի վրայ կանգնած, չորսին ալ բազուկները բաց
և երեսները մրտաւած, և չորսն ալ անշարժ: Անկա-
ղինին վրայ նստողներէն մէկը պատին կը կոթնէր՝ աչ-
քերը դոցած, և կրնար կարծուիլ թէ կը քնանար: Ան
ծեր էր. իր ճերձակ մազերը սեւադէմ կրեսին վրայ
սոսկալի կերպով կ'երեւային: Միւս երկուքը երիտա-
սարդ կ'երեւային. մէկը մօրուանի, միւսը մազոտ էր:
Եւ ոչ մէկը մուճակ ունէր. անոնք որ հողաթափ չու-
նէին, բոկոտն էին:

Ժօնարէթ գիտնալով թէ Պ. Լըպլանին աչքն այս
մարդերուն վրայ կը յառէր, ըսաւ.

— Բարեկամներ են, գրացի են ասոնք: Հոգ մի՛
ընէք, տէր վճ, բայց գնեցէք սա պատկերս: Գութ ու-
նեցէք իմ թշուառութեան վրայ: Սուղ չպիտի ծախեմ
ձեզ: Ի՞նչ գին կը կարէք:

— Բայց, ըսաւ Պ. Լըպլան ժօնարէթին նայելով
աչքին ծայրովն և զգուշացող մարդու մը պէս, կապէ-
լիայի նշանատախտակ մ'է այդ. երեք ֆրանքն չափ
կ'արժէ:

— Թղթակալդ քո՞վդ է. հազար թալերով գո՞ն
կ'ըլլամ, ըսաւ ժօնարէթ:

Պ. Լըպլան սօքի վրայ ելաւ, պատին կոթնեցաւ
և արագօրէն սենեակին չորս դին նայեցաւ: Իր ձախ
կողմը պատուհանին քովն էր ժօնարէթ, իսկ աջ կող-
մը դուռին քովն էին կինը և չորս մարդերը: Չորս
մարդերը չէին շարժեր և կարծեա թէ և ոչ իսկ կը
տեսնէին զինքը, ժօնարէթ նորէն սկսած էր խօսիլ

այնպիսի աղիողորմ եղանակաւ, այնպիսի աղօտ բերով
և այնպիսի ողբալի գոչումով մը որ Պ. Լըպլան կրնար
կարծել թէ իր առջև տեսածն էր մարդ մը որ թշուա-
ռութեան պատճառաւ պարզապէս խեղած է:

— Եթէ չգնէք այս պատկերը, սիրելի բարերար,
կըսէր ժօնարէթ, ա՛լ ապաւէն մը չունիմ, ալ կը
մնայ ինձ երթալ գետը նետուիլ:

Ժօնարէթ այսպէս խօսելու ժամանակ չէր նայեր
Պ. Լըպլանին որ կը դիտէր զայն: Պ. Լըպլանին աչքը
ժօնարէթին և ասոր աչքն ալ դուռին վրայ յառած
էր: Մարիուսի շնչասպառ ուշադրութիւնը մէկէն միւ-
սին կ'երթար: Պ. Լըպլան կարծես կ'ըսէր իրովի: Ա-
պօ՛ւշ մըն է, ի՞նչ է այս մարդը: Ժօնարէթ նուազուն
և աղերսալի կերպով ձայնին ամէն տեսակ հնչիւններ
տալով երկու կամ երեք անգամ կրկնեց: Այլ ինձ կը
մնայ երթալ գետը նետուիլ: Միւս օր Աւստերլիցի
կամուրջին կողմէն երեք աստիճան վար իջայ գետը
նետուելու համար:

Յանկարծ իր մարած բերը սոսկալի փայտատակու-
մով մը լուսաւորուեցաւ. այս պղտիկ մարդը կանգնե-
լով փհարկու կերպարանք մը ունեցաւ. քայլ մը առաւ
դէպի Պ. Լըպլան և օրօտաձայն գոչումով մը աղաղա-
կեց.

Բայց խնդիրը ասոնց վրայ չէ, կը ձանձնա՞ք զիս:



Գ Լ Ո Ւ Ե Ի .

Դ Ա Ի Ա Ճ Ա Ն Ո Ւ Թ Ի Ի Ն

Նոյն պահուն սենեակին դուռը յանկարծ բացուե-
լով երեք մարդ երեւցան՝ կապոյտ կտաւէ պուզանե-
րով և սև թուղթէ դիմակներով: Առջինը նիհար էր և
երկաթազած երկայն բիր մը ունէր. երկրորդը որ վիթ-
խարի մարդ էր, կովերը ջախջախելու դորձածուող
տապար մը բռնած էր մէջ տեղէն՝ որով կոթը վեր և
տապարը վար կը նայէր: Երրորդը որ յոյր և կարճ ու-
սեր ունէր, առջինէն նուազ նիհար, երկրորդէն նուազ
յաղթանդամ էր, և բանտի դուռէ մը գողցուած աճա-
զին բանալի մը բռնած էր.

Կ'երեւայ թէ ժօնարէթ այս մարդերուն գալուս-
տին կ'սպասէր: Ժօնարէթ և բրաւոր նիհար մարդը ըս-
կան արագապէս տրամախօսել:

— Ամէն բան պատրաստ է, հարցուց ժօնարէթ:

— Այո, պատասխանեց նիհար մարդը:

— Բայց ո՛ւր է Մօնրօբնասը:

— Անիկա ձամբան կանգ առաւ աղջիկիդ հետ խօ-
սակցելու համար:

— Որո՞ւն հետ:

— Առաջինեկին հետ:

— Կառք մը կա՞յ վարը:

— Այո՛:

— Մարէնկօթին երիվար լծուեցա՞ւ:

- Լծուեցաւ :
- Երկու լու երիվար, այնպէս չէ :
- Պատուական երիվարներ :
- Ուրեմն մարէնիօթը կ'սպասէ՝ ուր որ ըսի թէ պէտք է սպասել :
- Այո՛ :
- Լաւ, ըսաւ ժօնարէթ :

Պ. Լըպլան բոլորովին դեղնած էր : Որչին մէջ էր բոլորաբը եղածները կը դիտէր, ուր ինչպիսիք ըլլաւ հասկեցող մարդու մը պէս և իր գլուխը կարգ ըսա կարգի իր շորս կողմը առնող գլուխներուն ուղղուելով՝ վզին վրայ կը շարժէր ուշադրութեամբ և զարմացող մարդու մը յամբուութեամբ : Բայց կերպարանքին վրայ չկար բան մը որ երկիւղի նմանէր : Սեղանը յանկարծադէպ պատնէշ մը ըրած էր իրեն և ահա այս մարդը որ վայրկեան մը առաջ բարի ծերուկի մը կերպարանքը ունէր, յանկարծ տեսակ մը ըմբիշ դարձած էր, և իր հաստարագուկ ձեռքը աթոռին կ'անակին վրայ կը դնէր ահարկու և զարմանալի շարժումով մը :

Ծերը որ այսպիսի վտանգի մը առջեւ շատ հաստատ և արի էր, կ'երեւայ թէ այն անձերու կարգէն էր որոնք ինչպէս բարի նոյնպէս և արի կ'ըլլան դիրքայէս և պարզապէս : Բնաւ օտարական չէ մարդուս այն հայրը որու աղջիկը կը սիրէ ինք : Մարիուս հըպարտութիւն մը զգաց այս անձանօթին արիութիւնը տեսնելով : Եկած մարդերուն երեքը որոնց համար ժօնարէթ ծխանակ մաքրող եւ անոնի՛ ըսած էր, երկաթեղէններու կուտակին մօտենալով մէկը թիթեղի մկրաս մը, միւսը ծանր մարմիններ վերցնելու յատուկ լծակ մը, երրորդը կ'աւան յը առաւ, և երեքն ալ դուռին առջեւ շարուելով կեցան առանց խօսք մը արասանե-

լու : Ծերը անկողնին վրայ մնացած, և աչքերը միայն բացած էր, ժօնարէթի կինն ալ անոր քով նստած էր :

Մարիուս մտածեց թէ քանի մը բազէն ետք միջամտելու ժամանակը եկած պիտի ըլլայ, և աջ ձեռքը նրանցքին ուղղութեամբ դէպի ձեղունը վերցուց՝ պատրաստ ըլլալով ատրճանակը նետելու : Ժօնարէթ բրաւոր մարդուն հետ խօսելէ դադարէ ետք, նորէն դէպի Պ. Լըպլան դարձաւ և կրկնեց իր հարցումը իր սովորական խնդումովը, որ ցած, զսպուռած և սոսկալի խնդում էր :

- Չէ՞ք ճանչնար աւրեմն դիս :
- Պ. Լըպլան ուղղակի երեսը նայելով պատասխանեց :
- Ոչ :

Այնատեն ժօնարէթ մինչև սեղանը եկաւ, ճրագին վրայէն ծոցեւ, թեւերը կօտրձքին վրայ դրաւ, անկիւնաւոր և վայրենի ծամելիքը Պ. Լըպլանի հանդարտ երեսին մօտեցուց, կրցածին չափ յառաջացաւ առանց սակայն ետ քաշուիլ տալու Պ. Լըպլանը, և խածնելու պատրաստուող վայրենի դադանի մը այս դիրքը պահելով պօռաց :

— Անունս, ո՛չ Ֆապանդու է, ո՛չ ալ ժօնարէթ. Թենարաիէ է անունս, Մօնֆէրմէյի պանդոկապետն եմ ես, լսեցի՞ք : Թենարաիէ է անունս. հիմա ճանչցա՞ք դիս :

Պ. Լըպլանի ճակտին վրայէն աննշմարելի կարմրուք մը անցաւ, և իր սովորական հանդարտութեամբը պատասխանեց՝ առանց վախով հանելու, ոչ ալ բարձրացնելու ձայնը :

— Դարձեալ ոչ :
Մարիուս շտեղ այդ պատասխանը : Մարիուս խելքը կտրուած ըլլալ կը կարծէր : Ծռնկերը կը դողդոջէին, և խորհրդակցելու ժամանակ անգամ չունէր,

այնքան արագորէն և այնքան կատաղաբար կը
յառաջանար այն տեսարանը որ իր տողև կ'երևար:
Կարծես թէ յորձանք մըն էր այն տեսարանը որու
կարծած էր թէ ինչք կ'իշխէ և որ զինքը կը քշէր կը
տանէր: Ինչ մնաց պիտի նուաղէր:

Սակայն թէնարտիէ՞ — այսուհետև ուրիշ անուն
չպիտի տանք անոր — սեղանին ակջև աջէն ձախ կը
պտտէր սեսակ մը յայտնուածով և յիմարական յաղթա-
նակով:

Ճրագը բռնեց ուժգնակի և բուխերիկին վրայ դը-
րաւ այնպէս զարնելով որ քիչ մնաց պատրոյզը պիտի
մարէր, ճրագին իւրը կաթիլներով պատին վրայ սս-
տաստեց:

Յետոյ ահարկու կերպով մը դէպի Պ. Լըպլան
դարձաւ և թքաւ յետագայ թուքերը:

— Բռնուեցա՞ր, սա՛ղղ ապուշ, պիտի եփի՛ս, պի-
տի տապկուի՛ս արդ:

Եւ նորէն սկսաւ քայել ահագին պայթուածով մը:

— Ա՛հ, կը պոտար, վերջապէս գտայ քեզի, մար-
դասէրդ պարո՛ն, մաշուած զգեռաններ հագնող միլիո-
նատէր պարոն, պէպէկներ տուող պարոն, ապու՛ղղ դու
ձերուկ, զիս չե՛ս ճանչնար, հա՞. միտքդ բե՛ր, ժամա-
նակու զիս ծաղրեցիր: Դո՛ւ ես պատճառ իմ ամէն
դժբաղդուժեանց: Հազար չինգ հարիւր Ֆրանք տալով
աղջիկ մը առիւր քովէս, որ անշուշտ հարուստներու կը
վերաբերէր որ արդէն շատ ստակ չահել տուած էր ինձ,
և որմէ մինչև մեռնիլս ապրելու չափ ստակ պիտի
առնէի:

Թենարտիէ դադրեցաւ խօսելէ: Իր նեղ^{ու} և պզտիկ
կուրծքը դարձնօցի փուքի մը պէս կը հեւար: Իր աչ-
քը լի էր նուաստ երջանկութեամբ մը, երջանկութիւն
տկար, անգութ և վառ արարածի մը որ վերջապէս

կրնայ տապալել ինչ որ ահարկած է զինքը և նախա-
տել ինչ որ սղոքած է. ուրախութիւն թզուկի մը որ
ներքանը Գողիաթին գլուխին վրայ դրած է. ուրախու-
թիւն չնագայի մը որ կ'սկսի գիշատել հիւանդ ձուլ մը
որ բաւական մեծած ըլլալով ա՛լ չը կրնար դէմ դնել և
բաւական կենդանի ըլլալով տակաւին կրնայ համբերել
առաւապանքի:

Պ. Լըպլան չընդմիջեց անոր խօսքը, բայց երբ թե-
նարտիէ դադրեցաւ խօսելէ, ըսաւ.

— Չգիտեմ թէ ի՛նչ ըսել կ'ուզես: Կը սխալիս
նիստ աղքատ մարդ մըն եմ, և ամենևին միլիոն ու-
նեցող հարուստ մը չեմ: Չեմ ճանչնար քեզի: Զիս ու-
րիշ մը կը կարծես:

— Ա՛հ, հոնչեց թենարտիէ, աղէկ փախուստի
ձամբայ: Այդ կատակով զի՛ս պիտի խաբես: Կը չփո-
թիս, ձերուկ: Ա՛հ, չե՛ս լիչեր: Չտեսնե՞ս թէ ո՛վ եմ ես:

— Ներէ՛, պարոն, պատասխանեց Պ. Լըպլան քա-
ղաքավարական ձայնով որ այսպիսի վայրկեանի մը
մէջ տարօրինակ և զօրաւոր բան մը ունէր, կը տես-
նեմ որ աւազակ մըն ես:

Ամէն մարդ դիտած է թէ ամէնէն պժգալի անձինք
այ դիւրագրգռութիւն ունին. հրէշները գգայուն են:
Այս աւազակ բառին վրայ թենարտուհին անկողնէն
վար ցատկեց, թենարտիէն ալ աթոռը բռնեց իբր թէ
ուզէր ձեռքերուն մէջ խորտակել զայն:

— Դուն տեղդ կեցիր, պոռաց կնոջը, և դէպի Պ.
Լըպլան դառնալով:

— Աւազա՛կ ըսիր. այո՛, գիտեմ որ դուք այս-
պէս կ'անուանէք մեզի, պօրոն հարուստներ: Աղէկ
միտքս եկաւ. ստոյգ է թէ մնանկացայ, կը պահուիմ,
հաց չունիմ, ստակ չունիմ, և աւազակ մըն եմ: Ա՛հ,
գուք հարուստներ, դուք ձեր ոտքերը կը տաքցնէք,

հողաթափներ կը հազնիք, արքեպիսկոպոսներու պէս տարակ թիկնոցներ ունիք, դռնապան ունեցող տուներու առաջին դստիկոնները կը բնակիք: Պարոն մի- լինաաւեր, զիտնաս որ ժամանակաւ ընկերական վիճակ մը ունէի, տուրք կը վճարէի, ընտրող էի, քաղքենի մըն եմ ես, բայց դու, թերևս դու քաղքենի իսկ չես:

Հոս թենարտիէ քայլ մը առաւ դէպի դուռին քով կեցող մարդերը, և սասանումով մը շարունակեց.

— Երբ կը մտածեմ թէ կը համարձակի հոս գալով հետս իբր հին մուճակներ, կարկտողի մը հետ խօսելու:

Յետոյ մոյզնութեան վերացումով մը Պ. Լըպլանին դառնալով:

— Գիտնաս նաև, պարոն մարդասէր, թէ անյայտ մարդ մը չեմ ես: Չեմ այն մարդերու կարգէն որոնց անունը յայտնի չէ և որոնք տուները կը մտնեն մանուկներ առեւանգելու համար: Գաղիական վաղեմի զինուոր մըն եմ ես, պէտք է որ շքանշան մը առած ըլլայի: Վաթերլոյի պատերազմին մէջ ես ալ կուռեցայ, և պատերազմին մէջ կոմս տը Բոնմէրսի անունը գորտպետ մը ազատեցի: Պատկերը զոր կը տեսնես և զոր Դաւիթ նկարեց Պրիւսէի մէջ, զիտե՛ս դով կը ներկայացնէ, զիս կը ներկայացնէ: Դաւիթ ուզեց անմահացնել այս ռազմական քաջութիւնը: Բոնմէրսի զորապետը շալակս առած եմ, և ռումբերու մէջէն տանելով կ'ազատեմ: Այս է անա պատմութիւնը: Այս զորապետն ալ կրէիք բան մը չըրաւ ինձ, ան ալ ուրիշներուն պէս է եղեր: Բայց և այնպէս ես ազատեցի իր կեանքը՝ իմինս վաճառելով, և զայս հաստատող վեհայագիրներով լի են գրպաններս: Վաթերլոյի զինուոր մըն եմ ես, հիմա հասկցա՛ր, նզովից արժատ: Եւ հի-

մակ որ այս ամէնը քեզի բեղու բարութիւնը ունեցայ, վերջ տանք, ստակ պէտք է ինձ, շատ ստակ պէտք է, անագին գումար պէտք է, թէ ոչ կտոր կտոր պիտի ընեմ քեզի, ապիրաաներուն ապիրատը:

Մարիուս փոքր ինչ զսպած էր իր անձկութիւնները, և մտիկ կ'ընէր: Այլ ամենափոքր տարակոյս մը ունենալը անկարելի էր, կտակին մէջ նշանակուած թենարտիէն իրօք այս մարդն էր: Մարիուս սարսու- ցաւ երբ լսեց իր ապերախութեան այսպէս յանդի- մանուիլը, ապերախութիւն զոր աղէտապէս արդա- բացնելու կէտին մէջն էր ինք: Մարիուսի վա- բանումները կրկնապատկուեցան: Մանտանդ թէ թե- նարտիէի այս ամէն խօսքերը, արտասանութիւնը, շտր- ժումները, նայուածքը՝ որ ամէն մէկ բառէն բոցեր կը ժայթքեցնէր, ամէն բան ցուցնող յոռի բնաւորութիւն մը այս պայթումը, անապարձութեան և նուաստու- թեան, հպարտութեան և փոքրօգութեան, կատաղու- թեան և թեթեւամտութեան այս խառնուրդը, իրական տրտունջներու և կեծղ զգացումներու այս դառար, բռ- նարարութեան հեշտութիւնը վայելող չարսիրտ մարդու այս անամօթութիւնը, տգեղ հոգիի մը այս լրբենի մեր- կութիւնը, ամէն ատելութեանց հետ խառնուած, ամէն տառապանաց այս համակիրումը բան մը ունէին որ չարութեան պէս սոսկալի և ճշմարտու- թեան պէս կսկծալի էր:

Ճարտարագէտի պատկերը, Դաւիթին նկարը զոր Պ. Լըպլանին առաջարկած էր գնել, ընթերցողը գու- շակեց հարկաւ թէ ոչ այլ ինչ էր եթէ ոչ իր խօհա- տունին դրան վրայ դրած նշանատախտակը զոր՝ ինչ- պէս ընթերցողը կը յիշէ անշուշտ, թէնարտիէ ինք նը- կարած էր և որ իր Մոնֆերմէյի նաւաբեկութենէ մը- նուցած միակ բեկորն էր:

Մարիուսի տեսողական ճառագայթը խափանուելէ դաւրած ըլլալով, հիմակ ան կրնար գիտել այս բանը, և այս դեղնագոյն ներկանկարին մէջ իրօք պատերազմ մը, միապատ յատակ մը և մարդու ուրիշ մարդ մը տանիլը կը տեսնէր որոշապէս: Այս երկու մարդերն էին Թենարտիէ և Բօնմէրսի. ազատիչ յիսնապետը և ազատուած քնդապետը: Մարիուս արբշխի մը կը նրմանէր. այս պատկերը կերպով մը կենդանութիւն կուտար իր հօրը. ալ Մօնֆէրմէյլի պանդակին նշանատախտակը չէր այն, հապա յարութիւն մը, գերեզման մը կիսովին կը բացուէր անոր վրայ, ուրուակած մը կ'ելչէր գերեզմանէն. Մարիուս թունթերուն մէջ սրտին գունչիլը կը լսէր, Վաթէրլոյի թնդանօթը ականջներուն մէջ կորոտոր, կ'ահաբեկէր զինքը իր արինաթաթա հայրը որ այս սոսկայի նկարատախտակին վրայ ազտապէս նկարուած էր, և կը թուէր Մարիուսի թէ այն դիմաստուերը իրեն կը նայէր ուղղակի:

Երբ Թենարտիէ շունչ առաւ, իր արինաթոյր բերբերը Գ. Լըպլանին վրայ յառեց, և ցած ու կարօկ ձայնով մը քսաւ անոր.

— Չարչարուիլ սկսելէ առաջ ըսելիք մը ունիս: Գ. Լըպլան կը լսէր: Այս լուսութեան միջոցին թոյլ ձայն մը յետագայ սոսկալի հեգնութիւնը ըրաւ նրբանցքէն:

— Եթէ պէտք է փայտ ճեղքել, ևս պատրաստ եմ հոս:

Տապարակիր մարդն էր խօսողը որ կը զուարճանար:

Նոյն պահուն անկուած մազերով և հողագոյն ահագին դէմք մը երեւցաւ դուռէն սոսկալի խնդուամով մը որ չէ թէ ակռաներ այլ ակիչներ կը ցուցնէր:

Տապարաւոր մարդուն դէմքն էր այն:

— Ինչու դիմակդ հանեցիր, գոչեց Թենարտիէ կատաղութեամբ:

— Խնդալու համար պատասխանեց մարդը: Բանի մը վայրկենէ ի վեր կ'երեւար թէ Գ. Լըպլան Թենարտիէի ամէն շարժումները կը նայէր և կը դիտէր. մինչդեռ Թենարտիէ նոյն իսկ իր կատաղութենէն շտանալով և կուրնալով որչին մէջ կ'երթեւեկէր, վըստան ըլլալով թէ զուար պահպանուած է, թէ իր սպառազէն իշխանութեան տակն և անգէն մարդ մը, թէ մէկին դէմ ինն էր լնք՝ իր կիներ միայն մէկ մարդու տեղ հաշուելով: Թենարտիէ տապարակիր մարդուն այն յանդիմանութիւնը ուղղած վայրկեանին կ'ոնակր Գ. Լըպլանին զարձուցած էր:

Գ. Լըպլան այս վայրկեանը պատահ աբիթ սեպեց, առքովը աթոռը և ձեռքովը սեղանը հրեց, և ոստումով մը, զարծանալի արօգաշարժութեամբ մը պատուհանին քով հասաւ առանց ժամանակ տալու Թենարտիէին որ ետեւը գօռնայ: Մանրեկրորդի մը մէջ պատուհանը բացաւ, յենարանէն վեր ելաւ և վրայէն ցատկեց: Կիսովին դուրսն էր արդէն երբ վեց հաստաբազուկ ձեռքեր բռնեցին և ուժով մը որջը բերին զայն: «Թխահան մաքրող» երեք մարդերն էին անոր վրայ խոյացողները: Միևնոյն ժամանակ Թենարտուհին ալ մարդուն մազերը բռնած էր ափերովը:

Ոտքերու դիպտուքը լսելով միւս աւազակներն ալ նրբանցքէն վազեցին եկան: Այն ծերը որ անկողնին վրայ էր և արբշխ կ'երեւար, խշտեակէն վար իջաւ, և երեքալով հասաւ ուղեգործի կռան մը ի ձեռին:

«Թխահան մաքրողներէն» մէկը Գ. Լըպլանին զըլուխին վերեւը երկաթէ թիբ մը կը վերցնէր որու երկու ձայրը երկու կապարեայ դուռնդեր կային. այս աւազակին երեսը թէև մրտ էր, բայց ձեռքի ճրագին

լայտէն լուսաորում ըլլալուն համար, Մարիոն անոր
երեսին մուրովը հանդերձ ով ըլլալը ճանցատ Բրէն-
թանիէ, — Պիկրընայլ ըսում Բունչոն էր ան:

Մարիոն չկրցաւ դիմադրել այս տեսարանին. —
Ներէ՛ ինձ, հայր իմ քրտաւ մտապէս, և մատովը ա-
տրճանակին կայծահանը փնտուեց: Ատրճանակը քիչ
մնաց պիտի պարպուէր, և անա թենարտիէի ձախը
պոռաց:

Պէշութիւն մի՛ ընէք իրեն:

Նահատակին այս յուսահատական փորձը թենար-
տիէին չէ թէ զայրոյթ այլ հանդարտութիւն տուած էր:
Թենարտիէ կրչին մարդ մըն էր, մարդ անգութ և
մարդ վարպետորդի: Անգութ մարդը մինչև հիմա յաղ-
թանակի աւիւնովը համակուելով իշխած էր իյնող և
չչարժող որսին առջև. երբ նա՛ ատակը խլրտեցաւ և
կուռիլ ուղեց, վարպետորդի մարդը երեւցաւ և յաղ-
թանակեց:

— Պէշութիւն մի ընէք իրեն կրկնեց, և՛ ատանց
ինքն ալ գիտնալու իբր առաջին յաջողութիւն, կեցուց
նետուելու պատրաստ ատրճանակը և հաշմեց Մարի-
ոնը որու համար ստիպողական հարկը վերցաւ, և որ
տեսարանին այս նոր կերպարանը տեսնելով անպատեհ
չսեպեց տակաւին համբերելը: Ո՞վ գիտէ. թերեւս բազ-
դի նոր շրջում մը պատահելով Իւրսիւլի հայրին մահ-
ուանը համբերելու կամ գնդապետին ազատիչը կորուս-
տի մատնելու սոսկալի բնարութիւնը ընելէ պիտի ա-
ղատէր զինքը:

Հէրքիւլեան կուռ մը սկսած էր: Պ. Լըպլան անա-
դին կուռի մը իջեցնելով ձերը սենեակին մէջ ազը
թաւալելոր նետած, ձեռքին արտաքին կողմովը երկու
ապակ/տալով յարձակողներուն երկուքն ալ տապա-
լած, և միւսներէն ալ երկու հողի իր ծունկերուն տա-

կը առած էր. ապիրատները կրանիթէ երկանաքարի մը
ներքև գոնուողի պէս կը հանչէին անոր ծունկին ներ-
քև ճնշուելով, բայց միւս շորը անարկու ձերունին
կու մրադէմներու վրայ կծկած էին զայն: Այսպէս մէկ
քանին նուաճելով և մէկ քանիէն նուաճուելով, վա-
րինները ճմլելով և վերիններուն տակը շնչապատ մը-
նալով, իր վրայ գիշուող ամէն ոյժերը նսնարաբար ցըն-
ցելով Պ. Լըպլան աւազակներու սոսկալի խուսքին
ներքև աներեւոյթ կ'ըլլար ոռնացող անագին շուներու
և պառակներու դէզի մը տակ մնացող վարադի պէս:

Աւազակները վերջապէս կրցան պատուհանին ա-
մէնէն մտ անկողնին վրայ տապալել և հանդաւտ կե-
ցնել զայն: Թենարտուհին անոր մազերը թողած չէր:

— Դու, ըսաւ թենարտիէ, դու մի խառնուիր այս
գործին: Հիմա շալի պիտի պատուես:

Թենարտուհին՝ արուին հնազանդող մատակ գայլի
մը պէս գոռոււմով մը հնազանդեցաւ:

— Դուք ալ, ըսաւ թենարտիէ, ասոր վրան փըն-
տուեցէք:

Պ. Լըպլան կ'երեւար թէ ալ որչա՛մ էր չզիմա-
դրել: Աւազակներն անոր ամէն գրպանները պոռնեցին:
Կաշիէ քսակ մը գտան միայն որու մէջ վեց ֆրանք
կար, և թաշկինակ մը:

— Ի՛նչ չթղթակալ չկա՛յ, հարցուց:

— Ոչ ալ ժամացոյց, պատտախանեց «ծխահան
մաքրողներէն» մէկը:

— Հող չէ, միմոաց որովայնախոսի ձայնով մը այն
դիմակաւոր մարդն որ ձեռքը մեծ բանալի մը ունէր,
վայրենի ձեռք մըն է այս:

Թենարտիէ դուռին քովի անկիւնը գնաց և անկէ
չուաններ առնելով աւազակներուն նետեց:

— Անկողինին ոտքին կապեցէք զինքը. և Նշմաբելով աւազակներուն ծերր որ Պ. Լրպլանին կռուփէն սենեակին մէջտեղը նետուած և փռուած էր անշարժ:

— Մի՞թէ մեռած է Պուլաթրիւն, հարցուց:

— Ոչ, պատասխանեց Պիկրոնայլ, գինով է:

— Դէպ անկիւն մը աւելցէք զայն, ըսաւ Թենարտիէ:

«Մխահան մաքրողներէն» երկուքը ոտքով երկաթեղէններու դէզին քով հրեցին արբշխար:

— Պապէ, ինչ՞ու այդքան շատ մարդ բերիր, ըսաւ կամաց մը Թենարտիէ բրաւոր մարդուն, անօգուտ էր այդքանը:

— Ի՞նչ ընեմ, պատասխանեց բրաւոր մարդը, ամէնքն ալ ուզեցին մասնակցիլ: Յոտի է եղանակը: Գործ չկայ:

Այն խշտակը որու վրայ տապալուած էր Պ. Լրպլան, հիւանդանոցի տեսակ մը անկողին էր և հազիւ հազ քառակուսուած փայտէ չորս սիւներու վրայ կը կռթնէր: Պ. Լրպլան դիմադրութիւն չբաւ: Աւազակներն ոտքի վրայ կեցնելով պատուհանին ամենէն հեռու և բուխերիկին ամենէն մօտ անկողինն սիւնին կապեցին զայն՝ ոտքերը գետինը դնելով: Երբ վերջին հանգրայցը կապուեցաւ, Թենարտիէ աթոռ մը առաւ և եկաւ դրժէ Պ. Լրպլանին դէմ նստաւ: Թենարտիէ ալ առջի Թենարտիէին չէր նմանէր. քանի մը վայրկեանի մէջ իր դէմքը մոլեգին բնութիւնը ձգած և հանդարտ ու կեղծ հեղութիւն մը առած էր: Մարիուս գրասենեակի մարդու յատուկ անոր այս քաղաքավարական ժպիտը տեսնելով դժուարաւ կը ճանչնար թէ պահ մը առաջ փրփրազող գրեթէ անասնային բերանն էր այն ժպտող բերանը. շուարուժով կը դիտէր այս ծիծաղական և տաքնապալի այլակերպութիւնը կրդգար ինչ որ

մարդս կ'զգայ երբ վագրի մը նենգամիտ դատասէրի մը փոխուիլը կը տեսնէ:

— Պարոն... ըսաւ Թենարտիէ:

Շարժում մը ընելով հեացուց աւազակները, որոնք իրենց ձեռքը տակաւին Պ. Լրպլանի վրայէն քաշած չէին: Ամենքն ալ գէպի դուռը քաշուեցան:

— Պարոն կրկնեց Թենարտիէ աղէկ չես ըներ պատուհանէն ցատկելու փորձ ընելովդ: Թերեւս ոտքդ կարէիր: Հիմա, եթէ կը ներես, հանդարտօրէն պիտի խօսինք: Բան մը դիտեցի. նախ պէտք է որ այս դիտողութիւնս յայտնեմ քեզ. մինչև հիմա տակաւին ազդակ մը չհանեցիր:

Թենարտիէ իրաւունք ունէր. այս պարագան ըստոյզ էր, թէև Մարիուս իր խոսվութեանը մէջ Նշմարած չէր զայն: Պ. Լրպլան հազիւ թէ քանի մը խօսք արտասանած էր առանց բարձրացնելու ձայնը, և՛ նաև պատուհանին քով վեց աւազակներու հետ կռուած միջոցին ամենախորին և խիստ տարօրինակ լռութիւն մը պահած էր: Թենարտիէ շարունակեց.

— Ի՞նչ զարմանք, եթէ փոքր ինչ գող կայ, մարդասպան կայ, պոռայիբ, անպատեհ չպիտի սեպէի պռալդ. ի պահանջել հարկի ներելի է այդ ազդակը ձգել. և ես իմ մասին չար միտքով չպիտի առնէի ազդակդ: Խիստ բնական բան մըն է քիչ մը վիվուկ հանել երբ մարդս կը գտնուի այնպիսի անձերու մէջ որ բաւական վտանգելի չեն երեւար: Եթէ պոռայիբ անգամ, ոչ ոք բան մը պիտի ըսէր քեզ, և ոչ իսկ զայ պիտի դրուէր բերանդ: Ըսեմ քեզ թէ ինչո՞ւ: Ասանդի այս սենեակին ձայնը չըլտուիր. այս սենեակը այս յատկութիւնէն ի զատ բան մը չունի. բայց՝ ինչպէս ըսի՝ ունի այս յատկութիւնը: Ստորերկրեայ մառան մըն է այս, որու մէջ եթէ ուումը մը նետելու ալ ըլլայ, ամե-

նէն մօտակայ պահնորդարանը պիտի կարծէ թէ զինովի մը խորհուրդն ձայնն է այն: Հոս թնդանութի գոռումը պո՛ււմ, որտու՛մն ալ բո՛ւլֆ ըսել է դուքսի մարդերու համար: Յարժար ընակարան մըն է այս: Բայց ինչ և է, աւելի աղէկ ըրիր չպո՛ռալով. շնորհակալութիւն, և ահա ըսեմ քեզ թէ ի՛նչ կը հետեցնեմ այդ լուծութիւնէդ: Սիրելիդ իմ պարոն, երբ ազադակ ձգուի, ո՛վ կուգայ. Ոստիկանութիւնը: Եւ ոստիկանութենէն ետք՝ Արդարութիւնը: Արդ քանի որ չպօռացիր, ըսել է թէ դու ալ մեզի պէս ոստիկանութեան և արդարութեան հոս գալը չես ուզեր. ըսել է թէ բան մը ունիս զոր շահդ կը պահանջէ թագուն պահել: Մեր շահն ալ միևնոյնը կը պահանջէ: Ուրեմն կրնանք համաձայնիլ:

Թենարտիէն մինչդեռ այսպէս կը խօսէր, կարծես թէ՛ բերք Պ. Լըպլանին վրայ յառելով՝ իր աչքերէն ելլող սրածայր սլաքները կալանաւորին մինչև խիղճը մխելու կ'աշխատէր: Սակայն իր խօսուածքը որ տեսակ մը սմանդուկի յատուկ և չափաւոր անամօթութեան մը գրոշմը կը կրէր, զգուշաւոր և գրեթէ ընտիր ձև մը ունէր, և լսողը կ'զգար թէ ան որ քիչ մը առաջ աւաղակ էր հիմա էր նաև «այնպիսի մարդ մը որ ուսում առած է եկեղեցական ըլլալու համար»:

Կալանաւորին պահած լուծութիւնը, իր կեանքի ազատումին հոգը անգամ մոռնալու աստիճան ըրած զգուշութիւնը, և այն դիմադրութիւնը զոր ցուցուցած էր ընութեան առաջին շարժումին որ է ազադակ մը հանել, պէտք է ըսել թէ՛ թենարտիէի դիտողութենէն ի վեր՝ անախորժ տպաւորութիւն մը և ցաւալի գորմանք մը հուտային:

Թենարտիէի շատ իրաւացի դիտողութիւնը Մարիուսի համար ա՛լ աւելի կը մթա՛նարէր այն անիմանալի թանձրութիւնները որոնց ներքև կը պահուէր այս

ծանր և տարօրինակ կերպարանքի, կերպարանք որու Գուրֆէյրագ Պ. Լըպլանն ծիծաղելի մականունը տուած էր: Բայց ո՛վ կ'ուզէր թող ըլլար այս մարդը, չուաններով կապուած, գահիճներէ շրջապատուած և կարծես կիսովին ընկղմած էր փոսի մը մէջ որու խորութիւնը ամէն րէպէ աստիճան մը կ'աւելնար, բայց և այնպէս թենարտիէի թէ՛ կատաղութեան և թէ՛ հեղութեան առջև անզգայ կը մնար, և Մարիուս այնպիսի պարագայի մը մէջ չէր կրնար չսքանչանալ այս դէմքին վրայ որ վռնմ թախճութիւն մը ունէր:

Անշուշտ այս մարդը բուրբոզին աներկիւղ հոգի մըն էր և շուարիլ ինչ բան է չէր դիտեր: Այն մարդոցմէն մէկն էր որոնք յուսահատական կացութիւններու զարմանքը կը զսպեն: Թէև շատ ծայրայեղ էր ճշնածամը, թէև անխուսափելի էր ազետալի վախճանը, բայց և այնպէս ան ամենեւին չէր ցուցներ անյայտի բան մը որ կարենա՞ն նմանիլ ջուրին տակ սոսկալի կերպով աչքերը բացող ծովամոյճի մը հեզեւարութեան:

Թենարտիէ ասանց սեթեւեթի ոտքի վրայ ելլելով բուխերիկին քով գնաց, հողմարգելը վերցնելով մօտակայ խշտեակին կոթնցուց, և այսպէս երեսան հանեց հրաբորբոք կրակարանը որու մէջ կալանաւորը կրնար կատարելապէս տեսնել ճերմակ երեսուրու չափ կարմրած և տեղ տեղ շոռագոյն պղտիկ աստղերու ձևը առած դուրս:

Յետոյ թենարտիէ Պ. Լըպլանի մօտ գալով նստաւ: Կը շարունակեմ, ըսաւ. կրնանք համաձայնիլ: Բարեկամարար կարգադրենք գործը: Իրաւունք չունէի քիչ մը առաջ բարկանալու. չգիտեմ թէ ուր էր խելքը սահմանէն անցայ. այսանդակ բաներ ըրի: Օրինակի համար ըսելով թէ միլիոնատէր ես, սասկ շատ

ստակ, ահագին գումարներ կը պահանջէի: Բայց տնիրաւու թիւն մըն է այդպիսի պահանջում մը: Է՛ն որքան ալ հարգաստ ըլլաս, գու ալ ծախք ունիս, և մի է չունեցողը. չեմ ուզեր անանկել զքեզ. վերջապէս կծծի մը չեմ: Չեմ նմանիր այն մարդոց որոնք կացութեան մը մէջ երբ զօրաւորագոյն կ'ըլլան, պատեհ տոբիթ կը համարեն ծիծաղելի ըլլալը: Ահա ես կը զիջանիմ և իմ կողմէ զոհողութիւն մը կ'ընեմ: Պարզապէս երկու հարիւր հազար Ֆրանք պէտք է ինձ:

Պ. Լըպլան բառ մը չարտասանեց: Թենարտիէ շարունակեց.

— Կը տեսնես որ պահանջումս բաւական չափաւորեցի: Չգիտեմ թէ որքան է հարստութիւնդ: Բայց գետեմ թէ ստակին չես նայիր, և քեզի պէս բարեգործ մարդ մը շատ ազէկ կրնայ երկու հարիւր հազար Ֆրանք տալ ընտանեաց գլուխի մը որ ապերջանիկ է:

— Անշուշտ դուն ալ նոյնպէս իրաւունքը ճանչցող ես: Անշուշտ չերեւակայեցիր թէ քիչ մը զինի խմել և Տէնուայի պանդոկը կողի միս ուտել կարենալու չափ ըստակ ուզելու համար աշխատած ըլլամ ինչպէս է այսօրուան աշխատանքս, և կարգադրեմ այս գիշերուան գործը որ այս պարտններուն վկայութեան նայելով լաւ կարգադրուած գործ մըն է: Երկու հարիւր հազար Ֆրանք, այս է ահա ասոր արժէքը: Երբ այս չնչին գումարը զրպանէդ կ'ելլէ, կ'ապահովեմ քեզ թէ ամէն բան կը լմնայ և թէ մազիդ մէկ թելին անգամ չպիտի զրպչուի: Պիտի ըսես ինձ թերեւս թէ երկու հարիւր հազար Ֆրանք չկայ վրադ: Ո՛հ, ես չափազանցող չեմ: Ատիկա չեմ պահանջեր: Բան մը միայն կը պահանջեմ քեզմէ: Բարեհաճէ գրելու ինչ որ պիտի ըսեմ քեզի:

Հոս Թենարտիէ ընդմիջեց խօսքը, յետոյ շարունակեց բառերը ծանր ծանր արտասանելով և դէպի կըրակաթրանին կողմը ժպիտ մը տալով:

— Այժմէն ըսեմ թէ մտիկ չպիտի ընեմ եթէ դիր գրել չգիտնալ ձեւացնես:

Երեւելի հաւատարմանիչ մը կրնար նախանձիլ այս ժպիտէն:

Թենարտիէ սեղանը Պ. Լըպլանին քով հրեց, և կաղամար մը գրիչ մը և թերթ մը թուղթ առաւ զըզրոցին մէջէն զոր կիսաբաց թողուց և ուր դանակին երկայն երկաթը կը փայլէր:

Թուղթը Պ. Լըպլանին առջեւ գրաւ:

— Գրէ՛, ըսաւ:

Կալանաւորը վերջապէս խօսեցաւ.

— Ի՞նչպէս կ'ուզես որ գրեմ. կապուած եմ:

— Իրաւ ըսիր, ներէ՛ ըսաւ Թենարտիէ, շատ իրաւունք ունիս:

Եւ դէպի Պիկրընայլ դառնալով.

— Քակէ պարտնին աջ թելը:

Բանչօ-Բրէնթանիէ-Պիկրընայլ աւազակը կատարեց Թենարտիէի հրամանը: Երբ կալանաւորին աջ ձեռքը ազատ եղաւ, Թենարտիէ գրիչը մելանին թաթխեց և անոր տուաւ:

— Պարոն, ազէկ դիտէ՛ որ մեր իշխանութեան տակն ես, մեր ափին մէջ ես. թէ որ և է մարդկային զօրութիւն չկրնար քեզի օսկէ ազատել, և թէ յիրաւի պիտի ցաւինք եթէ բռնադատուինք անախորժ միջոցներու դիմելու: Ոչ անտունդ, ոչ ալ հասցէդ գիտեմ, բայց ահա այժմէն իմաց կուտամ քեզ թէ գրելու նամակդ տանող անձին մինչև վերադառնալը կապուած պիտի մնաս: Այժմ հաճէ գրելու:

— Ի՞նչ, հարցուց կալանաւորը:

— Ահա տուն կուտամ:

Պ. Լըպլան գրիչը առաւ:

Թենարտիէ սկսաւ անուն տալ:

— «Աղջիկս...»

կալանաւորը սարսռեցաւ, և աչերը վեր ընելով
Թենարտիէին նայեցաւ:

— Դիր Եսիրելի աղջիկս», ըսաւ Թենարտիէ:

Պ. Լըպլան ննազանդեցաւ: Թենարտիէ շարունակեց:

— «Անմիջապէս եկո՛ւ...»

Խօսքը ընդմիջելով.

— Ձինք գուղելով կը խօսիս հետը, այնպէս չէ՛:

— Որո՛ւ հետ, հարցուց Պ. Լըպլան:

— Ձարմանելի՛ հարցում, պղտիկին հետ, ըսաւ
Թենարտիէ:

Պ. Լըպլան առերեւոյթս առանց ամենափոքր յոյժ
մը ցուցնելու պատասխանեց.

— Չգիտեմ թէ ինչ բնի կ,ուզես:

— Լա՛ւ, շարունակէ, ըսաւ Թենարտիէ, և սկը-
սաւ տուն տայ:

— «Անմիջապէս եկո՛ւ: Անհրաժեշտ պէտք ոտնիմ
քեզի: Այս տոմսակը յանձնողը քեզի առնելով քովս
բերելու է: Ի՛սպասեմ: Եկո՛ւ վստահութեամբ»:

Պ. Լըպլան գրած էր Թենարտիէի ամէն ըսածը:
Թենարտիէ կրկնեց:

— Ա՛հ, սրբէ եկու վստահութեամբը, այդ կրնաս
ենթադրել տալ թէ գործը բոլորովին պարզ բան մը
չէ և թէ անվստահութիւնը կարելի է:

Պ. Լըպլան արեց երկու բառը:

— Այժմ, շարունակեց Թենարտիէ ստորագրէ՛:
Ի՛նչ է անունդ:

Կալանաւորը վար դրաւ դրիչը և հարցուց.

— Որո՛ւ պիտի ուղղուի այս նամակը:

— Արդէն գիտես, պատասխանեց Թենարտիէ,
պղտիկին պիտի ուղղուի: Քիչ մը առաջ ըսի:

Յայննի էր թէ Թենարտիէ կ'ըզուշանար անուա-
նել այն նորատի աղջիկը որու վրայ էր խնդիրը: «Ար-

տայար» կ'ըսէր. «պզտիկը» կ'ըսէր, բայց անունը չէր
տար: Յանցակիցներուն առջև իր գաղտնիքը պահող
սատանայ մարդու մը զգուշութիւնն էր այս: Անունը
տալով բոլոր «գործը» իր յանցակիցներուն յանձնել և
պէտք եղածէն աւելի բան իմացնել էր անոնց:
Թենարտիէ կրկնեց.

— Ստորագրէ: Ի՛նչ է անունդ:

— Իւրպէն Ֆապրը, ըսաւ կալանաւորը:

Թենարտիէ կատուի մը շարժումով անմիջապէս
ձեռքը զրպանք տարաւ և հանեց Պ. Լըպլանին վրայէն
առնուած թաշկինակը: Թաշկինակին նշանագիրը փըն-
տրուեց և ճրագին մօտեցուց:

— Ի. Ֆ: Ծիչդ է. Իւրպէն Ֆապրը: Լա՛ւ, ստո-
րագրէ Ի. Ֆ:

Կալանաւորը ստորագրեց:

— Նամակը ծալլելու համար երկու ձեռք պէտք
է, ինծի տուր, ես ծալլեմ:

Ծալլելէն ետք Թենարտիէ կրկնեց.

— Գրէ հասցէն. Օրիորդ Ֆապրը, տունդ: Փիտեմ
որ տունդ, ասկէ շատ հեռու չէ, Սէն Ժագ տիւ Զօ Բայի
մօտերն է, վասն զի ամէն օր այն ժամը պատարագ
տեսնելու կ'երթաս, բայց չեմ գիտեր թէ ո՛ր փողոցն
է: Կը տեսնեմ որ կը հասկնաս ինչ կացութեան մէջ
գտնուելդ: Ինչպէս որ անունդ չկեղծեցիր, չպիտի
կեղծես նաև հասցէդ: Դուն ձեռքովդ գրէ հասցէն:

Կալանաւորը պահ մը կեցաւ խորրելով, յետոյ
գրիչը առաւ և գրեց.

— Օրիորդ Ֆապրը, Պ. Իւրպէն Ֆապրի տունը,
Սէն Տօմինիգ տ'Անֆէր փողոց, թիւ 17:

Թենարտիէ նամակը առաւ տեսակ մը տենդային
ուղմունքով:

— Կնի՛կ, պօռաց:

Թենարտիէին երեւցաւ:

Ահա նամակը: Գիտես թէ ինչ պիտի ըսես: Վարը կառք մը կայ, շուտ գնա՛, և շուտ դարձիր:

Եւ տապարաւոր մարդուն ուղղելով խօսքը.

— Գու քանի որ դիմակդ հանեցիր, տիկնոջ հետ գնա: Կառքին ետեւը հեծիր: Գիտես՞ մարէնկօթը ուր ձգելդ:

— Այո՛, ըսաւ մարդը:

Եւ՝ տապարը անկիւն մը դնելով՝ Թենարտուհին ետեւէն գնաց:

Երբ կ'երթային, Թենարտիէ գլուխը կիսաբաց դռնէն դուրս հանեց և փողոցէն պոռաց անոնց:

— Նայէ որ նամակը չկորսնցնես. մտածէ՛ որ երկու հարիւր հազար Փրանք կայ վրայ:

Թենարտուհին բիրտ ձայնը պատասխանեց.

— Անհոգ եղիր: Ստամոքսիս մէջ դրի նամակը: Վայրկեան մը անցած չէր, և ահա մտրակի մը շահումը լսուեցաւ որ շուտ մը նուազելով անլսելի եղաւ:

— Լաւ, կ'մկմաց Թենարտիէ: Արագապէս կ'երթան: Այս արշաւուժով տիկինը երեք քառորդէն պիտի դառնայ:

Աթոռ մը մօտեցուց բուխերիկին և վրան նստաւ՝ թեւերը խաչածեւելով և իր տղմուտ կօշիկները կրակարանին մօտեցնելով.

— Ոտներս կը պաղին, ըսաւ:

Որջին մէջ ա՛յ Թենարտիէ և կալանաւորին հետ միայն հինգ աւազակ մնացած էին:

Այս մարդիկը իրենց դէմքը ծածկող դիմակներով կամ սև սոսինձով, որոնցմով անոնք՝ վախցողի մը վախին համեմատ՝ անխաղործներու, սեւամորթներու կամ սատանաներու կը նմանէին. թմրած և տխուր կերպարանքներ ունէին, և տեսնողը կ'զգար թէ զործ

մը կատարելու պէս ոճիր մը կը գործէին՝ հանդարտօրէն, առանց բարկութեան, առանց կարեկցութեան և տեսակ մը ձանձրութեամբ: Անասուններու պէս անկիւն մը դիզուած էին և կը լռէին: Թենարտիէ իր ոտքերը կը տաքցնէր: Կալանաւորը իր լռակեցութեամբը զբաւուած էր նորէն: Տխուր հանդարտութիւն մը յաջորդած էր այն վայրկեանական ազմուկին որ քանի մը վայրկեան առաջ կը տիրէր սենեակին մէջ:

Ճրագը որու պատրոյգին ծայրը այրելով սպունդ մը կազմուած էր, հազիւ հազ կը լուսաւորէր ահագին հիւղը. խարոյկը նսեմացած էր, և այս ամէն գլուխները պատերուն և ձեղունին վրայ տձև ստուերներ կը կազմէին:

Սենեակին մէջ քնացող արբշիռ ձերուներին մեղմ շնչառութեան շշուկը կը լսուէր միայն:

Մարիուս կ'սպասէր անձկութեամբ զոր կը սաստկացնէր ամէն բան: Հանելուկը առաջուանէն աւելի անլուծելի կը մնար: Ո՞վ էր այն «պզտիկը» զոր Թենարտիէ Արտոյտ անուանած էր. իր «Իւրսի՞ւն» էր արդեօք: Կալանաւորը Արտոյտ բառը լսած միջոցին տուզուած չէր, և ամենաբնական կերպով մը ըսած էր: Չգիտեմ թէ ի՞նչ ըսել կ'ուզես: Միւս կողմէն ալ Ի. Տ. դիրերը մեկնուած էին: Իւրպէն Տապը էին, և Իւրսիւն անունը Իւրսիւլ չէր: Մարիուսին յայտնապէս տեսածը այս էր ահա: Տեսակ մը սոսկալի շացումով տեսած կը կենար իր տեղը ուրկէ ամէն բան կը դիտէր և այս տեսարանին կը նայէր: Հոն կը կենար գրեթէ անկարող ըլլալով խորհրդածելու և շարժելու, և կարծես շնչասպառ յոգնելով այն ամենապզտալի իւրերէն զոր մօտուստէն կը տեսնէր: Չկրնալով իր գաղափարները ժողովել և չգիտնալով ի՞նչ օրոշում ընելը, կ'ըսպասէր որ դէպք մը, որ և է դէպք մը պատահի:

— Ինչ և ըլլայ, կ'ըսէր, եթէ Արտոյտը այն է պիտի տեսնեմ, վասն զի Թենարտուհին հիմա հոս պիտի բերէ: Ան տանն ալ բսելիք չեմ ունենար, եթէ հորկ ըլլայ, արիւնս և կեանքս պիտի տամ, բայց պիտի ազատեմ զայն: Ոչինչ պիտի կեցնէ, զիս:

Կէս ժամի չափ անդաւ այս կերպով: Թենարտիէ կ'երեւար թէ խաւարային մտածումով մը պաշարուած էր, կալանաւորը չէր երեւար: Բայց Մարիուս մերթ ընդ մերթ և քանի մը վայրկեանէ ի վեր կալանաւորին կողմէն պզտիկ և խորին ձայն մը լսել կը կարծէր:

Յանկարծ Թենարտիէ կալանաւորին զանաւորով գոչեց:

— Գ. Յապրը, ահա շուտ մը բսեմ միտքս:

Այն քանի մը բառերը կարծես թէ լոյս մը տալ կ'սկսէին: Մարիուս ականջ տուաւ, Թենարտիէ շարունակեց:

— Կինս հիմայ պիտի գայ, անհանգիստ մի ըլլար: Կը կարծեմ թէ արտոյտը իրօք քու աղջիկդ է, և բընական կը թուի ինձ որ քովդ պահես զայն: Միայն թէ ժտիկ ըրէ քիչ մը, կնիկս նամակովդ պիտի երթայ գրտնելու զայն: Ըսի կնոջս որ՝ ինչպէս արդէն տեսար՝ հագուի այնպիսի կերպով մը որ օրիորդդ առանց դժուարութեան հետք գայ: Երկուքը մէկ կառք պիտի մտնեն: Ետեն ալ ընկերակիցս պիտի նստի: Քաղաքադուռէն դուրս տեղ մը երկու պատուական ձիերով լծուած մարէնկօթ մը կայ: Աղջիկդ հոն պիտի տարուի հոն կառքէն պիտի իջնէ: Ընկերակիցս տնոր հետ մարէնկօթը պիտի մտնէ, և կնոջս հետ վերադառնալով պիտի ըսէ մեզ: Եղաւ կատարուեցաւ: Քու աղջկանդ գալով կ'ըսեմ թէ գեշութիւն մը չպիտի ըլլայ անոր, մարէնկօթը տեղ մը պիտի տանի ուր հանգիստ պիտի սպասէ, և երբ տաս ինձ երկու հարիւր հազար ֆրանք

ըսուած պզտիկ գումարը, աղջիկդ ետ պիտի առնես: Եթէ զիս բռնել տաս, ընկերակիցս պիտի զարնէ Արտոյտը, ահա այս պիտի ըլլայ եղելութիւնը:

— Կալանաւորը խօսք մը չբտաւ: Պահ մը կենալէն ետք Թենարտիէ շարունակեց:

— Ինչպէս կը տեսնես, պարզ բան մըն է իրողութիւնը: Գեշութիւն չպիտի ըլլայ, եթէ ուզես որ գեշութիւն չըլլայ: Գործը ահա պատմեցի. առաջուց իմաց տուի քեզ որպէսզի գիտնաս:

Կանգ առաւ Թենարտիէ: Յետոյ կրկնեց, մինչդեռ կալանաւորը իր լսութիւնը կը շարունակէր:

— Հիմա կինս հոս գալով երբ պիտի ըսէ թէ Արտոյտը ճամբան է, պիտի թողունք քեզի, և ազատութեն պիտի կրնաս տունդ երթալ և պառկիլ: Ահա կը տեսնես որ գէշ գիտաւորութիւններ չունինք:

Չարհուրելի գազափարներ անցան Մարիուսի մըտքէն. ի'նչ, պիտի չբերուէ՞ր ուրեմն այն նորատի աղջիկը որ կը հափափուէր, այս հրէշներէն մէկը ուրեմն անյայտ տեղ մը պիտի տանէր զայն, և ո՞ւր արդեօք...: Հապա՞ եթէ իր Իւրսէլը ըլլար ան, և յայտնապէս կ'երեւար թէ ան էր: Մարիուս կ'զգար թէ կանգ կ'առնէին իր սրտի բարախումները: Ի՞նչ ընէր, պարզէր արդեօք հրացանը, արդարութեան ձեռքը յանձնէ՞ր արդեօք այս ամէն անզգամները: Այլ սակայն յանձնելու ալ ըլլար, դարձեալ տապարաւոր սուկալի մարդը նորատի աղջկան հետ ձերբակալութենէ ոչ մտաւ ազատ պիտի մնար, և Մարիուս միտքը կը բեւուազ ազատ պիտի մնար, և Մարիուս միտքը կը բերէր Թենարտիէի սա խօսքերը օրոնց արդիւնաբայր նըշանակութիւնը կ'ընդնշմարէր. «Եթէ զիս բռնել տաս, ընկերակիցս պիտի զարնէ Արտոյտը»:

Մարիուս կ'զգար թէ հիմա զինք ոչ միայն գնդապետին կտակը կ'արգիլէր աւազակին ձերբակալութեան

նշանը տալու, այլ նաև իր սէրը, այլ նաև այն վտանգը որու կ'ենթարկուէր իր սիրած նորաստի աղջկը:

Այս սոսկալի կացութիւնը որ արդէն մէկ ժամէ ի վեր և աւելի խսկ կը տեւէր. ամէն բոպէ տեսք կը փոխէր: Մարիուս ամէնէն կակծալի կարծիքները մի առ մի աչքին առջեւ բերելու ոյժը ունեցաւ յոյս մը փնտռելով, այլ չգտնելով: Իր խորհուրդներուն շփոթը որջին գերեզմանական լռութեան հակապատկերը կ'ընծայէր:

Այս լռութեան միջոցին սանդուղի դրան բացուելուն և գոցուելուն ձայնը լսուեցաւ:

Կալանաւորը շարժում մը ըրաւ իր կապերուն մէջ:

— Ահա կինս, ըսաւ Թենարտիէ:

Հազիւ թէ ըսած էր, և ահա իրօք Թենարտուհին կաս կարմիր դարձած, շնչասպառ, հեւալով, հրաբորբօք աչքերով ներս խուժեց, և երկու ահագին ձեռքերը իր երկու ազդրերուն զարնելով պոռաց.

— Կե՛ղծ է եղեր հասցէն:

Աւազակը զոր Թենարտուհին հետը բերած էր, ա՛նոր ետեւէն երեւալով եկաւ տապարը առաւ:

— Կե՛ղծ է եղեր հասցէն:

Աւազակը զոր Թենարտուհին հետը բերած էր, ա՛նոր ետեւէն երեւալով եկաւ տապարը առաւ:

— Կե՛ղծ է եղեր, կրկնեց Թենարտիէ:

— Մարդ մը չկայ, կրկնեց Թենարտուհին. Սէն Տօմինդ փողոցը. թիւ 17 տունը Պ. Իւրպէն Յապրը չկայ: Չեն գիտեր թէ ո՛վ է ան:

Շունչը հատնելով լռելէն ետք, շարունակեց.

— Պ. Թենարտիէ, այս ծերը ծաղրեց քեզի. ահա ասանկ կ'ըլլայ բ. բերտութեան վերջը. եթէ ես ըլլայի քու տեղդ, նախ և առաջ անոր լեզուն կը կտրէի, և եթէ չարութիւն ընէր, կենդանւոյն կ'եփէի զայն: Ան

ատեն պիտի ստիպուէր խօսելու, պիտի ըսէր թէ ո՛ւր է աղջիկը, պիտի ըսէր թէ ո՛ւր է գաբշեղի տգեղուկը: Ահա ես ասանկ կ'ընէի, եթէ ձեր տեղը ըլլայի: Շասիրաւունք ունին եղեր անոնք խսկ որ կ'ըսեն թէ մարդիկ աւելի անմիտ են քան թէ կիները: Մարդ մը չկայ, տասնրեօթը թիւը ամենամեծ դուռ մըն է:

Մարիուս շունչ առաւ. Իւրսիւր կամ Արտայտը. այսինքն աղջիկը, այն զոր ա՛լ չէր գիտեր ինչպէս անուանել, ազատուած էր:

Մինչդեռ կինը հայհոյութեամբ կը խօսէր, Թենարտիէ սեղանին վրայ նստած էր, քանի մը վայրկեան կեցաւ առանց խօսք մը ըսելու, աջ ոտքը տարուբերելով և մտախօհ վայրենիի մը կերպարանքով կրակարանը դիտելով: Վերջապէս համր և տարբօրէն անագորոյն հնչուեցով մը ըսաւ կալանաւորին:

— Կե՛ղծ հասցէ. ի՞նչ յուսացիր մեզ խաբելով:

— Ժամանակ վաստկի՛լ, պօռաց կալանաւորը ահագին ձայնով մը:

Եւ միեւնոյն ատեն ցնցեց իր կապերը որոնք կըտրուած էին: Կալանաւորը ա՛լ մէկ ոտքովը կապուած էր անկողնին:

Եօթը մարդոց զիրար ճանչնալու և իր վրայ խոյանալու ժամանակ չտալով բուխրիկին տակ ծոռած ձեռքը դէպի կրակարանը երկնցուցած, յետոյ ելած կանգնած էր, և հիմա Թենարտիէ, Թենարտուհի և աւազակները վախով որջին դէպի ներսը մղուելով շուարած կալանաւորին կը նայէին որ գլխին վերեւը կը քարձրացնէր կարմիր դուրը ուրկէ սոսկալի նշոյլ մը կ'արձակուէր. ա՛լ գրեթէ ազատ էր և զարհուրելի դիրք մը ունէր:

Դատաստանական խուզարկութիւն որու տեղի տըլաւ Կօրպոյի խարխուլ աունին դաւաճանութիւնը.

հաստատեց թէ ոստիկանութիւնը թէնարտիէի սենեակը մտած օրը, մեծ սոււ մը գտաւ, որ մասնաւոր կերպով մը կտրուած ու շինուած էր. այս մեծ սոււն ճարտարութեան այն հրաշալիքներէն մէկն է զոր թիարանի համբերութիւնը խաւարին մէջ և խաւարին համար կ'արտադրէ, հրաշալիք, որոնք ոչ այլ ինչ են թէ ոչ փախուստի գործիքներ: Այս սոււն կ'ուղես կը բանաս, կ'ուղես կը գոցես պտուտակը այս կամ այն կողմը դարձնելով. սոււի մըն է այն: Այս սոււիին մէջ ժամացոյցի զսպանակ մը կը պահուի, և ժամացոյցի այս զսպանակը՝ որ սրածայր է՝ հաստ ստնօղակներ և երկաթէ ձողեր կը կտրէ: Կը կարծուի թէ այն թշուառ թիապարտին ունեցածը սոււ մըն է, բայց ոչ սոււ մը չէ այն, այլ իր ազատութիւնը: Երբ ոստիկանութիւնը խուզարկութիւնները թենարտիէի որջին մէջ, պատահանին քովի խշտեակին տակէն ահա այս տեսակ բացուած և երկու կտորի բաժնուած մեծ սոււ մը գրտաւ: Նոյնպէս պողպատեալ և կապտագոյն պղտիկ սըղոց մը գտնուեցաւ, որ կրնար պահուիլ այն սուլին մէջ: Հաւանական է թէ աւազակները երբ կալանաւորին վրան փնտռեցին, վրան էր այս սոււն զոր կրցաւ պահել ձեռքը և թէ ետքը երբ քակուեցաւ ձեռքը, պտուտակը հանելով սոււն բացաւ, և մէջի սղոցովը զինքը կապող չուանները կտրեց: Ասով թերեւս մեկնուին այն պղտիկ ձայնը և աննշմարելի շարժումները զոր Մարիուս դիտած էր:

Պ. Լըպլան վախնալով թէ կը հասկնան աւազակները, չէր կրցած ծախ և ձախ ոտքը կապող չուաններն ալ կտրել:

Աւազակներուն առաջին դարմանքը անցած էր:
— Անհոգ եղիք, ըսաւ Պիկրընայլ թէնարտիէին:

Տակաւին կապուած է ոտքին մէկը, և ես երաշխաւոր կ'ըլլամ թէ չպիտի կրնայ փախիլ: Ես կապեցի անոր այն ոտքը:

Սակայն կալանաւորը ձայնը բարձրացուց.
— Թշուառական մարդեր էք դուք. կեանքս մեծ արժէք մը չունի որ այնքան պաշտպանեմ: Իր ձախ բազուկին թեզանին վեր ըրաւ և շարունակեց.
— Ահաւասիկ:

Եւ ահա թեւը երկնցնելով մերկ մախիմին վրայ դուռ հրարորոք գուռը զոր աջ ձեռքով փոնած էր փայտէ կոթէն:

Այրող մարմինին սարսուռը լսուեցաւ, չարչարանքի սենեակներուն յատուկ հոտ մը ծաւալեցաւ սենեակին մէջ:

Մարիուս սարսափահար երեքաց, աւազակներն անգամ սրսփում մը զգացին, տարօրինակ ձերին դէմքը հազիւ թէ կարկամեցաւ, և՛ մինչդեռ հրագոյն երկաթը ձիւղ վէր ին մէջ կը միտէր, անզգալապէս և գրեթէ վեհութեամբ թենարտիէին կը նայէր իր դեղեցիկ նայուածքովը:

— Թշուառականներ, ըսաւ, մի՛ վախնաք ինձմէ ինչպէս ես չեմ վախնար ձեզմէ:

Եւ դուրը վէրքէն հանելո՛ւ բաց մնացած պատահանէն դուրս նետեց, հրատուր եւ սոսկալի գարծին մթութեան մէջ դառնալով աներեւութացաւ, հեռու տեղ մը ձիւնին մէջ ինկաւ եւ մարեցաւ:

Կալանաւորը կրկնեց.

— Հիմակ ըրէք ինձի ինչ որ կ'ուզէք:
Չինաթափ էր կալանաւորը:

— Բռնեցէք զինքը, ըսաւ թենարտիէ:
Աւազակներուն երկուքը իրենց ձեռքը անոր ուսին վրայ դրին, և որովայնախօսի ձայն ունեցող դէ-

մակաւոր մարդն ալ դէմը կեցաւ՝ պատրաստ ըլլալով
անոր դանկր բանալով խորտակելու եթէ ամենափոքր
չարժու՛մ մը ընել ուզէր :

Նոյն միջոցին Մարիուս իր ներքեւ, միջնորմին քո-
վէն յետագայ խօսակցութիւնը լսեց որ ցած ձայնով
տեղի կ'ունենար. Մարիուս չէր տեսներ խօսողները՝
վասն զի շատ մօտեցած էին միջնորմին :

— Ա՛լ մէկ բան կը մնայ մեզ ընել,

— Սպաննել :

— Աղէկ ըսիր :

Խօսողները էրիկ ու կնիկ էին որոնք կը խորհր-
դակցէին :

Թենարտիէ կամաց կակաց քալելով դէպի սեղանը
զնաց, գգրօցը բացաւ եւ դանակը առաւ :

Մարիուս ատրճանակի բունին գունդը կը չար-
չարէր: Անլո՛ւր վարանուս: Ժամէ մը ի վեր իր խղճի՞ն
մէջ երկու ձայն կար. մէկը իրեն կ'ըսէր յարգել հօրը
կտակը, միւսը կ'ըսէր օգնել կալանաւորին: Այս եր-
կու ձայները անընդհատ իրենց կռիւ: Կը շարունա-
կէին որով Մարիուս հոգեւորի մը պէս կը չարչարուէր:
Մինչեւ այն վայրկեանը անյայտպէս յուսացած էր
զանեւ միջոց մը՝ այս երկու պարտաւորութիւնները
հաշտեցնելու համար. բայց հնարաւոր բան մը պա-
տահած չէր: Սակայն վտանգը ստիպողական էր. ա՛լ
սպասելու վայրկեան մըն ալ չկար: Թենարտիէ կա-
լանաւորէն քանի՛ մը քայլ անդին՝ դանակը ձեռքը կը
մտածէր:

Մարիուս իր աչքերը չորս դին կը շրջէր մու-
րագին. յուսահատութեան մեքենայական յետին մի-
ջոցն էր այս :

Յանկարծ սարսռեցաւ :

Բոյորակ լուսնի ճառագայթ մը անոր ոտքերուն

տակ, սեղանին վրայ թուղթի կտոր մը կը լուստւորէր
և կարծես կը ցուցնէր զայն: Մարիուս այս թուղթին
վրայ կարդաց սա տողը զոր նոյն ատու Թենարտիէի
առջինեկ աղջիկը գրած էր :

ՓՍՅՏԻՈՐՆԵՐԸ ԵՎԱՆ

Մարիուսի մտքէն գաղափար մը, լոյս մը անցաւ.
իր փնտաւած միջոցն էր. զինքը չարչարող խնդիրին
լուծումն էր այն, այսինքն մարդասպանը խնայել և
նահատակը ազատել: Ծուներ դրաւ դարանին վրայ,
թեւը երկնցուց, առաւ թուղթին կտորը, միջնորմին
բուռէն կտոր մը զատեց կամաց մը, թուղթին մէջ
դրաւ բուռին կտորը, և ծակէն Թենարտիէի որջը նե-
տեց :

Ժամանակն էր նետելուն. Թենարտիէ նուաճելով
իւր վերջին երկիւղները և յետին խղճահարութիւնները
դէպի կալանաւորը կ'ուղղուէր :

— Բան մը ինկաւ, պօռաց Թենարտուհին :

Ի՞նչ է, ըսաւ էրիկը :

Կինը խոյանալով թուղթով պլլուած բուռին կը-
տորը առած էր գետնէն: Ամուսինին աուաւ զայն :

— Ուրկէ՞ եկաւ այս, հարցուց Թենարտիէ :

— Զարմանալի՛ հարցում, ըսաւ կինը, ուրկէ՞
կրնայ մտած ըլլալ: Պատուհանէն եկաւ :

— Պատուհանէն անցնելով մտնելը տեսայ, ըսաւ

Պիկրընայլ :

Թենարտիէ շուտ մը բացաւ թուղթը և ճրագին
մօտեցուց :

— Էրօնի՛ի գիրը. ս՛ւֆ :

Նշան ըրաւ կնոջը որ անմիջապէս մօտեցաւ,
Թուղթին վրայ դրուած տողը ցուցուց անոր. յետոյ
խորին ձայնով մը շարունակեց :

— Շո՛ւտ, ելարանը, կափուլին մէջ թողունք մսեղ որսը և կծիկը դնենք:

— Նախ մարդուն գլուխը չպիտի կտրէ՞ք, հարցո՞ց թենարտուհին:

— Ժամանակ չունինք:

— Ուրկէ՞ պիտի փախինք, կրկնեց Պիկրընայ:

— Պատուհանէն, պատասխանեց թենարտիէ:

— Բօնին քանի որ քարը պատուհանէն նետեց, ըսել է թէ տունը այն կողմէն պաշարուած չէ:

Որովայնախօսի ձայն ունեցող դիմակաւորը վար դրաւ մեծ բանալին, երկու թեւերը վեր ըրաւ օդին մէջ և առանց բառ մը արաստանելու արագապէս երեք անգամ ձեռները բացաւ և փոցեց: Նաւաստիներու մէջ տրուած անագին ճգնաժամի մը նշանը եղաւ այս: Աւազակները թողուցին կալանաւորը: Ակնթարթի մը մէջ չուանէ սանդուղը պատուհանէն դուրս կախուեցաւ և երկու երկաթէ ակիչներովը պատուհանին եզրին յարեցաւ պնդապէս:

Կալանաւորը ուշադրութիւն չէր ընել նշմարելու համար ինչ որ կ'ա'ցնէր իր բոլորտիքը: Կ'երեւար թէ կը մտախոհէր կամ կ'ազօթէր: Երբ սանդուղը հասաւ տապէս կախուեցաւ, թենարտիէ պոռաց:

— Եկո՛ւ, կնիկ:

Եւ գէպի պատուհանը վազեց:

Բայց երբ ոտքը պատուհանէն դուրս հանելու վրայ էր, Պիկրընայ ուժգնակի անոր օձիքը բռնելով, ըսաւ:

— Չէ՛, կեցիք նայինք, աներես ձերուկ, մեզմէ հտք:

— Մեզմէ՛ հտք, ոտնացին աւազակները:

— Տղա՛յ էք աղա՛յ, ըսաւ թենարտիէ, ժամանակ չկորսնցնենք: Ոստիկանութիւնը մեր ետեւն է:

— Ապա ուրեմն, ըսաւ աւազակներէն մէկը, վի-

ձգենք. անցնի առաջ որու որ վիճակը պիտի իյնայ:

Թենարտիէ գոչեց:

— Խե՛ւ էք, փախուկ էք. ահա խել մը մորոսներ որոնք կ'ուզեն ժամանակ անցնել տղայաբար, մտա թրջել վիճակ ձգել, անուններ գրել, և անունները գլխարկի մը մէջ դնել, այնպէս չէ՛:

— Գլխարկս կ'ուզէ՞ք, պոռաց ձայն մը դուռին սեմէն:

Ամէնքն ալ դարձան: Ժավէրն էր պոռացողը:

Ժավէր գլխարկը ձեռքը բռնած էր, և ժպտելով աւազակներուն կ'երկնցնէր զայն:

Գ Լ Ո Ւ Խ Ի Ա .

ՆԱԽ ԵՒ ԱՌԱՋ ՊԷՏՔ Է ՄԻՇՏ ՆԱՀԱՏԱԿՆԵՐԸ
ՉԵՐԲԱԿԱԼԵԼ

Երբ զիշերուան մութը սկսած էր տիրել, ժավէր տեղ տեղ մարդեր դրած, և ինքն ալ Պարիէր տը կօւլըլէնի փողոցին ծառերուն ետեւը դարանի մտած էր. այս փողոցը պսլվարին միւս կողմէն Կօրպօի խարխուլ տունին գէմն է: Նախ իր գոպանը (իմա բանջը) խոցած էր մէջը նետելու համար երկու նորատի աղջիկները որոնք որջին բոլորտիւր հսկելու պաշտօն ունէին: Բայց միայն Աղէլման գոպանած էր: Իսկ էրօսին իր տեղը կեցած չէր. աներեւոյթ եղած ըլլալով՝ բռնուած չէր: Յետոյ ժավէր պահուած էր սպասելով որ որոշուած նշանը տրուի: Կառքին երթեւեկութիւնները սաստիկ յուզած էին զինքը: Վերջապէս համբերութիւնը

հատած էր. և ապահով ըլլալով թէ րոյն մը կայ հոն, և ճանչցած ըլլալով աւազակներուն շատերը որ ներս մտած էին, որոշած էր ժամել և վեր ելլել առանց ըստակելու որ ատրճանակը նետուի:

Ինչպէս կը յիշէ ընթերցողը, ժամէր Մարիուսին բանալին ունէր քովը:

Յարմար ատենին հասած էր:

Աւազակները՝ ահարեկ՝ իրենց զէնքերուն վրայ յարձակեցան զոր փախչելու միջոցին հոս հոն նետած էին: Մտերերկրորդ մը անցած չէր տակաւին և ահա այս եօթը մարդերը՝ զոր տեսնողը կը զարհուրէր՝ պաշտպանողական դիրքով մը խմբուեցան. մէկը իր տապարը, մէկը իր բանալին, միւսը իր բերրը, միւսներն ալ մկրտաները, երկաթէ լղակները և կռանները առնելով: Իսկ թենարտիէի ձեռքը իր դանակը կար: Թենարտուէին ահագին սալաքար մը բռնեց որ պատուհանին անկիւնն էր և որ աթոռի տեղ կը ծառայէր իր աղջիկներուն:

Ժամէր գլուխը դրու գլխարկը, և երկու քայլ առաւ դէպի սենեակը, թեւերը կուրծքին վրայ, գաւազանը թեւին տակ, սուրը պատեանին մէջ ունենալով:

— Մի՛ շարժի՛ք, ըսաւ: Պատուհանէն չպիտի անցնիք. դուռնէն պիտի անցնիք: Դուռնէն անցնիլը նուազ վնասակար է: Դուք եօթը հողի էք, իսկ սենք տասնընչինդ: Հարնալի պէս մէկ մէկու պարանոց չբռնե՛ք: Ագնիւ ըլլանք:

Պիկրընայլ ատրճանակ մը առաւ զոր պլուզային տակ պահած էր, և թենարտիէին ձեռքը առաւ, առնոր ականջին ըսելով.

— Ժամէրն է այն: Ես այս մարդուն վրայ չեմ համարձակիր ատրճանակը նետելու, դուն կը համարձակի՞ս:

— Հապա կը հարցնե՞ս: Ըսաւ թենարտիէ:

— Ապա ուրեմն նետէ:

Թենարտիէ հրացանակը բռնեց, և ժամէրին ուղղեց:

Ժամէր որ երեք քայլ հեռու էր. ուղղակի թենարտիէի նայեցաւ և ըսաւ միայն.

— Մի՛ նետեր հա՛, կրակ չպիտի առնէ:

Թենարտիէ կայծահանը քաշեց, բայց կրակ չառաւ:

— Քեզի չըսի՞, կրկնեց ժամէր:

Պիկրընայլ իր մահակը ժամէրին ստքերուն առջեւ նետելով.

— Ստտանաներուն թագաւո՛րն ես դուն, անձնատուր կ'ըլլամ ըսաւ:

— Հապա գո՛ւք, հարցուց ժամէր միւս աւազակներուն:

— Մենք ալ, պատասխանեցին:

Ժամէր հանդարտօրէն կրկնեց.

— Լա՛ւ, ահա ասանկ ըլլալ պէտք է, կ'ըսէի թէ աւելի ագնիւ է այս կերպը:

— Մէկ բան կ'ուզեմ միայն, կրկնեց Պիկրընայլ: կ'ուզեմ որ երբ բանտը դուրսիմ, ծխախոտ տրուի ինձ:

— Ենորհուած է, ըսաւ ժամէր: Յետոյ դարձաւ և ետեւը գտնուողները կանչելով:

— Հիմա մտէք, ըսաւ:

Անմիջապէս քաղաքապահներու և ոստիկաններու խումբ մը սուրելով, մահակներով և բիրերով ներս խուժեցին ժամէրին ձայնը առնելով: Աւազակները կաշկանդուեցան: Մարդերու այս բազմութիւնը զօր ճրագ մը հազիւ հազ կը լուսաւորէր. ստուերով կը զրաւէր որջը:

— Ամէնուն ալ շրուշակ անցուցէք, պոռաց ժամէր:

— Մօտեցէք տէ, կը տեսնէք, պոռաց ձայն մը

որ մարդու ձայն չէր և որու համար ոչ ոք կրնար ըսել թէ կնոջ ձայն մըն է :

— Թենարտուհին պատուհանին անկիւններուն մէկը պաննէջ մը ըրած էր իրեն, և այն էր այն մանչու-մը հանողը :

Քաղաքապահները և փայտուորները ետ քաշուեցան :

Թենարտուհին վրայէն շալը նետած և գլխարկը պահած էր. էրիկը որ անոր ետին կծկուած էր, գրեթէ աներևոյթ կ'ըլլար ինկած շալին տակ, կինը իր մարմինովը կը ծածկէր զայն. երկու ձեռքերովը գլուխին վերևը բարձրացնելով սալաքարը՝ քարածայռ մը նետելու պատրաստուող հսկաուհիի մը սրտումով :

— Քաշուեցէք պոռաց :

Ամէնքն ալ դէպի նրբանցքը քաշուելով, սենեակին մէջ թափուր տեղ մը բացուեցաւ :

Թենարտուհին աւաղակէեւուն նայեցաւ որոնք կաշկանդուած էին առանց զիմադրութեան, և կոկորդային ու բիրա ձայնով մը մըմոաց :

— Վատե՛րր :

Ժավէր ժպտեցաւ և յառաջացաւ սենեակին դէպի թափուր ձգուած տեղը, ուր կր նայէր Թենարտուհին իր երկու բերերովը :

— Մի՛ ձօռնար, կարիք թէ ոչ գլուխդ կը ջախջախեմ, պոռաց Թենարտուհին :

— Ինչ արի զինուոր, ըսաւ ժավէր. մայր դու, ստոյգ է թէ մարդու մը պէս մօրուս ունիս, բայց ես ալ կնիկի մը պէս ճիրաններ ունիմ :

Եւ նորէն յառաջացաւ :

Թենարտուհին՝ հերարձակ և սոսկալի՛ իրարմէ զատեց սրունքը. ետևը ծռեցաւ և սալաքարը ժավէրին գլուխին նետեց մոլեգնաբար : Ժավէր ծռեցաւ, սալաքարը վրայէն անցաւ, ներսի պատին զարկաւ, պատին վրայէն բուռի մեծ կտոր մը վար իջեցուց, և օրջին մէջ տեղէն՝ որ բարբախտաբար թափուր էր՝ անկիւնէ անկիւն ոստոստելով մինչև ժավէրին ներբաններուն քովն եկաւ կեցաւ :

Նոյն պահուն ժավէր ամօղներուն մօտեցաւ : Իր

լայն ձեռքերէն մէկը կնիկին ուսին վրայ դրաւ ուժգին և միւսն ալ էրիկին գլուխը բռնելով :

— Երուշակները, պոռաց :

Ոստիկանութեան մարդերը ներս մտան խռնելով, և քանի մը մանրերկրորդի մէջ ժավէրին հրամանը կատարուեցաւ :

Թենարտուհին՝ յուսահատ իր և էրիկին կաշկանդուած ձեռքերը նայեցաւ, գետինը ինկաւ և լալով պոռաց :

— Աղջիկնե՛քս :

— Բանտն են, ըսաւ ժավէր :

Սակայն ոստիկանները դուռին ետևը քնացող գինովը նշմարելով կը ցնցէին :

Արթնցաւ գինովը :

— Լմեցա՞ւ, Ժօնարէթ :

— Այո՛, պատասխանեց ժավէր :

Կաշկանդուած վեց աւաղակները ոտքի վրայ էին. բայց տակաւին ճիւղի կերպարանք ունէին, երեքին երեսը սեռով մրոկուած երեքն ալ գիմակ դրած էին :

— Մի՛ հանէք զիմակները, ըսաւ ժավէր :

Եւ Բօթատամի զօրահանդէսի ներկայ Յրետերիկ Բ.ի մը նայուածքով աւաղակներուն նայելով հանդիսապէս «ձխահան մաքրողներուն» ըսաւ :

— Բարի լո՛յս, Պիկըրնայլ : Բարի լո՛յս, Պրիւտօն : Բարի լո՛յս Տէօ Միլիար :

Ապա դէպի երեք զիմակները դառնալով ուսնաւոր մարդուն ըսաւ :

— Բարի լոյս, Կէօյմէր,

Բրաւոր մարդուն :

— Բարի լո՛յս, Պապէ :

Եւ որովայնախօսին.

— Բարե՛ւ, Պլազսու :

Ժավէր նոյն միջոցին աւաղակներուն կալանաւորը նշմարեց որ ոստիկանութեան մարդերուն գալէն ի վեր գլուխը կախած էր առանց խօսք մը արտասանելու :

— Բակեցէք պարօնը, ըսաւ ժամէր, և թո՛ղ ոչ ոք դուրս ելլէ:

Ասիկա ըսելէն ետք իշխանաբար սեղանին առջեւ ըստաւ որու վրայ մնացած էին ճրագը և կաղամարը: Կրպանէն դրօշմաւոր թուղթ մը հանեց և սկսաւ տեղեկագրիւրը գրել:

Երբ գրեց առջի տողերը որոնք ոչ այլ ինչ են եթէ ոչ միշտ միևնոյն սովորական խօսքերը, աչքերը վեր ըրաւ:

— Մօտ բերէք այն պարօնը զոր այս պարօնները կապած էին:

Ոստիկանները չորս դին նայեցան:

— Է՛, ո՛ւր է պարօնը, հարցուց ժամէր:

Աւազակներուն կալանաւորը Պ. Լըպլան, Պ. Իւրպէն Գապրը, Իւրսիւլի կամ Արտոյաին հայրը աներեւոյթ եղած էր:

Դռանը քով պահապաններ դրուած էին, բայց պատուհանին քով ոչ: Մարդը քակուելէն ետք՝ երբ ժամէր տեղեկագրիւրը պատրաստելու կը պարապէր, սենեակին մէջ տիրող շփոթէն, աղմուկէն, բազմութենէն օգուտ քաղելով պատուհանէն դուրս յարձակած էր վայրկեանի մը մէջ ուր ոչ ոք ուշադրութիւն կ'ընէր իրեն:

Ոստիկան մը պատուհանը վազեց և նայեցաւ: Ոչ ոք կը տեսնուէր դուրսը:

Չուանէ ելարանը գեռ կ'երերար:

Մե՛ղք, մրմոաց ժամէր. գուցէ լաւագոյնն էր այն:

ԳԼՈՒԽ ԻԲ.

ԵՐՐՈՐԴ ՀԱՏՈՐԻՆ ՄԷՋ ՃՁՈՂ ՊՁՏԻԿԸ

Օրիթալի պուլվարի տունին մէջ այս դէպքերը կատարուելէն օր մը ետք, աղայ մը՝ օր կ'երեւար թէ Աւստերլիցի կամուրջին կողմէն կուգար՝ աջ կողմի կողմնական ծառուղիէն երթալով դէպի Փօսթէնպլոյթ կողմերը կ'ուղղուէր: Արդէն գիշեր եղած էր: Այս աղան որ դալկադէմ և նիհար էր, հնօտներ և կտաւէ

բանթալօն մը հագած էր փեարվար ամիսին մէջ, և ըլոր զօրութեամբը կ'երգէր:

Իրթի-Պանգիէի փողօցին անկիւնը պառաւ կին մը ծւելով աղբերու դէզի մը մէջ բան կը փնտռէր լամպարին լոյսովը աղան անցնելու միջոցին ոտքովը պառաին զարկաւ յանգէտս, յետոյ ետ քաշուելով:

— Վա՛յ, չուն չէ եղեր. մինչդեռ ես անագին, անագին չուն մը կարծեք էի ասիկա: Ահագին բառը երկրորդ անգամին ձայնը այնպիսի հեզնութեամբ մը հասարեցնելով արտասանեց որ բաւական լաւ արտայայտուելու համար պէտք է գլխագիրներով գրել. անագի՛ն, Ա.ՀԱԳԻՆ չուն մը:

Պառաւը սաստիկ բարկանալով կանգնեցաւ:

— Կիրամուտքի վաստակ, մրմոաց: Եթէ ծուած չըլլայի, գիտէի թէ ո՛ր տեղդ ստքիս տակ ասնելով պիտի ջախջախէի:

Տղան արդէն հեռացած էր:

— Քո՛ս, քրս, կրկնեց: Ապա ուրեմն թերեւս սըխալած չեմ գորնելովս:

Պառաւը՝ զայրոյթէն շնչասպառ՝ բոլորովին կանգնեցաւ, և լամպարին նշոյլը գլխովին լուսաւորեց անոր կապարագոյն գէմքը որու վրայ անկիւններ, խորչումներ փորուած էին, զանազան գիծերու հետ որոնք բերնին իորչերուն կը մօտենային: Մարմինը մութին մէջ աներեւոյթ կ'ըլլար, և միայն գլուխը կը տեսնուէր: Չառանցումի դիմակն էր այն զոր կարծես թէ նշոյլը գիշերային խաւարին մէջ նկարած էր: Պատանին պառաւը դիտելով:

— Տիկինը, ըսաւ, չունի այն դեղեցկութեանը որ իմ հաշիւս կուգայ:

Յետոյ իր ճամբան շարունակեց, և նորէն սկսաւ երգելն:

Երրորդ տողը լմացնելէն ետք երգը ընդմիջեց: Թիւ 50 52 տունին առջև հասած էր, և դուռը գոց գտնելով սկսած էր ոտքերովը դուռին զարնել, գորգումով և դիւցազնական կերպով զարնելով, որով անոր մարդու մոճակներ հագած ըլլալը կը յայտնուէր աւելի քան թէ պատնեկան ոտքեր ունենալը:

Սակայն այն պատաւը որու պատանին հանդիպած էր Բըթի Պանգիէի փողոցին ծայրը, սնոր ետեւէն վազելով կուգար, աղակալի աղաղակներ հանելով և մեծ մեծ շարժումներ ընելով:

— Ի՞նչ է այն, ի՞նչ է այն, Աստուած իմ Աստուած, դուք պիտի խորտակէ հիմա, առանձն պիտի փլցնէ:

Պատանին ոտքովը տակաւին կը զարնէր դուռին:

— Մի՞թէ հիմա այս կերպով կը նորոգուին տուները:

Յանկարծ հանգ առաւ պառաւը՝ ստամբակը ճանչնալով:

— Վա՛յ, այն շուտիկն է եղեր:

— Վա՛յ, պառաւն է եղեր, ըսաւ պատանին: Բարի լո՛յս, Պիւրկոնիկ խաթունիկ, նախահայրերս տեսնելու եկայ:

Պառաւը պատասխանեց դէմքը ծռելով. բաղադրուած ծուծիւն դէմքի զոր՝ առեղութիւնը պառաւին տկարութեան և ազգողութեան շնորհիւ յանկարծ կազմած էր սքանչելապէս և որ դժբաղդաբար կորսուեցաւ մութին մէջ:

- Տունը ա՛լ մարդ չկայ, շաներես:
 - Վա՛շ, կրկնեց պատանին. ո՛ւր է ուրեմն հայրս:
 - Ֆորսի բանան է:
 - Իրա՛ւ. հապա մա՛յրս:
 - Սէն Լազարն է:
 - Է՛, աղէկ. հապա քոյրե՛րս:
 - Անոնք ալ Մատրլօնէթն են:
- Պատանին ականջին ետեւը քերեց, Պիւրկոն խաթունին նայեցաւ և ըսաւ.

— Ա՛հ:

Յետոյ ներբաններուն վրայ դարձաւ, և պահ մը ետք պառաւը՝ դուռին սեմին վրայ կեցած՝ պատանիին ազգու և կայտառ ձայնը լսեց որ ձմեռնային հովէն քարսող սեւաթոյր կնձիներու մէջ սուղելով կ'երգէր:

ՎԵՐՉ ՎԵՑԵՐՈՐԴ ԶԱՏՈՐԻ

ՎԻՔԹՕՐ ՀԻԿՈ

ԹՇՈՒԱՌՆԵՐ

ԶՈՐՐՈՐԴ ՏՊԱԳՐՈՒԹԻՒՆ

ՄԱՍՆ ԶՈՐՐՈՐԴ

ՀԱՏՈՐ Է. (5)

ԿԵԴՐՈՆԱՏԵՂԻ ՊԱԼԵՆՑ ԳՐԱՏՈՒՆ

1922
Տպագր. Մ. ՏԷՐ-ՍԱՀԱԿԵԱՆ
ՂՈՒԻՍ

6405